

Mukétímù **Di mpátíri tɔ̀ tìi náàntì**

Mukétímù kó dipátíri ti náá mMɔ̀yiisi do bè duós nKuyie nkuó Sinaii tã̀rì kédèè kè bèe báátímè mme kékété ke bo ta Kuyie mbè duós ndiì eì. Bè de nkèté kétuàke Kadeesi Badinna tenkè kè dè nkpráá bè bo tamè diheì mǎà, kè bè né depe bè bo tamè de kó diheì. Kè Kuyie nyṹs mbe to, kè bèe fité ke dò yebie nsipìsìnàà dikpráá mieke, kè dè mboní kè bè baa tuàke Mɔ̀abu tenkè mukókúó nkóò dàméèrì bakù youú. Isidayeeriibe do dò nké de nyíté kéta Kuyie mbè duós nkèè tenkè Kannahã̀.

De kó dipátíri sɔ̀tè Mudennimù kó dipátíri nè ikuó niùbè pátíri ye kó tináàntì nti, ke benkú Kuyie nkó benitìbè do cĩnnimè, kè be tákùmè níí bonke di nyiè kèwète kétonkè diterì. Nè memme kè Kuyie nkuu me mpĩ nku nùù kù bè dɔ̀unnè di ke dó ké di dò. Kè Mɔ̀yiisi ncómmú benitìbè cuokè ke náá mbenitìbè Kuyie nhò nàké tì, ke kù bàá mbenitìbè kpéí.

Di mpátíri náàntì duós ke dómme

1. Bè do kérémmè ditã̀ri Sinaii kó dikpráá mieke 1:1-10:10
2. Bè itémè Sinaii ke ta Mɔ̀abu biriku 10:11-21:35
3. Bè bomè Mɔ̀abu tenkè:
Badaki do yèmmè Badammuu bɔ̀nté
Isidayeeriibe kusĩnkù 22-24
Bè yeténèmè Kuyie, mucèmmu sɔ̀témè nè ikuó
maì de kó tináàntì 25-36

ISIDAYƐERIBE DO KÉRÍME DITĀRÌ SINNAII KÓ DIKPÁÀ

Bè kàammè IsidayƐeribe meketimè

¹ IsidayƐeribe yè Esibiti kè dè mmàke dibenni ndi.

Dibenni déri kóo tánkù odéri kó diyìe ketirì, kè ti Yiè nKuyie mbéinnè Mòyiisi Sinaii kó dikpáà ku taummè tou mièke ke dò: ² Kaannè IsidayƐeribe

kéntũ mbe naàmùnti tũmmè titòbè nè be cǎĩ tũ ntũmmè sitòbè, di kaa mbèè kó dimàà tu benitidaabè kèwãri bá wè o yètìrì. ³ Mòyiisi fǎ nnè Anò di

kaa nyIsidayƐeribe bèè mòke yebie nsipísidé kènto ke deètinko bèè bo na kékote mudoò be tĩrè dõmmè.

⁴ Bá kùù naàmùnkù be cǎĩ mièke dí deite okóti òmáà òmáà kè bè ndi nèinè. ⁵ Nte bèè yóó di nèinè be yètè:

Dubenni kó kunaàmùnkù mièke, Sedeuu bire Edisuu.

⁶ Simmeðð kòku mièke, Sudisadaii bire Sedumieri.

⁷ Sudaa kòku, Amminadabu bire Nasðð.

⁸ Isakaa kòku, Suaa bire Netanneyɛedi.

⁹ Sabunòò kòku, Edonni bire Ediabu.

¹⁰ Sosɛfu kó ibí Efadaimmu nè Manansee be kó tinaàmùnti kòbe:

Efadaimmu kòku, Ammiudi bire Edisama.

Manansee kòku, Pedasuu bire Kammidiyɛedi.

¹¹ Bensameɛ kòku, Kideonii bire Abidanni.

¹² Danni kòku, Amisadaii bire Ayiesɛɛ.

¹³ Aseɛ kòku, Okadanni bire Pakiyɛedi.

¹⁴ Kadi kòku, Deuyɛedi bire Ediasafu.

¹⁵ Nefutadii kòku, Enanni bire Aida.

¹⁶ De kó benitibè do tú bè tǎáté bèmbɛ. Bè do tú bèè kòti bèmbɛ be botí mièke ke ni benitibè sikoupi. ¹⁷ Mèmme Mòyiisi nè Anò kè bèè túóté de

kó benitìbè bè tǎāté bè, ¹⁸ kětíí nyIsidayeeribe bemou otánkù dèrì kó diyìè ketirì, kè Isidayeeribe bate be naàmùntì nè be cǐí, kè bèè dei bèè mǎke yebie nsipísìdé sùdé kéndèètìnkò.

¹⁹ Mèmmè Mǎyìisi bè kàammè Sinaii kó dikpáà miéke ti Yìè nKuyie ndo tì nhò nàké ke yè ndè ndòmmè.

Bè ketémè mukàmmù

²⁰ Bè bate dìi mǎnnì Dubenni wèè tu Isidayeeribe kóo po kó kunaàmùnkù kédeè kè bèè kaa mbèè kó dimàà tùàke yebie nsipísìdé kéndèètìnkò, bèè dò mbè bo na kékòte mudoò.

²¹ Bè do kaa mbè Dubenni kó kunaàmùnkù bè do bo sikǎupíísìnàà nè sikǎupísìkuà nè sikǎusìnùmmù ndi (46500).

²² Kè bèè bate Simmèǎ kó kunaàmùnkù kékaa mbèè mǎke yebie nsipísìdé kéndèètìnkò benitidaabè mǎà kǎwǎri be yètè. ²³ Kè bè mbo sikǎupíísìnùmmù nè sikǎupísiwei nè sikǎusitǎāti (59300).

²⁴ Kè bèè bate Kadi naàmùnkù kǎbe be cǐí dò ndòmmè benitidaabè, bèè mǎke yebie nsipísìdé kéndèètìnkò bèè dò nkéna kékòte mudoò. ²⁵ Kè bè mbo sikǎupíísìnàà nè sikǎupíísìnùmmù nè sikǎusìkuà nè sipíísìnùmmù (45650).

²⁶ Kè bèè bate Sudaa naàmùnkù kǎbe be cǐí dò ndòmmè benitidaabè, bèè mǎke yebie nsipísìdé kéndèètìnkò bèè dò nkéna kékòte mudoò. ²⁷ Kè bè mbo sikǎupíísìyiekè nè sikǎupíísìnàà nè sikǎusìkuà (74600).

²⁸ Kè bèè bate Isakaa naàmùnkù kǎbe be cǐí dò ndòmmè benitidaabè bèè mǎke yebie nsipísìdé kéndèètìnkò, bèè dò nkéna kékòte mudoò, ²⁹ kè

bè ríbo sikəupírísìnùmmù nè sikəupísìnàà nè sikəusìnàà (54400).

³⁰ Kè bèe bate Sabunəə naàmùnkù kəbe be cǎĩ dō ndòmmè benitidaabè bèè m̀əke yebie nsipísídé kéndèètínko bèè dō nkéna kékəte mudòò, ³¹ kè bè ríbo sikəupírísìnùmmù nè sikəupísìyiekè nè sikəusìnàà (57400).

³² Kè bèe bate Sosefu birə Efadaimmu kó kunaàmùnkù kəbe be cǎĩ dō ndòmmè benitidaabè bèè m̀əke yebie nsipísídé kéndèètínko, bèè dō nkéna kékəte mudòò, ³³ kè bè ríbo sikəupírísìnàà nè sikəusìnùmmù (40500).

³⁴ Kè bèe bate Manansee, Sosefu birə terè kó kunaàmùnkù kəbe, benitidaabè bèè m̀əke yebie nsipísídé kéndèètínko, bèè dō nkéna kékəte mudòò, ³⁵ kè bè ríbo sikəupírísitàāti nè sikəupísídé nè sikəusídé (32200).

³⁶ Kè bèe bate Bensamee kó kunaàmùnkù kəbe be cǎĩ dō ndòmmè benitidaabè bèè m̀əke yebie nsipísídé kéndèètínko, bèè dō nkéna kékəte mudòò, ³⁷ kè bè ríbo sikəupírísitàāti nè sikəupísìnùmmù nè sikəusìnàà (35400).

³⁸ Kè bèe bate Danni kó kunaàmùnkù kəbe be cǎĩ dō ndòmmè, benitidaabè bèè m̀əke yebie nsipísídé kéndèètínko, bèè dō nkéna kékəte mudòò, ³⁹ kè bè ríbo sikəupírísikuə nè sikəupísídé nè sikəusìyiekè (62700).

⁴⁰ Kè bèe bate Asee kó kunaàmùnkù kəbe be cǎĩ dō ndòmmè, benitidaabè bèè m̀əke yebie nsipísídé kéndèètínko, bèè dō nkéna kékəte mudòò, ⁴¹ kè bè ríbo sikəupírísìnàà nè tekəupíitè nè sikəusìnùmmù (41500).

⁴² Kè bèe bate Nefutadii kó kunaàmùnkù kəbe be cǎĩ dō ndòmmè, benitidaabè bèè m̀əke yebie

nsipísidé kéndèètìnkò, bèè dò nkéna kékòte mudòò. ⁴³ Kè bè ríbo sikòupírísìnùmmù nè sikòupísitàãti nè sikòusinàà (53400).

⁴⁴ Mèmmè Mòyiisi nè Anòò nè Isidayeeribe kó tinaàmùntì tepíítè nè tidétì kó bekótíbè kàammè Isidayeeribe be cǎi dò ndòmmè. ⁴⁵ Kè bèè bate bèè màke yebie nsipísidé kéndèètìnkò bèè dò nkéna kékòte mudòò, ⁴⁶ kè bèè wǎnné bemà kémbò sikòupíkòùsikuò nè sikòupísitàãti nè sikòusinùmmù nè sipísìnùmmù (603550). ⁴⁷ Bè né í nwǎnnénè Defii kó kuwò nke kàa.

Defiibe kó mutǎmmú

⁴⁸ Kè ti Yiè nKuyie nnáké Mòyiisi ke dò: ⁴⁹ A báá kaa nDefii kó kuwò, a báá bè kàannè Isidayeeribe. ⁵⁰ Á bè duó mmetaummè tou kó mutǎmmú, kè bè ndake n nentì kpéi nnè dèè kó dimàà cénke tú metaummè tou kperè. Bèè yó ntòu n taummè tou nè di nentì, bèè yó nte de kó mutǎmmú, kè di báté dè bèè yóó fité metaummè tou. ⁵¹ Kè metaummè tou do nkésòò ndikari bèè yóó di kpèété, kè di tùòke di bo cómmú dè, bèè di cònné. Wèè í tú Defii botí kou kòò di tòónnè bèè ò kùò. ⁵² Isidayeeribe bá dii tǎnni di níi báté di kó mefiè, di kó mecannimè borè. ⁵³ Kè Defiibe bèè báté kéfíté metaummè tou, kè dèe yie mmí nKuyie nkè m mièke báá do Isidayeeribe. Defiibe bèè yó mpí metaummè tou mièke mutǎmmú.

⁵⁴ Mèmmè kè Isidayeeribee tǎnne weti weti ti Yiè nKuyie nnáké ti Mòyiisi be kpéi nkòò ti mbè nàké.

2

Bè kànnè mèè botí Isidayeeribe

¹ De kó difōnkúò kè ti Yiè nKuyie nnáké Mōyiisi ke dò: ² Isidayεεribe bá dìi tīnni dì níí báté di wuò nkó meccanimè borè kéfíté metaummè tou, ké ndi ciénnè.

³⁻⁸ Sudaa kó ditīnni kàbe nè Isakaa kperi kàbe nè Sabunəə kperi beè yóó wēnné kébáté metaummè tou diyie yìèní kèè bíékè, Sudaa kó meccanimè borè.

Kè Amminadabu bire Nasōō nni Sudaa kàbe kó dihāāpòntīnni kè di mbo behāāpòmbè sikəupírisiyiekè nè sikəupísinàà nè sikəusikuò (74600).

Kè Suaa bire Netanne yeedi nni Isakaa kàbe kó dihāāpòntīnni behāāpòmbè sikəupírisinùmmù nè sikəupísinàà nè sikəusinàà (54400).

Kè Edonni bire Ediabu ni Sabunəə kàbe kó dihāāpòntīnni behāāpòmbè sikəupírisinùmmù nè sikəupísiyiekè nè sikəusinàà (57400).

⁹ Kè bèε wēnné beməu kəmbo behāāpòmbè tekəupíkùtè nè sikəupírisini nè sikəupísiikuò nè sikəusinàà (186400).

Beè kó dihāāpòntīnni níí yóó niité kéité.

¹⁰⁻¹⁶ Dubenni kó ditīnni kàbe nè Simmeōō kó ditīnni kàbe nè Kadi kó ditīnni kàbe beè yóó wēnné kébáté metaummè tou bakù cānku bíékè, Dubenni kó meccanimè borè.

Kè Sedeuu bire, Edisuu nni Dubenni kó dihāāpòntīnni behāāpòmbè sikəupírisinàà nè sikəupísiikuò nè sikəusinùmmù (46500).

Kè Sudisadaii bire Sedumieri nni Simmeōō kó ditīnni kàbe behāāpòmbè sikəupírisinùmmù nè sipísiwei nè sikəusitāāti (59300).

Kè Deuyεedi bire Ediasafu nni Kadi kó ditīnni kàbe behāāpòmbè sikəupírisinàà nè sikəupísinùmmù nè sikəusikuò nè sipísinùmmù (45650).

Kè bèε wēnné bεmou kέmbo behāāpòmbè tekouρίkòùpíítè nè sikouρίpísìnùmmù nè tekouρίítè nè sikousìnàà nè sipísìnùmmù (151450).

Bεè yó mpokoo Sudaa nè o kàβε βε kó yetĩrè.

¹⁷ Bε kó difōnkúò kè Defiibe tūnne nè metaummè tou, Defiibe kó dikarì dii ní yó mbo δε cuokè. Bè yó ntū mbè bàté mēè botí nku κε iiti, bá wè ò ní yó mbo o kó mecannimè borè ndε.

¹⁸⁻²⁴ Efadaimmu kó ditĩnnì kàβε nè Manansee kperi bεè yóò wēnné kέbáté metaummè tou diyie taà kèè bíékè Efadaimmu kó mecannimè borè.

Kè Ammiudi bire Edisama nni Efadaimmu kàβε kó dihāāpòntĩnnì behāāpòmbè sikouρίpísìnàà nè sikousìnùmmù (40500).

Kè Pedasuu bire Kammidiyεeri nni Manansee kàβε kó dihāāpòntĩnnì sikouρίpísitāāti nè sikouρίsidé nè sikousidé (32200).

Kè Kideonii bire Abidanni nni Bensameε kàβε kó dihāāpòntĩnnì behāāpòmbè sikouρίpísitāāti nè sikouρίpísìnùmmù nè sikousìnàà (35400).

Kè bèε wēnné bεmou behāāpòmbè tekouρίkòùpíítè nè sikouρίpísìni nè tekòùtè (108100).

Bεè ní yó ntú ditĩnnì tāānnì kέíté.

²⁵⁻³¹ Danni kó ditĩnnì kàβε nè Aσεε kó ditĩnnì kàβε nè Nεfutadii kó ditĩnnì kàβε βεè yóò wēnné kέbáté metaummè tou bakù you bíékè, Danni kó mecannimè borè.

Kè Amisadaii bire Ayiesεε nni Danni kó dihāāpòntĩnnì kàβε behāāpòmbè sikouρίpísikuò nè sikouρίsidé nè sikousiyiekè (62700).

Kè Okadanni bire Pakiyεedi nni Aσεε kó dihāāpòntĩnnì kàβε behāāpòmbè sikouρίpísìnàà nè tekouρίítè nè sikousìnùmmù (41500).

Kè Enanni birε Aida nni Nefutadii kó dihããpòntĩnni sikəupírísìnùmmù nè sikəupísitàãti nè sikəusìnàà (53400).

Kè bèε wěnné bεməu behããpòmbè tekəupíkòtè nè sikəupírísìnùmmù nè sikəupísìyiekè nè sikəusìkuò (157600).

Bεè ní yó ntú besəmbε kéité.

Bá dìi ããpòntĩnni ní yó mbo di kó mecannimè borè ndε.

³² Isidayεεribε mβε bè do kàa mbè ké bè bàte bε cěĩ dòmme, bε kó yehããpòntĩrè yeməu kè yεε wěnné kémbο behããpòmbè sikəupírísìkuò nè sikəupísitàãti nè sikəusìnùmmù nè sipísìnùmmù (603550). ³³ Bè me nyí nkàannè Defiibε Isidayεεribε təbè cuokè ti Yiè nKuyie ndo ti nàké Məyiisi kε yě ndè ndòmme.

³⁴ Kè Isidayεεribεε tũnne weti weti ti Yiè nKuyie ndo nàké tì Məyiisi. Mεmme kè bèε cómmú bεma bεma bε cannimè dò ndòmme. Mεmme bè itémè bε karì bá wè o naàmùnkù dòmme nè o cĩtè.

3

Defiibε kó mutəmmú dò nkéndòmme

¹ Nte Məyiisi nè Anə bε kó iwuə. Ti Yiè nKuyie ndo yóó béinnè Məyiisi Sinaii tārì ĩnkè kè Anə məkε ibí ìnàà ndi ìi yètè tu: ² Nadabu wεè do tú Mpo, kénante Abiu, kòo nante Edeasaa nè Itamaa.

³ Anə kó ibí nyi mεmme, bè do còú mbèè yə mεkùò nke bè cãnné kè bè bo mpĩ nyikuó təmmú. ⁴ Nadabu nè Abiu kè bèε kú Sinaii kó dikpàà metaummè tou bòrìnù, kε yě bè do tònne mε ti Yiè nKuyie ntihúúnti muhãã nsóntíke kəmu. Bè do yóó kú kε

í mọ́ke ibí. Edeasaa nè Itamaa kẹ̀ bẹ̀e sọ̀oté kẹ́mpínnè bẹ̀ cice Anọ̀ ikuó tǎmmú.

⁵ Mẹǹmẹ̀ kẹ̀ ti Yiè nKuyie mbéinnè Mọ̀yiisi ke dọ̀: ⁶ Duó nkẹ̀ Defii kó kuwuọ nkọ̀bẹe tínní, kàa bẹ̀ duó nhAnọ̀ kẹ̀ bẹ̀ nwē nke pfi mmutǎmmú. ⁷ Kẹ̀ bẹ̀e nhò teénnè kẹ̀ bẹ̀ mpfi mmutǎmmú metaummè tou, Isidayeeribe bẹ̀mọ̀u kpeí. ⁸ Bẹ̀e yó ndake metaummè tou kó tinenti kpeí kẹ́mpfi nyIsidayeeribe kó mutǎmmú metaummè tou. ⁹ Á duó nDefiibe Anọ̀ nè o bí, mfi bẹ̀ dèite Isidayeeribe miẹke ke yé nhá bẹ̀ mbè duó. ¹⁰ Anọ̀ nè o bí bẹ̀e mǎa yó ntú ikuó niùbè, kẹ́mpfi nyikuó tǎmmú, kẹ̀ wèè í tú Defii botí kou kòò kàáké de kó mutǎmmú bẹ̀e ò kù.

¹¹ Kẹ̀ ti Yiè nKuyie nní nsọ̀ké ku náaṅti kẹ́bẹi nke dọ̀: ¹² Mfi tǎáté Defiibe Isidayeeribe sǎmbe cuokè, kẹ̀ bẹ̀ bo cọté bẹ̀e tu Mpo bẹ̀ kó difò̀tìrì kẹ́mpfi n tǎmmú, mfi bẹ̀ te. ¹³ Ke yé bẹ̀e tu Mpo bẹ̀ kó dimàa tumè n kọ̀be mbe. M poté d̀i yiè Esibiti tenkè miẹke bẹ̀e tu Mpo, de yiè ndi n cǎ́nnémè Isidayeeribe miẹke bẹ̀e tu Mpo nè bẹ̀ wũṣ pié ì bí ketiyi kẹ̀ ì tu idaai, kẹ̀ dè bo ntú mí ndi Yiè nKuyie n kperẹ.

Bè kàammè Defiibe kó kubotí

¹⁴ Mẹǹmẹ̀ kẹ̀ ti Yiè nKuyie nnáké Mọ̀yiisi Sinaii kó dikpàa miẹke ke dọ̀: ¹⁵ Á kaa nDefii kó ibí initidaai bẹ̀ naàmùnti nè bẹ̀ cẹ́i, kẹ́keténè ì mọ́ke otǎnkù òmǎa òmǎa kẹ́ndeètinko.

¹⁶ Kẹ̀ Mọ̀yiisii tṹnne ti Yiè nKuyie nhò nàké tì ké bẹ̀ kàa.

¹⁷ Nte Defii bí kó yeyètè: Kerisonni nè Keati nè Medadi. ¹⁸ Kẹ̀ Kerisonni kó ibí ntú: Dibini nè Simẹii. Bẹ̀ kó tinaàmùnti nti mēmme. ¹⁹ Kẹ̀ Keati kó ibí ntú: Amudamu nè Isaadi nè Ebunọ̀ nè Usiyedi. Bẹ̀

kó tinaàmùntì nti memme. ²⁰ Kè Mèdadi kpèyi ntú: Madi nè Musi. Defii kó ibí nyi memme be naàmùntì nè be cǐí.

²¹ Kerisonni kó tinaàmùntì do tú: Dibunii kòku nè Semmeii kòku kè bè ntú Kerisonniibe. ²² Kè bèe bè kàa nkétuoté initidabí ìi màke otànkù kénto ke deètinko kè bè mbo sikòupísíyiekè nè sikòusinùmmù (7500). ²³ Kerisonniibe kó tinaàmùntì kòbe beè do kari metaummè tou fònkúo diyìe taà kèe bíékè.

²⁴ Dayeedi bire Ediasafu weè do tú be kó tɛcǐètè kóo kótì. ²⁵ Kerisonniibe kó mutǎmmú do tú bè bo ndakemè metaummè tou kpéi nnè kuyààkù kùù dì dàátí nè kùù kpetí dibòrì. ²⁶ Nè tìi fité kudànkù nè kùù kpetí ditowaà kó dibòrì nè de kó iwǐi bè òò pítínné ì de kó tiyààtì.

²⁷ Keati kó tinaàmùntì do tú: Amudaabe nè Isaabe nè Ebunòobe nè Usiyeedibe be kó tinaàmùntì nti memme. ²⁸ Kè bèe bè kàa nkétúóté initidabí ìi màke otànkù òmáà kèndeètinko kè bè ríbo sikòupísìni nè sikòusìkuò (8600) beè do pǐ mmetaummè tou kó mutǎmmú. ²⁹ Keatiibe kó tinaàmùntì kòbe beè do kari metaummè tou bakù cǎnku bíékè. ³⁰ Usiyeedi bire Edisafǎa weè do tú be cǐètè kóo kótì. ³¹ Beè do te bè bo ndakemè metaummè tɔu kpéi nnè tábùrì nè tɛfitíkèkètè nè yewũòtǎrè nè tinentì teti bè pǐnnè tì ikuó tǎmmú nè kuyààkù de mièke kòku nè iwǐi ìi kù pìtínè.

³² Beè do pǐ mmetaummè tou mièke mutǎmmú kè be kóo kótì tu ikuó nùtì Anòo bire Edeasaa, kè weè mbè baké.

³³ Mèdadi kó tinaàmùntì kòbe do tú: Madiibe nè Musiibe. Mèdadi kó tinaàmùntì nti memme. ³⁴ Kè bèe kaa nyinitidabí ìi màke otànkù kénto ke deètinko kè bè mbo sikòupísìkuò nè sikòusìdé (6200). ³⁵ Kè

Abiyai birɛ Sudiyɛɛdi wɛ̀è ntú bɛ kó tɛɕfɛ̀tè kóo kóti, bɛ̀è do kari metaummè tou bakù you. ³⁶ Medadi kó tinaàmùnti kɔbɛ kó mutōmmú do tú bɛ̀ bo ndakɛmè metaummè tou kó tidabɛɛti kpríi nnè ticádɔ̀ti nɛ yɛsā̀nkè nɛ yɛ kó yɛtɛitiyè nɛ di kó tinɛnti tɛti timɔu. ³⁷ Bɛ̀è do dakenè metaummè tou kó kudā̀nkù kó yɛsā̀nkè kpríi nnè yɛ kó yɛtɛitiyè nɛ dɛ kó ibaaké nɛ dɛ kó iwɛĩ.

³⁸ Mɔ̀yiisi nɛ Anɔɔ nɛ bɛ bí kè bɛ̀ɛ kari metaummè tou diyè yìèní kèè bíékè dibò̀ri bo kèè bíékè, kɛ̀mpĩ nyikuú tōmmú Isidayɛɛribɛ kpríi. Kè wè̀è í tú Defii botí kou kɛ dè tó̀nko, bɛ̀ɛ ò kùɔ.

³⁹ Kè bɛ̀ɛ kaa nDefiibɛ kétúóté initidabí ìi m̀̀kɛ otā̀nkù kèndɛètinko, bɛmɔu kè bɛ̀ mbo sikɔupírísidè nɛ sikɔupírísidé (22000). Mɔ̀yiisi nɛ Anɔɔ bɛ̀è do bɛ̀ kàa kèntũ mɛ naàmùnti dò ndòmmè, ti Yiè nKuyie ndo bɛ̀ nàkémè.

Bè cè̀tènè̀mè Defiibɛ bɛ̀è tu Mpo

⁴⁰ Kè ti Yiè nKuyie nnáké Mɔ̀yiisi kɛ d̀̀: Kaa ny-Isidayɛɛribɛ bɛ̀è kó dimà̀ tu Mpo bɛmɔu, kèketénè ibí ìi m̀̀kɛ otā̀nkù òmà̀ kèndɛètinko, á bɛ̀ kàa nkéwā̀ri bɛ̀ yètè. ⁴¹ Kàa dè̀, á túóté Defiibɛ kè bɛ̀ nni nduú, Isidayɛɛribɛ bɛ̀è tu Mpo bɛ̀ kó difò̀tiri kè bɛ̀ ntú n kɔbɛ, kétúóté bɛ̀ wũ̀ kècɛɛtɛnè Isidayɛɛribɛ kó iwũ̀ pié ìi bí ketiyi kè ì tu idaaì.

⁴² Kè Mɔ̀yiisii kaa nyIsidayɛɛribɛ bɛ̀è tu Mpo ti Yiè nKuyie nhò nàkè kɛ̀ yɛ̀ ndè ndòmmè. ⁴³ Kè bɛ̀ɛ kaa nkéwā̀ri bɛ̀ yètè kétúóté ibí ìi m̀̀kɛ otā̀nkù kèndɛètinko kè bɛ̀ mbo sikɔupírísidè nɛ sikɔupírísidè nɛ sikɔusidè nɛ sipísiyiekè nɛ bètā̀ti (22273).

⁴⁴ Kè ti Yiè nKuyie nnáké Mɔ̀yiisi kɛ d̀̀: ⁴⁵ Túóté Defiibɛ kécónné Isidayɛɛribɛ bɛ̀è tu Mpo bɛ̀ kó

difòtìrì kè nní mbè te kètúóté Defiibe kó iwũṣ pié ìì bí ketiyì kè ì tu idaaì kéceetenè Isidayeeriibe kpeyi Defiibe, mí yó mbè te, mí mbe Yiè nKuyie. ⁴⁶ Isidayeeriibe bèè tu Mpo bèè nàńké Defiibe ìnkè sikousidé nè sipísìyiekè nè bètàãti (273). ⁴⁷ A cawé bá wè yuu ìnkè medítìbii mmènùmmù ìì kèéte metaummè tou kpéí. ⁴⁸ Kàa duó nde kó idíítí Anoo nè o bí, kè bèe do mbèè tu Mpo bèè nàńké.

⁴⁹ Kè Mɔyiisi cuó de kó idíítí kè bè bo donnè Isidayeeriibe bèè tu Mpo bèè nàńké. ⁵⁰ Kè bèe ì cuó kè ì mbo medítìbii ntekoupiítè nè sikousitàãti nè sipísìkuò nè mmènùmmù (1365) bè do kèéte ìì díítí nyi metaummè tou kpéí. ⁵¹ Kòo ì duó nhAnoo nè o bí ti Yiè nKuyie ndo tí nhò nàké wenwe Mɔyiisi ke nyè bèe dàòmè.

4

Defiibe naàmùnti kabe kó mutōmmú

DÈÈNNÌ: Keati naàmùnkù kabe kó mutōmmú

¹ Kè ti Yiè nKuyie mbéinnè Mɔyiisi nè Anoo ke dò: ² Kaannè Defiibe naàmùnti miéke Keati kó ibí be naàmùnti dōmmè nè be cēí, ³ kéketénè benitidaabè bèè mòke yebie nsipísitàãti kèntò kètuakenè bèè mòke yebie nsipísìnùmmù ke dò nkéna képí metaummè tou kó mutōmmú. ⁴ Keati naàmùnti kabe kó mutōmmú yó ntú bè bo ndakemè ikuó nenti kpéí. ⁵ Kè dè ní tùòke di bo ítemè di bàté dè késóó, Anoo nè o bí bèe katení kénúnté kuyààkù kùù pi ikuó nenti kó kufáá. ⁶ Bèe kù pōũ mmetaummè tou. Kè bè dèè bèe di dátínnè kukònkperikù kénós nkuyààkù kùù wũṣ tibeðencēèti ké di tōnné ipààti. ⁷ Kè bè dèè bèe dátínnè kuyààkù kùù do wũṣ tibeðencēèti tábùrì

bè dakù dè pḗḗbè bè m pã mbè mí ndi Yiè nKuyie, kécōnné yebə nè ibòòke nè yebə yèè yīènnè menie nnè yedíè nyikuó kó menaà nhō nhā yèè mieke, bè yó nde ndakù pḗḗbè bè yó nni mpã mbè sãà.

⁸ Bèe dátínné de ñnkè kuyààkù kùù wũṣ tibedencḗḗti kénóó nkukònkperíkù kètōnné tábùrì kó ipààti. ⁹ Kè bè dèè bèe dátínné tefitíkèkètè kuyààkù kùù wũṣ tibedencḗḗti nè yefitibə nè de kó siseú nè dèè kounè mutápeí nnè mekùò ncũṣ sù bukúsí mieke. ¹⁰ Kè bèe dè wēnné kèpṣũ nkukònkperíkù, kèdaá nkudabekù ñnkè, ¹¹ kédátínné disəwũṣtònni kuyààkù kùù wũṣ tibedencḗḗti ke nóó nkukònkperíkù kètōnné ipààti. ¹² Kè bè dèè bèe túóté bè pīñnè tì nenti ikuó tōmmú kèpṣũ nkuyààkù kùù wũṣ tibedencḗḗti nkénóó nkukònkperíkù kè dè wēnné kèdaá nkudabekù ñnkè. ¹³ Kè bè kouté diwũṣtònni kó mutápeí nke dèè bèe dì dátínné kuyaàwũṣkù, ¹⁴ bè yóó de ndaá nyikuó nenti timəu bè tùònnè tì tihúúnti nè simátikũmpéé yenì nkpesi nè tikāpentì nè ibòòke bè mèínè ì meyĩ, diwũṣtònni kó tinentì timəu cénke, kè dè dátínné kukònkperíkù kètōnné ipààti ke bo ndi tòúnè. ¹⁵ Anəw nè o bí kè bè pṣũ ndi mōnni ikuó nenti ke dèè. Kè dè tùòke di bo íté dè késóó, Keati kó ibí katení kè dè tə, bè né báá yie nkè be nòùtèe kááké ikuó nenti, kè bè tì kááké bè yóó kúmu. Be kó mutōmmú tú bè bo ntəumè ikuó nenti. ¹⁶ Kè ikuó niùti Anəw bire Edeasa yie kó mutōmmú yó ntú ò bo ndakemè mme tefitíkèkètè kó mekùò nkpréi nè tihúúnti kufṣṣku kpeti. Nè tidiiti bè m pã nti yewe yeməu nè mekùò mbè ṣṣ cóú mmè oniti yoo dèmarè kè dè cāñné n tōmmú kpéi. Weè yó ndake

metaummè tou dimou kpeí nnè dèè kó dimàà bo di miεke nè ikuó nentì timou.

¹⁷ Kè ti Yiè nKuyie nyíé kénáké Mɔyiisi nè Anɔ ke dɔ: ¹⁸ Dí ndake kè Keati naàmùnkù kɔbe báá kú. ¹⁹ Ntenè di bo yímè kè dèe yie nkè bè báá kááké ikuó nentì tìi bo kufáá mmiεke kékú. Anɔ nè o bí beè yóó bè benke bá wè o tšmmú nè ò yó ntou tìi nentì. ²⁰ Di báá yie nkè bèe yà ikuó nentì tìi bo kufáá, kè bè tì yà bá sám̀pó bè kumu.

DΞENNÍ: Kedissonni naàmùntì kɔbe kó mutšmmú yó ntú mù

²¹ Kè ti Yiè nKuyie nyíé kébéinnè Mɔyiisi ke dɔ: ²² Kaa nKerisonni kɔbe be naàmùntì dò ndòmmè nè be cěí. ²³ Á kaa mbenitidaabè bèè kó dimàà màke yebie nsipísitáati kéntɔ kétuɔkenè sipísìnùmmù ke dò nkéna kípí mmetaummè tou kó mutšmmú. ²⁴ Nte Kerisonni naàmùntì kɔbe kó mutšmmú yó ntú mù nè bè yó ntou dè. ²⁵ Bè yó ntou metaummè tou kó tiyààtì nti, kuyààkù kùù šš di dàtínné nè de kó kukònkù nè kuyààkù kùù šš kpetínné metaummè tou kó dibòrì. ²⁶ Nè kuyààkù kùù fité metaummè tou nè diwũštònnì nè kùù kpetí de kó kudànkù kó dibòrì nè iwěí bè šš núnne ì kuyààkù nè ikuó nentì timou tìi pšinnè ikuó tšmmú. Beè yó nte de kó mutšmmú. ²⁷⁻²⁸ Anɔ nè o bí beè yó mbenkú Kerisonni naàmùntì kɔbe be kó mutšmmú nè bè yó ntou tìi nentì, kè Itamaa ikuó niùtì Anɔ bire mbè ni.

TÁÁTI: Bè kaammè Medadi naàmùnkù kɔbe

²⁹ Kè ti Yiè nKuyie nyíé kébéinnè Mɔyiisi ke dɔ: Kaa Medadi kɔbe be naàmùntì nè be cěí dò ndòmmè. ³⁰ Á kaa mbenitidaabè bèè màke yebie nsipísitáati kéntɔ kétuɔkenè yebie nsipísìnùmmù ke dò nkéna

képfī metaummè tou kó mutōmmú. ³¹ Nte be kó mutōmmú yó ntú mù: Beè yó nte bè bo ntoumè metaummè tou kó tidabeeti nè di kó ipàati nè di kó yesānkè nè ye kó yeteitiyè, ³² yesānkè yèè fité metaummè tou kó kudànkù nè ye kó yeteitiyè nè de kó ibaaké nè de kó iwēĩ nè de kó tinenti timou. Dí benke bá wè ò dò nkéntou tii nenti. ³³ Medadi naàmùnti kabe kó mutōmmú mmu bè yó mpī mmù metaummè tou mieke. Itamaa ikuó niùti Anoo bire, weè yó mbè ni de kó mutōmmú mieke.

Bè kàammè Defiibe bèè pĩ mmetaummè tou kó mutōmmú

³⁴⁻⁴⁹ Mōyiisi nè Anoo nè Isidayeribe kó bekótibè kè bèe kaa nDefiibe be naàmùnti nè be cēĩ dò ndòmmè. Keati naàmùnti kabe nè Kerisonni naàmùnti kabe nè Medadi naàmùnti kabe, kēketénè bèè mōke yebie nsipísitàati kénto kētuakenè yebie nsipísìnùmmù ke dò nképfī mmetaummè tou kó mutōmmú. Kuyie ndo nàké Mōyiisi nwe kòo duó nkè bèe bè kàa nkè bè mbo:

Keati naàmùnti kabe sikoupsidé nè sikousiyiekè nè sipísìnùmmù (2750).

Kerisonni naàmùnti kabe sikoupsidé nè sikousikuò nè sipísitàati (2630).

Medadi naàmùnti kabe sikoupsitàati nè sikousidé (3200).

Bemou kè bèe wēnné kēmbō sikoupsini nè sikousìnùmmù nè sipísini (8580).

Kè bèe bè nàké bè dò nképfī mmùù tōmmú nè tinenti bè dò nkéntou tì, ti Yiè nKuyie ndo ti nàké Mōyiisi ke yē ndè ndòmmè.

5

Dèè bo nte kè bèe denne onìti Isidayeeribe cuokè

¹ Kè ti Yiè nKuyie mbéinnè Məyiisi ke dò: ² Náké Isidayeeribe ke tú kè tikònti pĩ nhòmòu yoo ò tùòti yefòtè yoo ò kàáké ocí. ³ Kòo nitidòu nwe yoo onitipòkù dí ò bèti kòò denne di kó dikarì. Kè dèe yie ndíndi Isidayeeribe kè di báá sīnkùnnè di kó dikarì, m borè di cuokè.

⁴ Kè Isidayeeribe dòò ti Yiè nKuyie nnáké ti Məyiisi be kpéi kòò tì mbè nàké, kémbetì be kó dikarì bèè kó dimàà sīnte.

A bo tūntemè a caàrimè

⁵ Mènmè kè ti Yiè nKuyie nnáké Məyiisi ke dò: ⁶ Náké Isidayeeribe ke tú: Kòò m̀òu cààrè o kou t̀òu kperè yoo ò d̀òò meyei mmamè, ò cààrè mí ndi Yiè nKuyie mmí nwe. ⁷ Wèe dáa nde kó meyei nhò d̀òò mè kèténne ò cààrè dè de yiè, kénóó nkè dè mmanè ò cààrè de kó metotímè yewétiyè yè̀nùmmù kó dimàà. ⁸ Kè bè cààrè wè me nkumu ke í m̀àke o c̀edétè kou, bè na nhò yietí dè, bèe dè duó mmí ndi Yiè nKuyie nkè ikuó niùti dè t̀ùóté, ke né mbúútí dipedaà meyei nhūtímù kperi, ò yóó d̀òòndè dè m̀ewénkùmè kó ikuó. ⁹ Kè Isidayeeribe ní dèite dèmarè dèè tu n kperè de mièke ke duó nyikuó niùti o kperè nde, n yē ndi mbè duò ndènde. ¹⁰ Kè bè c̀ánné dè n kpéi bèe dè duó nyikuó niùti, kè bè duó ndè ikuó niùti o kperè nde.

Ikuó ù tukúnè bè bo wátimè onitipòkù ke dò ò dauti dautinè benitidaabè

¹¹ Kè ti Yiè nKuyie m béinnè Məyiisi ke dò: ¹² Náké Isidayeeribe ke dò: Kòo m̀òu kóo pokù dauti dautinè benitidaabè, ¹³ ke duónè onitidòu m̀òu kòo d̀òu í bè s̀ònké, kòò sãũ nhomáà bá òm̀òu í ò yà, bè me nyí

ò sǎ́nké bè duó dè, ¹⁴ yoo kòo dǎ̀u yèmmè mèè me yete kòò ò wátìrì detetìrè, yoo ò mènke dè dǎ̀dmu. ¹⁵ Kè dè tù̀ðkení ke dò mme botí de yiè nkòtenè o pokù ikuó niùtì borè, kèntònè muyuo ncidòòbè bètǎ̀ati, ò báá mù yǎ̀ere mekùò nyoo tihúúntì, ke yé dè tumè mepútímè kó medǎ̀òrìmè mme, mèè yóó benke bè wátìrì wè dǎ̀dmè meyei nyoo ò í mè dǎ̀ò. ¹⁶ Ikuó niùtì kòtenè de kóo nitipòkù mí ndi Yiè nKuyie ncǐètè kóò còhéné n yìkè. ¹⁷ Kè ikuó niùtì yauté ikuó kó menie ndibuu mièke kèyēté n cǐètè kó mutǎ̀á nkéǎnné de mièke, ¹⁸ kécónné onitipòkù n yìkè kédáté o yuu kuyààkù, kédúó nkòo ceé nho nǎ̀u, kòo ǎ̀nné mepútímè kó muyuo nhò dǎ̀u waanní mù ke bo ò yàákénè, kè ikuó niùtì mómumuò nní ntǎ̀ menétiime mèè tǎ̀uní meyei. ¹⁹ De mǎ̀nnì kè ikuó niùtì béi nhonitipòkù ìkè ke dǎ̀: Kè nsà kàa í duónè onitidǎ̀u tǎ̀u, kòò mǎ̀u í da yùúké ke duónè ke da sǎ̀u, menétiime miè mmèè tǎ̀ kusǐnkù mè báá da tǎ̀nì meyei mmamè. ²⁰ Kàa me nduónèmu onitidǎ̀u tǎ̀u, ke sou nkè dè tu mómumuò nwe onitidǎ̀u tǎ̀u da duónè, ²¹ ti Yiè nKuyie nda cǎ̀s kàa nitipòtì kǔũ kàa naá ntehǎ̀ũnte, késuò nkénaá ndibenkèrì, kàa botí kǎ̀be ní nnáá nha kpéi mbè dǎ̀ dìi mǎ̀nnì kèparìkè. ²² Kè menie mmiè nta a poutì a nitipòtì kǔũ kàa suò. Kòo nitipòkùu cǎ̀uté ke dǎ̀: Dè mme ndò.

²³ Kè ikuó niùtì wǎ̀rì yetannò yeiye ò béi nyè ké ye òúténè menétiime, ²⁴ ke bo nii nhonitipòkù de kó menétiime memme mèè tǎ̀uní meyei nkòo yǎ̀ de kó menétiime. ²⁵ Kè ikuó niùtì cǎ̀uté muyuo mepútímè kǎ̀mu ké mù benke ti Yiè nKuyie ké mù kòtenè diwũòtǎ̀nnì borè, ²⁶ kèfóóté de kó muyuo nkè

mù ndò ndibenkèrì kòo mù tùò ndiwũõtònnì ìnkè ke né na kénii nde kó meniè nhonitipòkù. ²⁷ Kòò mè yà ke sǎ nhò mènke duónèmu onitidòu tǎu ke sou, kè de kó menétiime mèè tǎ kusĩnkù ta o pǎutì mè bo nte kòo nitipòtìi kũũ, kòo naá ntehãũnte, késuo nkénaá ndibenkèrì kòo botí kǎbe níi búi nho kǎpéi bè dǎ dii mànnì kǎparikè. ²⁸ Kè de me nsǎ nhò í duónè onitidòu tǎu ke dò mpáí páí kè de sǎ nhò í sãũ omáà meyei mmamè báá ò tùàkení kòò nsǎké ke pǎi ibí.

²⁹ De kó ikuó tú mepútímè kǎpǎyì nyi, ke tukúnè onitipòkù wèè bo nye nkòo nitidòu tǎu ò duónè kòò sǎnkũnne. ³⁰ Kè de me ndò nhonitipòkù í dǎò dèmarè kòo dǎu yóu mèè kǎpéi nho ìnkè kè deè te, kòò ò kǎtenè ikuó niùtì borè kè ikuó niùtì ò dǎò de kó ikuó. ³¹ Bè í yóó sei nhonitidòu ò wátì mèè kǎpéi nho pokù, kòo nitipòkù me mmènke me dǎòmu wèè yóó tǎ de kó mucǎntimu.

6

Bèè cànnenè Kuyie ndinùù be kó ikuó

¹ Kè ti Yiè nkuyie mbéinnè Mǎyiisi ke dò: ² Náké Isidayeeriibe ke tú n yǎ nkòo nitidòu yoo onitipòkù n cànnenè dinùù ke bo soó ntiyùtì kè deè benke ò n cànnemè dinùù. ³ Ò bá nyǎ mmènaà mbè tumè diféè nè metēmè mèè muò, ò bá nyǎ mmènacéduo, kè bè niù fínyì kó yebe ò báá yǎ de kó dinaabénnì, ò me mbáá cááké fínyì kó yebe sũũyè yoo yekperè. ⁴ De kó yewe wè n cànnenè yè dinùù ye mièke, ò báá di fínyì kǎpere marè, yetebe kó tiwééti yoo ye kó mebi. ⁵ De kó yewe ò n cànnenè yè dinùù ye mièke kuponkù báá kááké o yuu yoo o deènfè kè de kó yewe ò n cànnenè yè dinùù yàa deèné. ⁶ De kó yewe ò

n cànnenè yè dinùù ye miεke ò báá tóónnè ocî. ⁷ Kòo cice nwe yoo o yō yoo o kóo kótì yoo o nantè yoo o tãũ ò báá ò tóónnè, kēsīnkūnne omáà. Ò cǎámmu n kó mutōmmú kpéi ke soké tiyùti.

⁸ Ò soké yèè we tiyùti ye miεke ò cǎámmu n kó mutōmmú kpéi. ⁹ Kè dè me ndò nhòmǎù ku o také metòntòmme ke sīnkūnne o yùti diyìè yiénni yiè wèe kuó o yùti kéwénkūnne omáà. ¹⁰ Diyìè niínni yiè kéwaá nsinónkpeé sǐdési yoo yekpetínónkperε kó yepàà nyèdèé ké dè duó nyikúú niùti metaummè tou bòrì nùù. ¹¹ Kè ikuó niùti feúté tèmáà meyei n cǐémme kpéi, kéféuté tetetè kétuǎ nkédeè kóò dǎò ikuó mewénkùmè kpeyi, kóò wénkūnne ò tóónnémè ocî ke sīnte. De kó diyìè kòo wēte kénáá nwèè cǎá. ¹² Kòo wēte kécǎnné omáà mepammè késoó ntiyùti kéwaá ndipedabii dii mǎke dibenni òmáà ke di nni nféuté meyei nhūtímù kpéi, yewe yèè pēēté yè ténke í kaà nke yé ò sòò sīnkūnne mè o yùti.

¹³ Nte wèè n cànnenè dinùù de kó ikuó yó ndòmme, kè de kó yewe dèè dii mǎnni wèe kǎte metaummè tou, ¹⁴ kéntǎnè o wūǎ ò yó n féuté ò dipedabii dii mǎke dibenni òmáà ke kpa kuyènkù ké di nni nféuté kétuǎ, nnè dipeserì dii mǎke dibenni òmáà ke kpa kuyènkù ke di nni nféuté meyei ncǐémme kpéi nnè dipedaà dii kpa kuyènkù metaummè kpéi. ¹⁵ Muyuo nsààmù bè àntenè mù mekùò nkó yekàtìndà demómbire nè muyuo mmùù í kǎrenè mutie mùù muuti pēè mu kó tipémpēh̄tì ké tì waare mekùò nnè muyuo, ò yó m pǎ mù nè menà mbè ò̄ yǎore mè. ¹⁶ Kòo dè tǎo demǎu metaummè tou borè, kè ikuó niùti dè nni mbenke

kéféuté, meyi nčémmè kó feǒfè nè fèè yóó tuo nhò n cànnenè dìi nùù kpéí. ¹⁷ Kòò dèè ò n féuté dipedaà metaummè kpéí nké n duó mmuyuo mmùù íkǎarenè mutie mùù muuti mu kó yekàtìndà demómbire, kè ikuó niùti n duó nde kó dipānni ké di yǎare menaà. ¹⁸ Kòò dèè, wèè n cànnenè dinùù wèè kuó o yùti metaummè tou bòrinùù, kétúóté o yùti ò kuó ti kéwēnnénè metaummè kó feǒfè kécóu. ¹⁹ Kè ikuó niùti túóté dipedaà kó kubakù kùù bènné kédèite muyuo mmùù í kǎarenè mutie mùù muuti mu kó dikàtìndàà òmáà demómbire miéke nè mu kó kupémpéńkù kùmáà, ké dè duó nwèè n cànnenè dinùù ò kuó dìi mǎnni o yùti ke dèè. ²⁰ Ikuó niùti mómmuǎ nwèè yóó dè benke mí ndi Yiè nKuyie nkédǎò de kó ikuó, o kpare nde ke né mbúútí dicĩncĩnni kó kumaà ndi yòute kù ke m benke nè dikpèrì bè cànné dì. De mǎnni wèè n cànnenè dinùù ò bo na kéwēte kényà menaà.

²¹ Wèè cànnenè mí ndi Yiè nKuyie ndinùù o kó ikuó nyi memme nè ò dò nkékuǎ ìi wũ ò dǎ kékuó dìi yie, kòò mǎke yepǎrè ke bo yíé, dè í yete, ò né dò nkédǎòmu o korimù yiè ò n cànnenè dìi nùù kó ikuó beké dè.

Ikuó niùti ní bo pǎ mǎè botí Kuyie nkó mesàà mbenitibè

²² Kè ti Yiè nKuyie mbéinnè Mǎyiisi ke dǎ: ²³ Náké Anǎ nè o bí ke tú n yē mbè ní pǎ mesàà n kó benitibè Isidayeeribe ke dǎ:

²⁴ Ti Yiè nKuyie ndi dǎò mesàà nké ndi kǎnké!

²⁵ Ti Yiè nKuyie ndi wénté fenǎnsàǎfè ké di pǎ diwèi!

²⁶ Ti Yiè nKuyie nwéntení di bíkè ke dí duó ndiwèi!

27 Bè ní yóó me nyú n yètìrì Isidayeeribe ìnkè kè rí bè dṛṛò mesàà.

7

Bè do pã sù naasẽ metaummè tou kó mutõmmú kpéí

¹ Mõyiisi dèè dìì mṛnnì metaummè tou kó mudṛrìmù ké dì còú mmekùḽ nké dì cãñné nè di nentì timṛu nè diwũṣtṛnnì nè di kó tinentì timṛu. Ò dè còú ndiì mṛnnì mekùḽ nke dè cãñné ke dèè, ² de yiè kè Isidayeeribe cẽĩ kó bekótíbè bèè baké be naàmùntì bèè do ni mukàmmù kó mutõmmú kè bèè pãmmú yepãrè. ³ Kè bèè tṛní be pãrè metaummè tou ti Yiè nKuyie nyìkè, sinaasẽĩ sikuḽ ke sì dàátì tiyààtì nè inààke tẽpíítè nè idéi, bekótíbè bèdébè, tẽnaasãntè tẽmáà, bá wè fẽnààfè fẽmáà. Kè bèè dè tṛní demṛu metaummè tou borè. ⁴ Kè ti Yiè nKuyie nnáké Mõyiisi ke dṛ: ⁵ Cṛutè de be borè, ké dè duó mmetaummè tou mí ndi Yiè nKuyie n tõmmú kpéí. Á dè duó nDefiibe bá wè o tõmmú dòmmè.

⁶ Kè Mõyiisii túótè sinaasẽĩ nè inààke ké dè duó nDefiibe ⁷ kéduó nKerisonni naàmùntì kṛbe sinaasẽĩ sidési nè inààke inàà kèntũ mbe tõmmú dòmmè, ⁸ kéduó mMẽdadi naàmùntì kṛbe sinaasẽĩ sìnàà nè inààke ìni kèntũ mbe tõmmú dòmmè. Ikuó niùtì Anṛṛ bire Itamaa do bè ni kè bè pĩ mmù. ⁹ Bè í n duó nKeati kṛbe biè mùmamù ke yé bembè do bukùmèmu ikuó nentì bè do dò nkèntṛu tì.

Bè pãmmú yèè pãrè diwũṣtṛnnì kpéí

¹⁰ Bè do cãnnìnko dìì yiè diwũṣtṛnnì Kuyie nkpéí kè Isidayeeribe pãmmú yepãrè diwũṣtṛnnì kó mucãnnímù kpéí, ké yè tṛní diwũṣtṛnnì borè.

¹¹ Kè ti Yiè nKuyie nnáké Mõyiisi ke dṛ: Bá dìì yiè

Isidayεεriβε κό βεκótíbè miεke òmáà ní tóní yεpārè
kè bèε cǎnnénè diwūōtònni Kuyie nkpéí.

12-83 Μεμμε κè bè nkərìnní βεμα βεμα βε pārè.
Diyiè ketirì yìè Sudaa naàmùnkù kou, Nasōō birε
Ammínadabu.
Didéri yìè Isakaa naàmùnkù kou Suaa birε
nNetanneyεedi.
Ditǎǎnnì yìè Sabunəə naàmùnkù kou Edonni birε
Ediabu.
Dinaannì yìè Dubenni naàmùnkù kou Sedeuu birε
Edisuu.
Dinumuri yìè Simmeōō naàmùnkù kou
Sudisadaii birε Sedumiəri.
Dikuōnnì yìè Kadì naàmùnkù kou Deuyεedi birε
Ediasafu.
Diyiènnì yìè Efadaimmu naàmùnkù kou Ammiudi
birε Edisama.
Diniínnì yìè Manansee naàmùnkù kou Pedasuu
birε Kammidiyεeri.
Diyiè wéínnì yìè Bensamεε naàmùnkù kou Kideoni
birε Abidanni.
Diyiè píínnì yìè Danni naàmùnkù kou Amisadaii
birε Ayiesεε.
Diyiè tεpíítè nè òmáà yìè Aσεε naàmùnkù kou
Okadanni birε Pakiyεedi.
Diyiè tεpíítè nè didéri yìè Nεfutadii naàmùnkù kou
Enanni birε Aida.

Nte bá wè ò do tóní yèè pārè:

Timátì péítì kó kubuuku cǎékù do bo cìdóò òmáà
nè sám̀pòrè nè timátì péítì kó dibuu dù yó mméinnè
meyĩ̀ kè di cǎékù mbo cìdóò kó dikéè nè sám̀pó bè
do kèété wèè cìdóò nwe ti Yiè nKuyie ncíètè kpéí. Kè

Muyuo nsààmù mùù àntenè mekùò nkè mù piéké de kó yebɔ. Tidiiti kó dipānni ndi.

Fεσωβòòfè fēmáà fèè cḗḗkù bo kàdáammù tekòùtè kè tihúúnti piéké de miéke bè ɔ̃ tuɔ nti.

Dinaadaà òmáà nè dipedabii òmáà nè m̀ke dibenni òmáà bè ɔ̃ kuɔ di kḗtuɔ

nnè dibɔdaà meyi nciḗmmè kperε.

Inàake òmáà, yepedakè yènùmmù, yebɔdakè yènùmmù nè yepedabe yènùmmù yèè m̀ke dibenni òmáà òmáà, bè ɔ̃ féútè yè ti Yiè nKuyie mmetaummè kpéi.

⁸⁴ Isidayεribe kó bekótíbè do pāmmú yèè pāre ke bo cānnénè diwũṣtānni Kuyie nkpeí, nte yè do wḗnné yemau kémbomè: Timátì péitì kó tibuuti tepíitè nè tìdè nè yebɔ tepíitè nè yèdḗè yèè yó mméinè meyi nnè isowòòke tepíitè nè òmáà. ⁸⁵ Bá kùù buuku kó kucḗḗkù do bo cidòò òmáà ndi nè sām̀pó, bá òmáà buu kè di kaku m̀bo cidòò òmáà kó dikéè nè sām̀pó, timátì péitì kó yebɔ yenyε kè ye cḗḗkùu wḗnné cidòòbè sipísidé nè bènàà. Bè kèétè wèè cidòò nwe ti Yiè nKuyie nciḗtè kpéi. ⁸⁶ Bá fèè sowòòfè kó kucḗḗkù do bo kàdáammù tekòùtè, kè òmáà tepíitè nè òmáà, kè de cḗḗkùu wḗnné cidòò òmáà nè sām̀pó, kè tihúúnti bè tuò nti piéké i miéke. ⁸⁷ Ke né mbúútì yenaadakè tepíitè nè yèdḗè nè yepedakè tepíitè nè yèdḗè nè yepedabe tepíitè nè yèdḗè yèè m̀ke dibenni òmáà òmáà. Bè do yóò kuɔ yè kḗtuɔ kéwḗnnénè tidiiti kó yepāre nè yebɔdakè tepíitè nè yèdḗè bè yóò kuɔ yè meyi nciḗmmè kpéi. ⁸⁸ Kè dèè wḗnné yenaadakè sipísidé nè yènàà, yepedakè sipísikuò, yebɔdakè sipísikuò yepedabe sipísikuò yèè m̀ke dibenni òmáà

dìmáà. Bè yóó kuò yè metaummè kpéí. Bè do pã yèè pãrè nye kè bè bo cánné diwũḡtònni Kuyie nkpéí.

⁸⁹ Mɔ̀yiisi ta dìi m̀ǹǹni metaummè tou ke bo béinnè ti Yiè nKuyie kékeè ti Yiè nKuyie ntammè metaummè t̀u ìnkè beìnkèmbàribè kó sitenkaanì sidésì cuokè s̀i còmmù metaummè t̀u ikuó nenti ã de kó kupòkù ìnkè. Men̄me kòò nkù nàánnè.

8

Kuyie n̄t̄ètè kó defit̄rè yó ntuò mmè botí

¹ Kè ti Yiè nKuyie mbéinnè Mɔ̀yiisi ke d̀: ² Náké An̄o ke tú, kòò yóó cónné tefit̄kèkètè, wèe d̀d̀ kè t̀e nwetí de ìkè, kè ifit̄i ìyiekè mmí de ìkè bíékè.

³ Kè An̄o d̀d̀ ti Yiè nKuyie ntì nàkémè Mɔ̀yiisi, kécónné tefit̄kèkètè kè te fit̄i nwetí deỳìkè bíékè.

⁴ De kó tefit̄kèkètè bè do ỳe mmes̄o mme ké t̀e uté, te t̀ari nè te bàke nè dèè d̀o mmutepóó. Bè do t̀e d̀d̀ kè t̀e ndònnè ti Yiè nKuyie ndo benke t̀ente Mɔ̀yiisi.

Kuyie nnàkémè bè yóó cánnémè Defiibe

⁵ Kè ti Yiè nKuyie nnáké Mɔ̀yiisi ke d̀: ⁶ Tãáté Isidayeeriibe botí miēke Defiibe ké bè d̀d̀ mewénkùmè kó ikuó. ⁷ Nte a yóó bè wénk̀unne m̀è botí: Á bè miété ikuó kó meniē kè bèe kuó be citi tim̄ou késú be yààti kéwenke. ⁸ Kàa dèè bèe t̀onì dinaadapànni nè muyuo nsààmù bè àntenè mù mekùò. Kàa túóté dinaadapànni terì a yóó kuò dì meyei n̄c̄íemmè kpéí. ⁹ Á duó nkè Defiibe ke teni metaummè tou borè, kàa tí nyIsidayeeriibe bem̄ou.

¹⁰ Kè Defiibe t̀ònni dìi m̀ǹǹni metaummè tou b̀rì n ỳìkè, á duó nkè Isidayeeriibe bè ǹd̀ nsin̄ou. ¹¹ Kè An̄o bè t̀uóté Isidayeeriibe borè, ké bè nni m benke

bè òò dāòmè bè m pā dīi pānnì, kédeè kè bè né na kéta n kó mutāmmú. ¹² De kó difānkùò kè Defiibe nós mbe nou yenaadakè yó ìnkè, kàa féúuté dìmàà meyei ncíemmè kpéí, kéféúuté diterì kétuò, kédòò Defiibe mewénkùmè kó ikuó. ¹³ Kàa cònné dīi mōnnì Defiibe Anòò nè o bí be ìkè, fí mMōyiisi á bè nni mbenke di òò m benke mèè botí dipānnì. ¹⁴ Mēmme a yóó dāòmè kécānné Defiibe Isidayeeriibe cuokè kè bè ntú n kòbe. ¹⁵ De mōnnì ndi Defiibe bo namè kékété n tōmmú metaummè tou miéke.

Mēmme a yóó bè wénkūnnemè nè mewénkùmè kó ikuó ké bè nni mbenke ké bè nni nduó. ¹⁶ Ke yé bè cāammèmu ke tú n kòbe ke cōuté Isidayeeriibe bèè tu Mpo kó difòtìrì. ¹⁷ Isidayeeriibe bèè tu Mpo mīi bè te, kétúóté n kùò dīi yìè bèè tu Mpo Esibiti miéke nè yìennì, mīi te bèè tu Mpo nè iwūò pèi ìì bí iketi yì kè ì tu idaaì, de yìè ndi m bè tããtémè. ¹⁸ Isidayeeriibe bèè tu Mpo be kó difòtìrì ndi n tūótémè Defiibe, ¹⁹ ke bè duó nhAnòò nè o bí, m bè nhò duómmu kè bè bo mpī mmetaummè tou miéke mutāmmú Isidayeeriibe kpéí. Bèè yó ndòòrì mewénkùmè kó ikuó Isidayeeriibe kè dèe yie nkè bè tōōnnè metaummè tou m báá bè poté.

²⁰ Mōyiisi nè Anòò nè Isidayeeriibe sōmbe kè bèè tūnne ti Yìè nKuyie ndo nàké Mōyiisi ke dō bèè dāòmè Defiibe, kè bèè me mbè dōò. ²¹ Kè Defiibe wénkūnne bemaá kékéú be yààtì kè Anòò bè duó nti Yìè nKuyie nké bè dōò de kó ikuó, kédeè ké bè dōò mewénkùmè kpèyi, ké bè wénkūnne. ²² Mēmme kè Defiibe né na kékété be tōmmú metaummè tou miéke. Anòò nè o bí kè bè mbè ni ti Yìè nKuyie ndo tì nàkémè Mōyiisi Defiibe kpéí, kè bèè me ndòò.

23 Kè ti Yiè nKuyie nyíé náké Mɔ̀yiisi ke d̀: 24 Defiibe ní yó mmàke yebie nsipísidè nè yènùmmù ndi kàa bè duó mmutōmmú metaummè tou mièke. 25 Kè wèè t̀àke yebie nsipísìnùmmù wèe yóu mutōmmú ke ténke bá mpĩ. 26 Ò né bo na kènteénnè o k̀be mutōmmú metaummè tou mièke, ò né ténke bá mmàke o k̀mu ò wetí mù. Defiibe tōmmú kó ikuó yó mme ndò.

9

Kuyie nnàkémè Isidayeribe bè bo mbaàmmè diyentébanni

1 Isidayeribe do bo be benni didèrì mièke nke nè bè yèmè Esibiti otànkù ketiwè kè ti Yiè nKuyie mbéinnè Mɔ̀yiisi Sinaii kó dikpàa mièke ke d̀: 2 Isidayeribe dò nkémbaàmmu diyentébanni n yè mbè ndi baà ndì m̀nnì. 3 Otànkù yie nkó diyìè t̀pítè nè dinaanni yie ndi dihuri, di yóó ketémè de kó dibanni. Dí ntũ nde kó ikuó nè de kó itié n di nàké ke yè ndè ndòmmè.

4 Kè Mɔ̀yisii náké benitibè ke d̀: Baánnè diyentébanni. 5 Kè bèe di baá nSinaii kó dikpàa mièke, otànkù ketiwè kó diyìè t̀pítè nè dinaanni yìè kó dihuri. Kè Isidayeribe d̀ò ti Yiè nKuyie nnàké tì Mɔ̀yiisi tim̀u.

6 Kè benitibè mabè m̀bo ke í nna ke baá ndiyentébanni bè kàáké m̀è kpéi nhocí ke s̀nte kíté de yìè k̀kote k̀yà Mɔ̀yiisi nè Aǹ. 7 Ke d̀: Ti kàáké m̀è kpéi nhocí, ke s̀nte deè bo nte kè ti baá pã ti Yiè nKuyie nyepãrè Isidayeribe t̀bè k̀me diyentébanni yìèà? 8 Kè Mɔ̀yisii bè t̀nné ke d̀:

Ncómùnè dende kè n yà ti Yiè nKuyie mbo n náké tì di kpéí.

⁹ Kè ti Yiè nKuyie nnáké M̄oyiisi ke dò: ¹⁰ Náké Isidayεεribe ke tú n yē ndíndi nè di yaábíó kòò m̄òu kàáké ocū ke s̄inte yoo ò bo kupààkù dèdétirè ò dò nkébaámmu diyentébanni. ¹¹ Otànkù d̄erì kó diyìè t̄epiítè nè dinaannì kó dihuri ndi diyentébanni, de yiè di ní cááké dipedabii kó imaa nnè p̄èè wèè í k̄oorenè mutie mùu muuti, kè ì cááké nè tikūnfāàtì tiiti. ¹² Di ní báá d̄i c̄ááké k̄ésús nkè d̄èe wenté, di me mbáá k̄éété dik̄s̄ū mari. D̄i ntū ndiyentébanni kó ikuó duó ke d̄ommè. ¹³ Kòò m̄òu í s̄ān̄ nhomáà, ò me nyí k̄àte kupààkù ke né yóu ò bo baámmè diyentébanni k̄épā mí ndi Yiè nKuyie ndipānni, de yiè mb̄èe ò d̄èite o k̄abe cuokè, kòò s̄ènté diyentébanni kó diyìè n d̄óu ndi, o yei mbo o yuu ñnkè nke. ¹⁴ Kòò p̄òò m̄òu bo di cuokè ke d̄ó k̄ébaá ndiyentébanni, wèè t̄ūnne diyentébanni kó itíè nnè de kó ikuó duó ke d̄ommè. Diyentébanni kó ikuó imáà ndi, wèè tu Isidayεeri o kpéí, nnè wèè tu opòò.

Diwetiri dàtinnémè metaummè tou

¹⁵ Bè cònné d̄i yiè Kuyie ntou metaummè t̄ou bo d̄i mieke k̄édeè kè diwetir̄i k̄atení k̄é d̄i dàtinné kuyuoku k̄éndò mmuhāá nkè d̄è yàa wenté. ¹⁶ Kè d̄i s̄oaté k̄é m̄me ndò, ke ní ntú kuyie mmònni diwetiri k̄éntú muhāá nk̄eyènkè. ¹⁷ Kè diwetiri ité d̄i m̄ònni Kuyie ntaummè tou ñnkè Isidayεεribe ité. Kè d̄i k̄àte ke còmmú d̄è, b̄èe de mbáté. ¹⁸ Kè Isidayεεribe m̄me nd̄oari, kè diwetiri ité b̄èe ité, kè d̄i còmmú b̄èe báté, kè diwetiri me nyí ité b̄èe báá ité ti Yiè nKuyie ndo ti mbè nàké. ¹⁹ Kè diwetiri còmmú Kuyie ntou ñnkè ke yī yewe péu, Isidayεεribe múnke

báá íté bè nde mbo ke pĩ ti Yiè nKuyie mbè nàké tì. ²⁰ Kè dè me ndò ndiwetiri í m̀ntɛ bè m̀bo, kè ti Yiè nKuyie mme nyĩ bèe íté, bèe íté. ²¹ Di m̀nni mari diwetiri ní ncómmú Kuyie ntou ñnkè kuyuoku nè de bo wentémè, dikũnweñni kè di íté bèe íté, yoo di ncómmú ke d̀ keyènkè kè máà, kuyie nkùmáà, kè diwetiri íté di m̀nni bèe íté. ²² Yoo di d̀ yewe yèdèè, yoo otánkù yoo dibenni, kè diwetiri còmmú Kuyie ntou ñnkè ke í íté Isidayeeribe nkari bè bàté dè, bè báá íté. Kè di me nyítè di m̀nni bèe íté. ²³ Isidayeeribe do ò nkè bè bàté bè nkarimu, kè ti Yiè nKuyie nyí yĩ: Íténè. Bè báá íté. Kè kù me nyĩ: Íténè! Bèe íté. Bè do tũ nti Yiè nKuyie mbè nàá tì nti nè M̀yisi nù mièke.

10

Kuyie nyemmè bèe d̀ò yemátitáthe

¹ Kè ti Yiè nKuyie mbéinnè M̀yisi ke d̀: ² Duó nkè bèe ye ntimáti péiti kédòò yemátitáthe yèdèè, bè ní yóó ye nheé kè dí tí, yoo bèe eé kè dí íté di bàté dè. ³ Bè ní yóó ye nheé kè Isidayeeribe beməuu tíi nha borè metaummè tou borinù. ⁴ Kè bè ní eé ditátheu dimáà Isidayeeribe kó bekótibè nè sikkpàatibii bèe d̀ nkétii nha borè. ⁵ Kè bè me nheé ke iinè bèe kàri metaummè tou diyie yèni kèe bíékè bèe íté kékété. ⁶ Kè bè yíe ke eé ke iinè, kubakù c̀nku k̀be eé kékété. ⁷ Kè di me ndó kətii nyIsidayeeribe beməu ndi, dí eé di báá iinè.

⁸ Anə bí ikuó nùbè bèe yó nheu yetáthe, de yó ntú di kó ikuó nyi nè di yaábíó sáà.

⁹ Kè di me mbàátí ke bo do di dootitəbè bèe di f̀ũnko bèmbe mudoò, di eé ditátheu kèiinè. Mí ndi Yiè nKuyie mmí nwèè di te n yóó dentenímu di

kpéi nké di deeténè di dootitabè. ¹⁰ Kè di me nhänné tikpeiti nti yoo dibanni n kpéi nyoo otànkù pànwè kó dibanni, kè di yó n fié di mònñi iwũs kétuə nyoo metaummè kpɛyi, dí eé ditāteheù kè n dentení di kpéi. Mí ndi Yiè nKuyie mmù di te.

BE ÌTÈME DITĀRÌ SINAI KÈ TÙÒKÈNÈ MŌABU TENKÈ MÀNKU

Bè dò nkényiiti mètè botí be tīrè

¹¹ Isidayeeribe do yè Esibiti kémbo be benni déri otànkù déri kó diyie sipísidé kó diyie ndi, diwetiri itémè Kuyie ntaummè tou metaummè tou bo di miéke di ñnkè. ¹² Kè Isidayeeribe ité Sinai kó dikpàà kédóóté bè dò nkékété mètè botí. Kè diwetiri kote kécómmú Padanni kpàà miéke. ¹³ Mèè do tú kuce meketimè bè itémè kéntū ti Yiè nKuyie ndo ti nàkémè Məyiisi kòo tì mbè nàké.

¹⁴⁻¹⁶ Sudaa kó ditīnni kəbe nè Isakaa kperi kəbe nè Sabunə kperi kəbe beè yó ntú beketibè kékíténè be kó meccanimè kè Amminadabu bire Nasō nni Sudaa kəbe kó dihāpòntīnni. Kè Suaa Netanneyedi nni Isakaa kəbe kó dihāpòntīnni kè Edonni bire Ediabunni Sabunə kəbe kó dihāpòntīnni.

¹⁷ Kè bèe uuté metaummè tou kékpeú. Kerisonni bí nè Medadi kpɛyi beè do te bè bo ndi təumè kè bèe tə kékété.

¹⁸⁻²⁰ Be kó difōnkúò kè Dubenni kó ditīnni kəbe nè Simmeō kó ditīnni nè Kadi kó ditīnni kəbe kè bèe ntú bedéríbè kékíténè be kó meccanimè kè Sedeuu bire Edisuu nni Dubenni kó dihāpòntīnni. Kè Sudisadaii bire Sedumieri nni Simmeō kó dihāpòntīnni. Kè Deuyedi bire Ediasifu nni Kadi kó dihāpòntīnni.

21 Be kó difōnkúò kè Keati naàmùnkù kàbe bèè t̄ou Kuyie ntaummè t̄ou kè bèè kété, Defiibe t̄abè do niitému kécónné metaummè tou kè bè bo ntuàkòo.

22-24 Be kó difōnkúò kè Efadaimmu kó dit̄inni kàbe nè Manansee kó dit̄inni kàbe nè Bensamεε kó dit̄inni kàbe kè bèè ntú betáámbè kékété nè be kó mecannimè kè Ammiudi bire Edisama nni Efadaimmu kó dihāāp̄ònt̄inni kè Pedasuu bire Kammidiyεeri nni Manansee kàbe kó dihāāp̄ònt̄inni kè Kideonii bire Abidanni nni Bensamεε kàbe kó dihāāp̄ònt̄inni

25-27 Be kó difōnkúò kè Danni kàbe kó dit̄inni nè Aσεε kàbe kó dit̄inni nè Nefutadii kàbe kó dit̄inni kè bèè yāā nfenafe fūḏ nè be kó mecannimè. Kè Amisadaii bire Ayesεε nni Danni kó dihāāp̄ònt̄inni kè Okadanni bire nni Aσεε kó dihāāp̄ònt̄inni kè Enanni bire Aida nni Nefutadii kó dihāāp̄ònt̄inni.

28 Isidayεeribe kó yet̄irè do iiti miè mbotí nku be āāp̄ònkare ke kerì.

M̄oyiisi do waámmè wèè bo bè niité kuce

29 Mem̄me kè M̄oyiisii náké o còkù Deuyεedi, Mandiyāā èi kou kó debire Obabu ke d̄ò: Ti k̄ori ti Yiè nKuyie nyē nkù yóó ti duó ndì èi ndi, yóu kè tí nneí, a yóó pétému mesàà ti Yiè nKuyie nyē nkù yóó ti duó mmè. ³⁰ Kè Obabuu ò t̄énné ke d̄ò: N báá nei n k̄unti n cie nke n kàbe borè. ³¹ Kè M̄oyiisi d̄ò: Báá ti b̄ontóo f̄ḏ̀ yé dikp̄àà miεke d̄è d̄ò nkébaté, f̄ḏ̀ d̄ò nké tí niité. ³² Kàa ti neinè kè ti Yiè nKuyie nti d̄ò d̄i m̄ònni kù do yē nkù yóó ti d̄ò m̄èè sàà a í yóó m̄ónté a k̄ōme.

³³ Mem̄me kè bèè íté ti Yiè nKuyie nt̄ari k̄émm̄oke yewe yet̄āāti mucèmmu kè Kuyie ntaummè t̄ou ni be ìkè, de kó yewe yet̄āāti miεke ke bo yà bè bo báté

dè. ³⁴ Bè do ìté kuyie nku, kè Kuyie nkó diwetiri mbè dàátí. ³⁵ Kuyie ntaummè tɔu keté dìi m̀̀nnì kè M̀̀yisii kuónko ke d̀̀: Kuyie, nyíté kécómmú! Kàa dootit̀̀b̀̀e c̀̀iéte, kàa níimbè ncokù a ìlkè. ³⁶ Kè bè Ìnné dìi m̀̀nnì metaummè tɔu wèe p̀̀ĩ̀kè ke d̀̀: Ti Yiè nKuyie nẁ̀etení k̀̀embo a k̀̀obe kuwuo ndiekù Isidayeribe cuokè.

11

Isidayeribe do t̀̀utenè mè ti Yiè nKuyie

¹ Diyiè mari kè Isidayeribe tuute k̀̀ekpannè ti Yiè nKuyie nkè k̀̀u dè k̀̀e k̀̀e ku miẽkẽ bè peike kè k̀̀u c̀̀ũnní muhãã nkè mùu c̀̀úte be kari kupíkù k̀̀màà. ² Kè bèe kuónnè M̀̀yisii k̀̀o bántè ti Yiè nKuyie nkè muhãã nkú. ³ Kè bèe yú debore ke d̀̀ Tabedaa (dèè tu kuhããt̀̀nt̀̀nkù), ke yé ti Yiè nKuyie ndo de ncóummè be kari.

Isidayeribe do bekemè Kuyie nyimaa

⁴ Kè kuní p̀̀ĩ m̀̀besĩntenit̀̀bè bèè do neínè Isidayeribe bè yèti dìi m̀̀nnì Esibiti, Isidayeribe mómm̀̀mbe kè bèe tuute k̀̀enkpannè ti Yiè nKuyie nke tú: We mbo ti duó nyimaa nkè ti cááké? ⁵ Ti kpaá wúónnímu siyĩ ti do cáá nsì Esibiti fààrè nè yepère nè yeyaa nwetiyè nè tikũnfã̀̀ti nè yedimasirè debotí debotí. ⁶ Ti de mpàà die nke k̀̀onnè dikònnì. M̀̀nnì m̀̀à m̀̀à baa né nwe yewe yemau.

⁷ M̀̀nnì do ò ndònnè medibii mme ke péi. ⁸⁻⁹ Timaantì tii òò nwènné de kó tidiiti keyènni keyènkè m̀̀nnì. Kè dè wenté bèe c̀̀iétoó k̀̀ekóúni, k̀̀enaa nyoo bèe ti k̀̀ebénné, kè bè me ndó bèe d̀̀ò

yeṗṗõmpũḽ. De kó tidiiti naatí do ḽ ndònnè yekàtìndà kó kunaatí nku.

Mḽyiisi kuónnèmè Kuyie

¹⁰ Kè Mḽyiisii keè Isidayeeribe tùùtemè ke kpannè ti Yiè nKuyie mbá tèè cǐètè te touku bòrìnùù. Kè ti Yiè nKuyie mmieke peike mediè nkè Mḽyiisi yèmmèe caàrè, ¹¹ kòo kuónnè ti Yiè nKuyie nke dò: Kuyie mba nkpréi nte kàa yóu kè tii nni ntùòkení? Dè yĩme kàa n yetenè a kó mesàà, ke n tou nditòu dii nke tú nni nni be nnitibè? ¹² Míi í pùó nde kó kubotí, míi me nyí kù peité. Dè né yĩme kàa tu nni mbè ùúké kubiyòkù ḽ nhúúkúmè ku birè, ké bè tannè dihei a do yè nha yóó duó ndi be yembè? ¹³ M bo pété de imaa nkéduó nkubotí kuu? Bè n kuónnèmu ke tú m bè duó nyimaa nkè bèe cááké! ¹⁴ M báá na m mǎà kètò benitibè bie, de kó ditòu n cǐ́nèmu. ¹⁵ Kè dè yó nni ndò mmiè, a pǎnke n kuò. Kuyie mbáá yóu kè n ténke yà meyei mmie, n da báámmu.

¹⁶ Kè ti Yiè nKuyie nnáké Mḽyiisi ke dò: Tíi nyIsidayeeribe mieke bekotibaabè kè bè mbo sipisiyiekè. A yé kè bèè tu Isidayeeribe mieke bekótibè nè bèè baké, kè di kòtení metaummè tou fǒ nnè be kécómmú. ¹⁷ N cutoomu ke bo da béinnè, n yóó bè duó mmuyaá nha mǎke mù botí nku, de mǎnni kè bè da teennè be nnitibè kó ditòu, kàa ténke bá ndi tǎ amáà. ¹⁸ Á bè nàké kè bèe wénkunnè bemáà: Nanke di yóó cáákému imaa nke yé díi n kuónnèmè mí ndi Yiè nKuyie nke tú: We mbo ti duó nyimaa nkè ti cááké? Tí do bo Esibiti ke yo nkunaatí nku! Nè de kpéi mí ndi Yiè nKuyie n yóó di duómmu imaa nkè di cááké. ¹⁹ Dè í tú diyie dímáà mieke, yoo

yèdèè yoo yènùmmù yoo tepítè yoo sipísidé di yó nyì cáammè. ²⁰ Di yó nyì cáá nkédeè otànkù nwe, di bo ciè nkékeè i nọú ké ì pè ke yé mí ndi Yiè nKuyie ndi bonèmèmu kè di m bütínné ke kuò nke tú: Ba nte kè ti yènní Esibiti.

²¹ Kè Mọyiisi dò: Benìtibè bèè m bonè ke dò nkéna kékote mudòò bè bo sikoupikeusikuò ndi (600000) kàa tu a bo mbè duó nyimaa nke dò otànkàà! ²² Bá kè ti fié iwũò imou bèe cááké kénsànnàà? Bá kè ti ũrí dààmèèrì kó siyĩ simou bè bo cááké kénsànnàà?

²³ Kè ti Yiè nKuyie nténné Mọyiisi ke dò: Mí ndi Yiè nKuyie n nòutè kũpúrìmaà? A yóó yàmu kénsà kè n da nàké tì bo dọò yoo tì báá dọò!

Kuyie ncũñnìmè ku yaá bekotibaabè ñnkè

²⁴ Kè Mọyiisi yènní kénáké benìtibè ti Yiè nKuyie nhò nàké tì, kédeè kétéí nyIsidayeeriibe miéke bekotibaabè sipísìyiekè kéduó nkè bèe cómmú kéfítè metaummè tou. ²⁵ Kè ti Yiè nKuyie ncúténí diwetirì miéke kébéinnè Mọyiisi kéduó mmuyaá nhò mòke mù botí bekotibaabè sipísìyiekè bembè. Kuyie nYaá mbe ta diì mònñi kè bè nnáá nKuyie mpāñnààntì de kó dimòñni dìmáà miéke, bè me nyí sàké.

²⁶ Dè do sá mbekotibaabè sipísìyiekè bembè miéke bèdébè bèe kpaaní bè bàté dè, kòò mọù yètìrì tu Edidadi kòò tọù kperi tú Medadi, kè Kuyie nYaá ncúténí be ñnkè, bá bè í me nkòtenímè metaummè tou, kè bèe keté kénnáá nKuyie mpāñnààntì. ²⁷ Kòò dapàà mmọùu coké kénáké Mọyiisi ke dò: Edidadi nè Medadi bè nàá nKuyie mpāñnààntì.

²⁸ De mònñi Nunni bire Sosuwee wèè do neitinè Mọyiisi nè o bíkémbéntì, kòò béi nke dò: Okóti paa mbe kè bè bá nnáá nKuyie mpāñnààntì.

29 Kè Mòyiisii ò t'èhné ke dò: A yĩ̀kùmu n kpéínáà? Mí n dós Kuyie nduómmu ku Yaá mbenìtìbè bemaù kè bè nnáá nku pāānāāhì.

30 Μὲνμε Μὸyiisi nè Isidayeeriβε κό beκότίbè kè bèε kò mbè bàtè dè.

Kuyie mbè duómmè yepèpèrè

31 Kè ti Yiè nKuyie nduónní kuyaaakperíkù makù dààmèèrì bíékè, kè kùu tóní yepèpèrè kécóú mbe karì kè yèe fité tipùtì timaù kédáú ntebàtè mesàà, kèmmànnè a bo cemmè diyie òimáà mièke, kécóú ke iténè ketenkè ke mmànnè métiṛi òmáà. 32 Kè benìtìbè ntũũ nke kou, ke yaa nyiè nke kou kè dè yaa wenténko. Wèè tu ò í kóú kè dè sũ dè í ndònté cidóò sikou sikou kè bèε yè yenné kéfítè be karì. 33 Kè yè nkpaá ke ã be nò mièke bá bè mu nyí càáké ye kó imaa nkè ti Yiè nKuyie mmieke be peike kè kùu bè poté kuyēīku dièkù. 34 Kè bèε yú òborè ke dò Kibodoti-Ataafa, dèè tu kuní kó kufōti, ke yé bè do de nkūnnémè kuní do pī mbè kè bè ndó kécááké imaa.

35 Bè de nyitè kékote kébátè Asedoti kékari.

12

Midiyammu nè Anə̀ bè tū̀tè̀mè

1 Ke Midiyammu nnáānnè Anə̀ ke kpa Mòyiisi tū̀otè mēè kpéi Kuusi botí kóo nitipòkù. 2 Kè bè nnáā nke tú: Ti Yiè nKuyie nnáānnè Mòyiisi máà ndi ke í ti náānnáà?

Kè ti Yiè nKuyie nkeè. 3 Mòyiisi do tú onìti wèè í məkè wènwè tefentè bá sām̀pó, bá òmòu í bo kutenkù mièke wèè ò dōnnè. 4 Dende bàmbà kè ti Yiè nKuyie nnáké Mòyiisi nè Anə̀ nè Midiyammu

ke dò: Dí k̄atení dim̄ou, di tããti memme metaummè tou borè.

Kè bèe k̄ote. ⁵ Kè ti Yiè nKuyie ncúténí diwetiri mieke kécómmú metaummè tou b̄or̄inùu ke yú An̄o n̄è Midiyammu kè bèe k̄otoo bedé. ⁶ Kè ti Yiè nKuyie mbè béinnè ke dò: Kénténè n yóó di náké tì, kòò m̄ou tu di mieke mpããnáãntì náãntò mí nKuyie n yóó ò benke m máà nè mebenkùmè mieke nke, ké nhò náánnè tid̄ountì mieke. ⁷ N kóo t̄ontì M̄oyiisi k̄p̄ere í me ndò, ò p̄i n n̄it̄ibè mesàà mme. ⁸ Nè wenwe ti ð nnáá nke c̄óú ntit̄obè mbe kè dè feío, n yí ò náánnè yenáãnh̄ãnt̄iyè, nh ð̄ ò benkemu m máà kòo yà n f̄enkù. Dè d̄omme kè di í ò dé, wenwe n kóo t̄ontì M̄oyiisi?

⁹ Memme ti Yiè nKuyie mmieke bè yèmè kè k̄uu íté. ¹⁰ Diwetiri k̄ãáté d̄ii m̄onn̄i metaummè tou ìnkè, kè bè ns̄ó ntik̄ant̄i p̄i mMidiyammu kòo k̄ant̄i p̄eike ke naá ntik̄ont̄i kè An̄o ò yà k̄ens̄ó ntik̄ant̄i tiì ò p̄i. ¹¹ Kòo náké M̄oyiisi ke dò: Áú n yiè! N da báámmu báá yóu kè meyei nti d̄òò m̄e do ti ȳo ìnkè, ti d̄òò tiȳeint̄i nti, ti càãr̄emu. ¹² N da báámmu a báá yóu kòo k̄ant̄i d̄onté d̄onté bè p̄eité wè dicír̄i k̄peti k̄m̄e.

¹³ Kè M̄oyiisii kuónnè Kuyie nke dò: N da báámmu w̄é̄eroo kòò miék̄unne.

¹⁴ Kè Kuyie nt̄énné M̄oyiisi ke dò: Kòo cice weè do nt̄īut̄é o ìkè tin̄ónt̄ȭut̄i, ifei naa bá nhò bo ke dò yewe ȳeyiek̄àà? M̄e botí nku di d̄ommè kòò d̄enne di kó dikar̄i, kè yewe ȳeyiek̄e p̄é̄t̄é kòo w̄etení.

¹⁵ Memme kè bèe denne Midiyammu be kar̄i k̄enkémmú yewe ȳeyiek̄è bo p̄é̄t̄émè kòo w̄etení kè bè né na k̄ép̄é̄t̄é. ¹⁶ De kó dif̄n̄k̄úò kè bèe íté Ased̄oti k̄ék̄ote k̄ebáté Padanni kó dikp̄áà.

13

Məyiisi tōmmè benitibè kè bè bo paaté Kannahã kó dihei

¹ Kè ti Yiè nKuyie nnáké Məyiisi ke dò: ² Á deite Isidayeeribe botí miéke bekotibaabè, bá kùù botí miéke onitì òmáà òmáà kè bè tō nkè bèe paaté Kannahã kó dihei n yē n yóó di duó ndi.

³ Kè Məyiisii tūnne ti Yiè nKuyie nhò nàké tì dende Padanni kó dikpáà miéke, kédèi Isidayeeribe miéke bekotibaabè kètō. ⁴ Nte ò do tō mbè kó yeyètè: Dubenni kó kubotí kou do tú Sakuu biré Sammua.

⁵ Kè Simmeṣṣ kó kubotí kou ntú Ɔari biré Safati.

⁶ Kè Sudaá kó kubotí kou ntú Yefundee biré Kadebu.

⁷ Kè Isakaá kó kubotí kou ntú Sosefu biré Ikadi.

⁸ Kè Efadaimmu kó kubotí kou ntú Nunni biré Osea.

⁹ Kè Bensamé kó kubotí kou ntú Dafuu biré Paditi.

¹⁰ Kè Sabunə kó kubotí kou ntú Sodi biré Kadiyēdi.

¹¹ Kè Sosefu kó kubotí nè Manansee kəku kè be kou ntú Susi biré Kadi.

¹² Kè Danni kó kubotí kou ntú Kemadi biré Amiyēdi.

¹³ Kè Asee kó kubotí kou ntú Mikayēeri biré Sefudi.

¹⁴ Kè Nefutadii kó kubotí kou ntú Fofisi biré Nabi.

¹⁵ Kè Kadi kó kubotí kou ntú Makii biré Ketuyēdi.

¹⁶ Benitibè Məyiisi do tō mbè kè bè bo paaté dihei be yètè nye memme. Kè Məyiisii yú Nunni biré Osea ke dā Sosuwee.

¹⁷ Kè Məyiisii bè tō nké bè nàké ke dò: Di kété kéta Kannahã tenkè kubakù cǎnku bíékè, kēpēēté kēdeke yetārè ĩnkè kó yehékè, ¹⁸ kēpaaté dihei mesàà nkéyà di dōmmè nè benitibè bèè bo di miéke bè

dòmmè, kè bè kpeńni yoo bè cĩnni kè bè sũ yoo bè í sũ. ¹⁹ DÍ paaté be tenkè dòmmè, kè kè wenni yoo kè sĩ, nè bè bo yèè ekè dòmmè, kè iduotí yè fité yoo yè feío, ²⁰ káyà kè ketenkè naati yoo kè see, kè titieti bo yoo ti kra, yáúkunnènè di kǎnti. DÍ ntóni be tenkè kó yetebe.

Dè do sá ndetie mbè tu dè fínyĩ de be ketiyè biì diì mǎnni ndi.

²¹ Kè bèe kǎte képaaté Kannahāā tenkè, kétúóté Sinni kpáà kǎntǎ kǎtuǎkenè Deǎbu Amati tenkè mǎnku, ²² kékǎte kǎta dihei kubakù cǎnku bíékè Ebunǎo kó diberímberi, Anakii yaǎbí tidadieti, Aimanni nè Sesaii nè Tadimaii be kó dikari. Ebunǎo kó dihei maá kè dè mmǎke yebie nyeyiekè ndi kè bè né na kémaá Esibiti kperi bè tu di Taniisi. ²³ Kè bèe tuǎke Esikǎodi biriku kékǎũ fínyĩ kó yebe teyútè késeu nkudǎú kébuuté benitibè bèdébè, nè yetebe teyè bè tu yè kèdènáti nè fikíè kó yebe. ²⁴ Kè bèe yú deborè ke dǎ Esikǎodi biriku, dèè tu siyuu biriku, bè dè kǎũ mǎè kprí yetebe kó siyuu.

Mǎyiisi do tǎ mbè kè bè bo paaté dihei bè konní kóò nǎké tì

²⁵ Yewe sipísìnàà kó difǎnkùò bèè do kǎte dihei paatímù kè bèe konní, ²⁶ kékǎte káyà Mǎyiisi nè Anǎo nè Isidayeeribe sǎmbe Padanni kó dikpáà Kadeesi kó kutempǎ mmiǎke ké bè nǎké bè yání tii kó dimàà, ké bè benkenè yetebe bè tóni yè de kó ketenkè. ²⁷ Kè bèe bè nǎké ke dǎ: Ti kǎtemu dihei a ti tǎ ndi tenkè miǎke. Mǎmmuǎ nwe menaamiè nnè mecekùò ndè pũǎmmu. Nte ti tóni yèè tebe. ²⁸ Benitibè bèè bo de kó dihei miǎke bèè né kpeńni kè iduotí fité be ekè, kè ti yà ye miǎke Anakii yaǎbí tidadieti. ²⁹ Amadesiibe

bèè bo kubakù cànku bíkè kó kutempē, kè Itiibe nè Sebusiibe nè Amariibe kè bè bo yetāre ñnkè, kè Kannahāā kòbe bo dàméèrì nè Suditēē de pérémmè.

³⁰ De mōnnì kè Kadēbuu duó nkè benitibè bèè kpànnè Mōyiisi kè bè dō yúóó. Kòò dō: Tí kōtenè ti yóó bè namu kéfietè be tenkè.

³¹ Benitibè ò do neinè bè kè bembè dō: Ti báá na kédokénè de kó benitibè, bè kpeñnìmu ke ti pēēté.

³² Kè bèè keté bè bo nsīnkūnkómè de kó ketenkè, kénnaá nyIsidayēeribe ke tú: De kó ketenkè yo mbenitibè mbe! Ti yà bèè nitibè ke miēke bè tu tidadietì nti. ³³ Anakiibe bèè kè bo, ti do bo be ùkè ke do nyecádúò nye, kè bè múnke mme nti wúó.

14

Isidayēeribe yetemè Kuyie nkpeti

¹ Kè Isidayēeribe kó ditīnnì tiitè yedabùò nké nyié nke kuò nkeyènkè kemou, ² kénkpànnè Mōyiisi nè Anō ke náá nke tú: Kè ti do nku Esibiti nwe yoo dikpáà miēke dè ntōũ. ³ Ba nte kè ti Yiè nKuyie nti tōní dikpáà dii mmieke kè ti dootitòbè bo ti kuò kēhēi ti pobè nè ti bí? Kè ti wētè Esibiti dè bá ntōũà?

⁴ Kè bè nnáá mbetòbè ke tú: Tí tāāténè wèè bo ntú ti kóo kpàati kēwētè Esibiti.

⁵ Mōyiisi nè Anō kè bèè do kēsīnnóo Isidayēeribe bēmou ùkè. ⁶ Kè Nunni birē Sosuwee nè Yefundee birē Kadēbu bèè do kòte kēpaatè ketenkè kè bèè kēri be yàati, ⁷ kénáké Isidayēeribe bēmou tīnnì ke dō: Ketenkè ti kòte ke yà kè, kè tu ketensàakè nke, dihèi sàari mómmanni. ⁸ Ti Yiè nKuyie nti kómmúmu ke yóó ti tanné de kó ketenkè menaamiè nnè mecekùò ndè pũḍ nkè, ké kè nti duó. ⁹ Ti báá tuutenè Kuyie, ti báá yòte de kó ketenkè kòbe. Ti yóó bè autému

dimònni dìmáà miεε. Be bøkè cokému! Ti Yiè nKuyie nti bonèmu, di bá mbè dé.

Kuyie mmieke peikemè Isidayεεribe kè Møyiisii kù bántè

¹⁰ Mεmme kè Isidayεεribe bemou tñnni nnáá nkétú, bè bo búótí Møyiisi nè Anəə yetárè kékua. Bè kpaá me nnáá nkè ti Yiè nKuyie nkó tikpeti cúténí metaummè tou ñnkè Isidayεεribe bemou nuə mmieke. ¹¹ Kè ti Yiè nKuyie mbéinè Møyiisi ke dò: Dè yó nkááké de kè be nnitibè yóu bè bo nni nsenkumè? Dè yó nkááké de kè bèe yie n kpeti? M me ndòmu tidietì be cuokè. ¹² N yóó bè bənté mutenkũũ mmu kè bèe kú kédeè pái pái kè n duó nkàa botíi sũũ nké bè pǽtè, kékpenke ké bè pǽtè.

¹³ Kè Møyiisii náké ti Yiè nKuyie nke dò: Esibiti kəbe kèemu fǽ̀ dènnemè a nitibè be ei miεε nè a kó muwērímú. ¹⁴ Dihèi dii nkəbe kèemu fǽ̀ ti Yiè nKuyie nha bè bonèmə ke bè benkú amáa, kàa wetiri ð mbè diéké kuyie nké mbè mí keyènkè. ¹⁵ Kàa bè kúó dimònni dìmáà miεε, bèè do kèè bè nàammè a kpéi mbè bo yĩ, ¹⁶ fǽ̀ nti Yiè nKuyie nha yĩ̀ke a bo bè tannémè mme ketenkè a do yě nha yóó bè duó nké, deè te kàa bè kúo dikpáa miεε. ¹⁷ N Yiè nKuyie n da báámmu, benke a wērímú a béi nke yè ndè ndòmmè. ¹⁸ A béimmu ke tú fǽ̀ nti Yiè nKuyie nha miεε boo, kàa sàa ndeu, kè benitibè ð nda caəri ke yetírí a kpeti, kàa mmi a me nhō í nwúónko oyeiwe ke ð̄ kpetínné ibi i yembè yei nkpeí nnè be yaabí kó iyaabío. ¹⁹ Ti Yiè nKuyie nha sémmè deumu, cǽ̀ mbe kéndònnè a bè cǽ̀nkómè nè bè yèmè Esibiti ke tùðkenní yie. ²⁰ Kè ti Yiè nKuyie ndò: A mè nni mbántèmè m bè

cíém̄mu. ²¹ Mí ndi Yiè nKuyie m bomu! Kè n kpeti piéké kutenkù kumou dè báá pã. ²² Bèè kó dimàà yà n kpeti nè n dòò tìi dieti Esibiti nè dikpáà miéke, nè memme ke cíéké ke n yáú ke tùòke kuce tepíítè bá bè í yie n kpeti. ²³ M parikèmu be kóò mǎù báá yà dihei n do yē n yóó duó ndi be yembè, bèè n sènkèrì, be kóò mǎù báá di yà. ²⁴ N kóò tǎnti Kadebu yie kó meyèmmè me ncáámmè, kòò yie n kpeti timou, n yóò ò tannému de kó dihei ò kàte ke yà di, kòò yaábí di tieke. ²⁵ Amadesiibe nè Kannahā kàbe mè mbomè kubiriku bíékè kó yehékè, di naa kónté kényè dikpáà kètūnne kuce kùu yìèè tipènti kóò dàmmèrì.

Kuyie nyūšmmè ku kàbe to

²⁶ Kè ti Yiè nKuyie mbéinè Mǎyisi nè Anǎ ke dǎ: ²⁷ Dè yó nkááké de kè kubotí yeiku kuù nyóu kù bo nni nkpannèmè ke yetírí n kpeti? N kèèmu bè tùùte ke náá ntì. ²⁸ Náké be ke dǎ n tú: Mí ndi Yiè nKuyie m bomu kè mǎi bēi, n yóó di dǎò di nàké tǎnti. ²⁹ Di yóó kú dikpáà miéke nke díndi bè kàa mbè kó dimàà kètúóté bèè mǎke yebie nsipísidé kèndeètinko. Díndi bèè kó dimàà tùùte, ³⁰ di í tati ketenkè n do bēi nképarikè ke dǎ n yóó di duó nkè, kè dè í tú Yefundee biré Kadebu nè Nunni biré Sosuwee. ³¹ Di yaábí di do yē mbè yóó di kuǎ kǎhéi ì, n yóó i ntanné ketenkè di sènkèrì kè, kè ìi kè tieke. ³² Kè díndi bie di yóó kú dikpáà miéke nke. ³³ Di n yete mèè kpéi nte kè di bí yó nháá ndikpáà miéke ke dǎ yebie nsipísìnàà ke fǎūrì ke baanè di bo kúmè dimou kédeè. ³⁴ Yewe sipísìnàà di do dǎò yè di kàte dii mǎnni ke bo paaté ketenkè, yè bo náá nyebie nsipísìnàà. Dibenni dimàà diyie dimàà kpéi, di bo

yà di yei nkó tiyeti kébanté di bo yetemè n kpeti dè m̀̀ke mùù c̀̀ntimu. ³⁵ Mí ndi Yiè nKuyie mm̄i b́i nke yóó tì d̀̀ò, kubotí yeiku kuù nk̀̀be b̀̀è w̄enné ke yete n kpeti, b̀̀è yóó kú dikpàà dii mmieke nke, bá òm̀̀ò b́áá súó.

³⁶ De kó benit̀̀bè M̀̀ȳiisi do t̄õ mb̀̀è k̀̀è b̀̀èe k̀̀te k̀̀paaté diheì k̀̀w̄etení k̀̀sukú bet̀̀bè k̀̀è b̀̀èe tuute k̀̀ns̄ink̀̀nko de kó ketenk̀̀è b̀̀è k̀̀te ke yà k̀̀è. ³⁷ B̀̀è do t̀̀ute ke nnáá nt̄iì í wenni de kó ketenk̀̀è k̀̀péi ti Yiè nKuyie ndo b̀̀è potému k̀̀è b̀̀èe do ku ì̀̀kè k̀̀kú. ³⁸ Nunni bire Sosuwee n̄è Yefundee bire Kadebu beè do kpáá ke í nku b̀̀èe do k̀̀te k̀̀paaté ketenk̀̀è be mieke.

Isidayeeriḃe dèmmumè ke né s̄́ ndè ̀̀te

³⁹ K̀̀è M̀̀ȳiisii k̀̀te k̀̀náké Isidayeeriḃe b̄em̄ou ti Yiè nKuyie nhò ǹ̀ké tì k̀̀è b̀̀èe tiit́e yedab̀̀ò. ⁴⁰ K̀̀è d̀̀e wenté k̀̀è b̀̀èe pike cute k̀̀deke dit̄ari ì̀̀nkè k̀̀ennáante ke tú: Ti bantému ti cà̀̀r̀̀m̀̀è, ti né b́áátímu ke k̄ari ti Yiè nKuyie nti duó nd̄iì èi. ⁴¹ K̀̀è M̀̀ȳiisii b̀̀è ǹ̀ké ke d̀̀ò: D̀̀è d̀̀omme k̀̀è di d́ó k̀̀eyete ti Yiè nKuyie nkpeti. Di í yóó na. ⁴² B́áá k̄atenè ti Yiè nKuyie nyí di bonè, di b́áá benné k̀̀k̀te k̀̀è di dootit̀̀bè di kuò. ⁴³ Amadesiibe n̄è Kannahãã k̀̀be b̀̀èe bo di ì̀̀kè, b̀̀è yóó di fiému, di b̀̀t̄innému ti Yiè nKuyie, k̀̀ t̄énke í di bonè.

⁴⁴ K̀̀è Isidayeeriḃe yete k̀̀k̀p̀̀nk̀̀nne be to ke d̀̀ò: Ti deèt̄imu dit̄ari ì̀̀nkè kó kutemp̄è. K̀̀è M̀̀ȳiisi yie me nni nkpaá be karì n̄è Kuyie ntaumm̀̀è t̄ou. ⁴⁵ Mem̄me Amadesiibe n̄è Kannahãã k̀̀be c̀̀t̄énim̀̀è k̀̀poté Isidayeeriḃe k̀̀è mb̀̀è b̀̀t̄i ke k̀̀ò k̀̀t̄uòkenè ̀̀dimaa.

15

Kuyie nnàkémè bè yó nkù pãã mmèè botí tidiiti kó yepārè

¹ Kè ti Yiè nKuyie nnáké Mɔyiisi ke dò: ² Náké Isidayeeribe ke dò n tú: Kè di ta dii m̀nni ketenkè n yè n yóó di duó nkè kè dí mbo, ³ kè di yó n féuté feǎfe kétuo nyoo metaummè kpéi, kòò m̀u me nyó n féuté feǎfe ò n cànnenè dii nùu kpéi, yoo ò baa dó ké m pã dipãnni ndi, yoo dibanni mari kpéi, kòò yó n féuté feǎfe diefe nfe, yoo fesámpófè, dipãnni ndi dii kó kufɔ̀ɔku n naati, ⁴ wèè te feǎfe wèè waá mmuyuo nsààmù cidóò bètããti ké mù àntenè mekɔ̀sààmè dítiri nè dikéè. ⁵ Kè dipebii me nni ndi de yiè ndó ké n féutéme kétuo nyoo metaummè kpéi, wèè waá mmenaà ndítiri òmáà nè dikéè. ⁶ Kè dipedaà me nni ndi wèè waá mmuyuo nsààmù cidóò bèkuò ké mù àntenè mekɔ̀sààmè dítiri bèdébè, ⁷ kényɔ̀renè menaà ndítiri bèdébè. Dipãnni ndi dii kó kufɔ̀ɔku n naati. ⁸ Kè fenààfè me nni nfe ò yó n féutéme kétuo nyoo metaummè kpéi, yoo ò dó ké n féuté feǎfe ò n cànnenè dii nùu kpéi. ⁹ Dinaadaà dimáà wèè waá mmuyuo ncidóò bèwei, kéàntenè mekùò ndítiri bètããti, ¹⁰ kényɔ̀renè diféè dítiri bètããti. Dipãnni ndi dii kó kufɔ̀ɔku n naati.

¹¹⁻¹² Bá kè ì sũ ke mamè di yó mme ndɔ̀ori bá fèè òfè ìnkè kèntũ nfe kuó duó ke dómme, kè fenààfè nfe yoo dipedaà yoo dipedabii yoo tebuatè. ¹³ Isidayeeribe ní yóó me ndɔ̀ò bè m pãã nyèè pãrè ke tuò. Yepārè nye yèè kó kufɔ̀ɔku n naati. ¹⁴ Bepòòbè bèè bo di cuokè yoo bèè kó beyààribè do kàtení ké ndi bonè, be mièke kòò m̀u dó ké m pã mí ndi Yiè nKuyie

ndipānni kētuò ò yóó me ndòò. Dipānni ndi dìi kó kufṣṣku n naati. ¹⁵ De kó ikuó yó mbomu ditīnni diməu kpéi nsáà nè di yaàbíio opòò kpéi nnè tēheikèmbite kpéi. Tēheikèmbite dəərimè opòò yóó mme ndəəri. ¹⁶ Ikuó imáà yó nni nyi mēdəərimè mēmáà, díndi nè bepòòbè bèè di bonè.

Bè bo mpāāmmè Kuyie ntidipànti kóo pḗḗ

¹⁷ Kè ti Yiè nKuyie mbéinnè Məyiisi ke dò: ¹⁸ Náké Isidayeyiribe ke dò n tú: Kè di ta dìi mənni ketenkè n di kərinè kèè miēke. ¹⁹ Kè di dòò pḗḗbè ke bo cááké, dí deite mí ndi Yiè nKuyie n kperε. ²⁰⁻²¹ Kè di ní nàa mmuyuo ke dòò tipḗmpḗnti dí deite n kəku, di ṣṣ deite mēè botí tidiketiti miēke n kpeti, di tì puoti dìi mənni kuyié. Di yó mme ndəəri sáà nè di yaàbíio.

Kè dè da kpeténè kàa cààrè a dò nkéféúté fḗḗ ḡḡ

²²⁻²³ Kè ti Yiè nKuyie mbéi nke dò: Kè dè dò ndè di kpeténè ke di yetenè n duó nyìi kuó Məyiisi kòò ì ndi tūo i kó ìmàì, kétúóté yíe nnè di bo mbomè nè di yaàbíio, ²⁴ kè dè dò ndè kpeténè òmòu kè ditīnni diməu í yé ke yeténè ikuó m̀ai, di wḗnné kéwáà ndinaadaà, ké di nni nféúté kéwḗnnénè muyuo mmùù àntenè mekùò nnè menaà kētuò nyikuó yḗmmè. Dipānni ndi dìi kó kufṣṣku n naati, dí waánnè dibədaà meyei nčímmè kperi. ²⁵ Kè ikuó niütii dəò ditīnni diməu meyei nčímmè kó ikuó, kè n di cíé nke yé dè di kpeténèmmèmu. Kè dí tóni di diiti kó yepā̀rè di yó m pā̀ yè kētuò, kéfíénè meyei nčímmè kó iwũṣ ke yé dè di kpeténèmmèmu. ²⁶ De

mònnì n yóó di cǐém̄mu di yei ndíndi Isidayεεribe nè beṗòbbè bèè di bonè ke yé dè di kpeténèmu dim̄ou.

²⁷ Kè dè me ndò ndè kpeténè onìtì òmàà ndi kòò dòò meyei nwèe waá ndib̄s̄erì d̄i m̄àke dibenni d̄im̄àà ké d̄i nni nféúté o yei ncǐém̄mè kp̄éí. ²⁸ Kè ikuó niùt̄i ò dòò meyei nh̄t̄ím̄ù kó ikuó metaummè tou ìikè kè nhò cǐé, ²⁹ d̄índi Isidayεεribe kè di kóò m̄òu nwe yoo op̄òò wèè di bonè ikuó im̄àà yóó nni nyi ìi tukúnè dè bo kpeténè wè, kòo yeténè ikuó.

³⁰ Kè wèè yie bo ncaàri ke yé, kòò tu Isidayεεri nwe yoo ò tu op̄òò ò cààrè mí ndi Yiè nKuyie mmí nwe. Dí ò dènn̄e di cuokè. ³¹ De kóo n̄it̄i bot̄i ò s̄enk̄erì mí ndi Yiè nKuyie n náānt̄i nti ke caari n kuó, dí ò dèite di cuokè, o yei mbo o yuu ìnkè nke.

Wèè do yeténè teomp̄utè kó ikuó

³² Isidayεεribe do bo d̄i mònnì dikp̄àà mieke, diyie marì kè bèmabèe yà òm̄òu kòò kau idéí teomp̄utè yie ³³ kè bèe ò k̄tenè M̄oyiisi nè An̄o nè Isidayεεribe s̄ombe borè, ³⁴ kéduó nkè bè nhò bàa ke yé ikuó mu ndo í nàkémè bè dò nkóò d̄òmmè. ³⁵ Kè ti Yiè nKuyie nnáké M̄oyiisi ke d̄ò: De kóo n̄it̄i d̄ò nkékuòmu, Isidayεεribe dim̄ou dí ò dènn̄e di kó dikarì kóò bùót̄i yetárè kékuò.

³⁶ Mem̄me kè dit̄inn̄i dim̄ouu ò dènn̄e be karì ké nhò buot̄i yetárè kòò yàa kúnè, ti Yiè nKuyie ndo nàkémè M̄oyiisi ke nyè ndè ndòmmè.

Kuyie nyεmmè ku n̄it̄ibè nh̄ã̄ iyaàyuó mbe yààtì

³⁷ Kè ti Yiè nKuyie nnáké M̄oyiisi ke d̄ò: ³⁸ Á náké Isidayεεribe ke d̄ò n tú: D̄índi nè di yaab̄íó di nh̄ã̄ iyaàyuó ndi yààt̄i, kè di níí ya ntiyààt̄i di ànné

mupaàkómú mùù wũṣ tiòtì tii dònne tìbedencḗḗtì mu kó iyúṣ nti mànke. ³⁹ Di yààtì ní nhā iyúṣ nkè di nyì yàù ke denninì n kuó mí ndi Yiè Kuyie nke tũ nyì yḗmmè, ke bá ndḗari di yḗmmè dó dè nè di nuḗ ndó dè, dè yàà bo nte kè dí m búttinné mí ndi Yiè nKuyie. ⁴⁰ Mèmmè di bo ndennimè n tannò yemḗu. Ke dḗari yè yḗmmè kè dèe benke ke dò ndi cáá nke tú n kḗbe. ⁴¹ Mí ndi Yiè nKuyie m mú di te ke di dènnenì Esibiti kè di bo ntú n kḗbe.

16

Kodee yetemè Kuyie nkpeti

¹ Defii mḗu Keati naàmùnkù kou weè do peité Isaadi kè Isaadi peité Kodee. Kòo sukú Dubenni naàmùnkù kḗbe bètāāti, Ediabu bí Datanni nè Abidammu nè Pedeti birè Onni. ² Nè Isidayeeribe sikḗusidé nè sipísìnùmmù (250), bèè do tú be botí mièke bekótibè ke ni be tīrè kè be yètè feí. ³ Kè bèe cḗḗte Mḗyiisi nè Anḗ ké mbè kpànnè ke tú: Di terè tontému Isidayeeribe botí kumḗu tu Kuyie nkḗbe mbè, kè kù bè bonè. Dè yīme kè di dó ké nti baké.

⁴ Mḗyiisi kèè dii mḗnni de kó tináañtì kédò kēsīnnḗ ketenkè, ⁵ kénáké Kodee nè o kó ditīnni kḗbe ke dḗ: Nanke dikūnweñni ti Yiè nKuyie mbo benke wèè tu ku kou, kù tāāté wè koò càñné, kòò bo nkù tḗkunè, de yiè nweè yó nkù tḗkunè. ⁶ Né nte di dò nkédḗmè: Fḗ nKodee nè a kó ditīnni kḗbe bemḗu túóténè sisḗsékébúkúsí, ⁷ di naa sì ānné muhāā nkéyḗre tihúúnti mu ĩnkè ti Yiè nKuyie ntaummè tou ìkè, kè tí yà ti Yiè nKuyie nyóó tāāté wè, wèè tu ku kou kù càñné wè. Díndi Defiibe di kperè dèè tonté.

kéãnné tihúúntì kètóní ti Yiè nKuyie tou ìikè, f̄s nKodee nè Anṵò kè di múnke me ndṵò.

¹⁸ Kè Kodee tí nyIsidayεεribe nè o kṵbe kè bèε yie mbá wè kṵo túóté o sṵsékébuute kéãnné muhãá, nkéyṵεε tihúúntì muhãá nyĩnkè kékṵε kécómmú metaummè tou bṵrìnùù, Mṵyiisi nè Anṵò kè bè múnke me ndṵò. ¹⁹ Kè Kodee tí nyIsidayεεribe beṵṵ Mṵyiisi nè Anṵò be ìikè metaummè tou bṵrìnùù.

Kè ti Yiè nKuyie nkó tikpetìi cúténí be ìnkè. ²⁰ Kè ti Yiè nKuyie mbéinnè Mṵyiisi nè Anṵò ke dṵ: ²¹ Kenténè dimáà de kó benitìbè, n yóó bè kùṵmu dimṵnnì dimáà.

²² Mṵyiisi nè Anṵò kè bèε do késĩnnṵó ketenkè kékuónko ke dṵ: Áú Kuyie! F̄s nwèè duṵ mmufòm̄mu dèè kó dimáà f̄òù, a miεke bo do kubotí kumṵu onitì omáà kó mecaàrimè kpéínáà?

²³ Kè ti Yiè nKuyie nyíε kébéinnè Mṵyiisi ke dṵ: ²⁴ Á náké Isidayεεribe botí kumṵu ke dṵ: Bèε kenténè Kodee c̄f̄ètè nè Datanni nè Abidammu be kpεsi.

²⁵ Mεm̄me kè Mṵyiisii íté kénkṵri Datanni nè Abidammu be borè kè Isidayεεribe kó bekótìbè ò tũ. ²⁶ Kṵo náké ditĩnnì ke dṵ: Kenténè benitidṵnnibè bie nc̄f̄i borè, di báá kááké d̄εmarè dèè tu be kpεε di yàà bo kú be kó mecaàrimè kpéi.

²⁷ Kè bèε íté ke d̄éténè Kodee c̄f̄ètè.

Datanni nè Abidammu bèε do yènnì kénccómmú be touti bṵrè nye nè be pobè nè be bí nè be yaàbí. ²⁸ Kè Mṵyiisii béi nke dṵ: Di yóó banté die nde ke dṵ ti Yiè nKuyie nkuu n t̄ōnnì kè m p̄i nde kó mut̄ōmmú mumṵu kè dè í tú m mù p̄ĩnnè m máà kó muw̄rímú.

29 Kè de kó benìtìbè ku mukũũ mbetòbè kã mmù ke í ku kè dè cãännè betòbè kãmmè ti Yiè nKuyie nkuu í n tǝnní. 30 Kè dè dò nti Yiè nKuyie mbo dǝò tidietì kperε marè, kè ketenkèε aate kémaánko de kó benìtìbè nè dèè kó dimàà tu be kperε kè bèε ta kudǝnkù befòùbè, di bo banté ke dò ndε kó benìtìbè cààrè ti Yiè nKuyie nku.

31 Mǝyiisi kraá ke me nnáá nkè ketenkèε yaté bè còmúmù dè, 32 kéaate ké bè maánko bembe nè be cǝí kǝbe nè Kodee nè o kó ditǝnní kǝbe nè be kperε demou. 33 Kè bèε ta kudǝnkù befòùbè nè be kperε bè mǝke dè, kè ketenkèε mutǝnne. Memme bè kraakemè be kǝbe Isidayεεribe cuokè. 34 Bèè kó dimàà dè bo kè bèε keè be dabùò kéncooti ke tú: Tí cokénè ketenkè yàà bo ti maánko! 35 Memme kè ti Yiè nKuyie ncũũnní muhãã nkè mùù cóútóo benìtìbè sikǝusidè nè sipísìnùmmù (250) bembe bèè do tuò ntihúúntì.

17

Muhãã ncóútémè Kodee kó ditǝnní kǝbe

1 Kè ti Yiè nKuyie mbéinnè Mǝyiisi ke dò: 2 Náké Anǝ bire Edeasaa ikuó nìtì ke tú n yε nwèε pǝté sisǝsékébúkúsí kǝfũũ mmuhãã. Ke yé bè sì nni nduómmèmu kè sì tu n kperε. 3 Bèè sì tǝní kè bè ku ke yietí be yei. Dí sì ma timátipenti kédari n wũǝtǝnní kè dè ndò mmebenkùmè Isidayεεribe bemou kperí.

4 Kè ikuó nìtì Edeasaa túóté disǝwũǝ kó sisǝsékébúkúsí de kó benìtìbè do tǝní sì kè muhãã nsì cóúté, kè bèε sì ma timátipenti kédari diwũǝtǝnní. 5 Bè do ma tìi mátipenti kédari diwũǝtǝnní tìi do denniní Isidayεεribe òmòu í dòmmè kǝntuò ntihúúntì ti Yiè nKuyie nyìkè kè dè í

tú Anṓ nè o yaàbí, kè wèè mè dṓṓ tì tùḍkení Kodee nè o kṓbe tì yóó ò tùḍkení ti Yiè nKuyie ndo me ntì nàké Mṓyiisi kòò tì mbè nàké.

Isidayeeribe tùùtemè

⁶ Kè dèè wenté kè Isidayeeribe ité be botí kumṓu kénkpannè Mṓyiisi nè Anṓ ke tú: Dfì kùṓ ti Yiè nKuyie nkṓbe.

⁷ Bè cèète dìì mṓnnì Mṓyiisi nè Anṓ kéwèète metaummè tou bíékè kénsṓ diwetirì dātínnè metaummè tou, kè bèe yà ti Yiè nKuyie nkó tikpetì. ⁸ Mṓyiisi nè Anṓ kè bèe kṓte metaummè tou ìkè ⁹ kè ti Yiè nKuyie mbéinnè Mṓyiisi ke dṓ: ¹⁰ Yènnè de kó ditfnnì cuokè, n yóó bè kùṓmu dimṓnnì dimáà kè Mṓyiisi nè Anṓ kè bèe do késfnnṓṓ ketenkè. ¹¹ Kè Mṓyiisii nàké Anṓ ke dṓ: Túóté tesṓsékébuute kédeite diwũṓtṓnnì ìnkè kó muhãã nkéãnnè te mièke kétuṓ nti húúntì kécokóo ditfnnì borè, kédṓṓ meyei ncíèmmè kó ikuṓ ke yé ti Yiè nKuyie mmièke cṓútémè kè benitibè keté mukũũ.

¹² Kè Anṓ túóté tesṓsékébuute nè muhãã Mṓyiisi tì nhò nàké ke yè ndè ndòmmè, kécokóo ditfnnì cuokè, kénsṓ benitibè keté mukũũ, kòo tuṓ nti húúntì kédṓṓ meyei ncíèmmè kó ikuṓ Isidayeeribe kpéí, ¹³ kéncomú becíribè nè befòubè be cuokè kè ti Yiè nKuyie mbè poté kùù yéinkuu cómmú. ¹⁴ Benitibè bèè do ku bè do bo tekṓupírítè nè sikṓupísìnàà nè sikṓusiyiekè ndi (14700) ké né mbúútí bèè do ku Kodee kó mecaàrìmè kpéí. ¹⁵ Kè Anṓ wètení Mṓyiisi borè metaummè tou bṓrìnùù, kè ti Yiè nKuyie mbè poté kùù yéinkuu cómmú.

Anṓ kó kupàati yèmè tifãati

16 Kè ti Yiè nKuyie mbéinnè Mɔ̀yiisi ke d̀: 17 Á náké Isidayeeriβe wuɔ ntepiítè nè ìdèi, bá kùù wuɔ nkè ku kóo kpààti da t̀nì kupààti. A yóó ì cuó kè ì mbo tepiítè nè ìdèi nyi, kàa wãri bá kùù wuɔ nkóo kpààti t̀nì kùù pààti ìnkè de kó kuwuɔ nyètiri, 18 kèwãri Defii kó kupààti ìnkè Anɔ́ kó diyètiri. Memme bá kùù wuɔ nkóo kpààti yó mmakemè kupààti. 19 A yóó ì d̀ú mmetaummè tou mièke nke Kuyie ntaummè t̀u ìkè, mí nnè f́ nti ã́ máá dè. 20 Onitì wèè kó kupààti bo ye tifã̀ti weñwe n tããtémè. De m̀nni kè m paa nyesaãmbè Isidayeeriβe di sãã nyè.

21 Kè Mɔ̀yiisii tì nàké Isidayeeriβe wuɔ ntepiítè nè ìdèi mièke bá kùù wuɔ nkè ku kóo kpààti t̀nì kupààti βe wuɔ ndò ndòmmè imɔu kè ì wënné tepiítè nè ìdèi, kè Anɔ́ k̀ku nsoké ì cuokè. 22 Kè Mɔ̀yiisi ì tannè metaummè tou mièke kè ì d̀ú ti Yiè nKuyie nyìkè metaummè t̀u borè. 23 Kè dèe wenté kè Mɔ̀yiisi mbo tuokoo ke s̀ nhAnɔ́ Defii kó kuwuɔ nkou kó kupààti yè tifã̀ti ke pòrí ke peité yeβe kè yè bi. 24 Kè Mɔ̀yiisii ì kouté imɔu ti Yiè nKuyie nyìkè kékɔtenè kéβenke Isidayeeriβe kè bèe ì yà βemɔu, bá wè kòo túóté o k̀ku. 25 Kè ti Yiè nKuyie nyíe kénáké Mɔ̀yiisi ke d̀: D̀ú nhAnɔ́ kó kupààti ikuó t̀u ìkè, kè kù ndò ndibenkèrì de kó itookperì yeμβè kpéi. De m̀nni kè m paa nyesaãmbè bè di sãã nyè, kè yè t̀̀kení m borè kè bè t̀nke báá kú.

26 Kè Mɔ̀yiisii d̀ò ti Yiè nKuyie nhò nàké tì.

Ikuó niùbè nè Defiβe d̀ò nkémpĩ mmùù t̀mmù

27 De m̀nni kè Isidayeeriβe náké Mɔ̀yiisi ke d̀: Ti yóó kúmu, ti kumu ke dèè. 28 Kòò m̀u t̀̀nnè

metaummè tou ò ãã kúmu, ti yóó me nhõ nke yàa deèà?

18

¹ Kè ti Yiè nKuyie nnáké Anṵ ke dṵ: Kòò mṵu yeténè metaummè tou fṣ nnè a bí dṵ te meyetímè. Kòò mṵu cààrè ikuṵ tṵmmú dṵ te de kó mecaàrìmè. ² A yú a cice naàmùnkù kṵbe Defiibe kè bè da wṛennénè ké nda teénnè mutṵmmú. Fṣ nnè a bí dṵ ní yóó ta metaummè tou kṛpṛ nyikuṵ tṵmmú metaummè tou ìkè. ³ Bèè yó nda teénnè metaummè tou dimṵu kó mutṵmmú bè né báá tṵnnè ikuṵ nenti matì yoo diwṵṣtṵnnì, kè dṛe yie nkè di báá kú ké bè wṛennénè. ⁴ Bèè yó nda wṛennè ke da teennè metaummè tou kó mutṵmmú mumṵu, wèè í tú Defii botí kou ò báá di wṛennénè mutṵmmú. ⁵ Fṣ nnè a bí dṵ te metaummè tou nè diwṵṣtṵnnì de kó mutṵmmú kè dṛe yie nkè m mièke báá do Isidayṛeribe. ⁶ Mṵi tṵāté a kṵbe Defiibe Isidayṛeribe cuokè, bè tu n kṵbe mbe kè m bè nda duṵ nkè bè bo mpṛ mmetaummè tou kó mutṵmmú. ⁷ Fṣ nhAnṵ nè a bí n duṵ ndí mbe ikuṵ kó mutṵmmú diwṵṣtṵnnì ìnkè nè ikuṵ nenti kó kufṛṛ nkuyààkù pi kù, n duṵ ndí mbe de kó mutṵmmú, wèè í tú Defii botí kou ke dè tṵnnè ò kumu.

Ikuṵ niùbè dò nkénte dṛ

⁸ Kè ti Yiè nKuyie nnáké Anṵ ke dṵ: Mṵi da duṵ nkàa bo ndake Isidayṛeribe m pṛṛ nyèè pṛrè kpéí, a ní yóó de ndeite dèè tu a kṛere, n da còú mmekùd mmèè kpéí nke da cànnè fṣ nnè a bí n tṵmmú kpéí, de kó ikuṵ yó mbomu sṛṛ nè a yaàbío. ⁹ Nte dèè yó ntú a kṛere, bè m pṛṛ nyèè pṛrè mièke, kémbúú tí yèè yóó tuṵ. Muyuo nkó yepṛrè nè bè n fié ì wṵṣ meyei

ncífèmmè kpéí nnè meyei nhūtímù kpéí. Bè m pã nyèè pãrè kó dimàà tu a kpeye nye fǒ nnè a yaábíó. ¹⁰ Dii ní dè di dè tu n kperε ndε, benitidaabè bèè bo di cǐi bè bo na ké dè di. ¹¹ Nte detεrè dèè ní yó ntú a kperε Isidayεeribe dèite dèè kó dimàà ke m pã ke dè nni nyòute, n dè nda duómму fǒ nnè a yaábíó initidaai nè initipòì. Bèè kó dimàà bo a cǐtè ke wenni bè bo na ké dè di. ¹² N di duómму tidiketiti kó yepãrè sààyè Isidayεeribe m pã nyè: Mεkùò nnè menaà nnè tidiiti bè tu ti bèdèè. ¹³ Be εi kó tidiketiti bè m pã ntii kó dimàà, n ti n di duómму bèè kó dimàà bo di cǐi ke wenni bè bo na ké dè di. ¹⁴ Kε Isidayεeribe ní m pã dè ke tú bè dè nni m pãmu sãà, díi yó ndè te. ¹⁵ Isidayεeribe bèè tu Mpo nè be wũò ketiyi bè m pã ndè tu di kperε ndε. Bèè tu Mpo bè ní bè ndi donténè, kè fεòfε ketifè mafè tu bè í n feu fε bèè fε ndi donténè. ¹⁶ Denitidabire dèè mòke otànkù omàà de donku dò nkémbo medítíbii mmèñùmmù ndi bè kèétémè metaummè tou kpéí, mèè cǐékù bo kàdáammù tepíitè. ¹⁷ Kè fenààfε nfe yoo fεpièfε yoo tebuòtè dè peité ì bí idaai meketimè, bè ì nni nfeumu, bè báá wεte ké ì ndi donténè, dí ì nni nféuté kécóú mmeyĩ ndiwũòtànni, kétuò ndèè tu mεkùò nkperε, dipãnni ndi dii kó kufòòku n naati. ¹⁸ Imaa ntu di kpeyi nyi, kényiénè di n yòute ì, dicĩncĩnni nè dikpèri youri.

¹⁹ Isidayεeribe òò deite yèè pãrè ké m pã, n yè ndi duómму díndi nè di yaábíó, initidaai nè initipòì, de kó metaummè yó mbomu, n di dóunnè dii nùò ndi sãà.

Ikuó nùbè Defibe dò nkénte dè

20 Kè ti Yiè nKuyie nyíé kénáké Anᵒᵒ ke dᵒ: N duᵒ nkèè tenkè Isidayeeribe, ke miéke a í yó mmᵒke a kᵒke, mī yó ntú a kperε Isidayeeribe cuokè. 21 Díndi Defiibe, kè Isidayeeribe níí dèite bè mᵒke dè miéke depííndè ke m pã, n dè ndi duᵒmmu di pī mmùù tᵒmmú kpéí metaummè tou. 22 Isidayeeribe sᵒmbe bá ntᵒkunè metaummè tou bè yàà bo cé mbemáà meyei nkékú. 23 Díndi Defiibe díí máà yó mpī mmetaummè tou kó mutᵒmmú, kòᵒ mᵒù yeténè metaummè tou díí te de kó meyetímè, de kó ikuᵒ yó mbomu sáà. Di í yó mmᵒke di kó ketenkè Isidayeeribe tᵒbè cuokè. 24 Isidayeeribe ᵒᵒ dèite dè bè mᵒke de miéke dèè tu depííndè ké m pã, n dè ndi duᵒmmu. Dèè te kè n tu di í yó mmᵒke dí kó ketenkè Isidayeeribe cuokè.

25 Kè ti Yiè nKuyie nyíé kénáké Mᵒyiisi ke dᵒ: 26 Á náké Defiibe ke tú n yē nkè Isidayeeribe níí dèite bè mᵒke dè miéke dèè tu depííndè n yē mbè ndi duᵒ ndè ke be duᵒ, bèè dèite de miéke dèè tu depííndè ké n duᵒ. 27 Dèè múnke yó ntú be kperε bè mᵒke de kó depííndè. Be kᵒbe dèite mèè botí tidiitì kó depííndè nè menàà nke dè mbè duᵒ. 28 Bè níí dèite Isidayeeribe dèite dè bè mᵒke dè miéke, dèè tu depííndè ké bè duᵒ, bèè dèite depííndè de miéke n kperε nde, dí dè duᵒ nyikuᵒ niùtì Anᵒᵒ. 29 Bè yó ndi duᵒ nyèè pãrè yemᵒu ñnkè di níí dèite bá diì pännì ñnkè dèè tu desààrè kécánné n kpéí, n kperε nde. 30 Náké be kè bè dèite diì mᵒnnì dèè tu desààrè n kperε tú dè, ke cãnné dèè kraá dè tu be kperε nde. Kéndᵒnnè Isidayeeribe ᵒᵒ súᵒmmè be diitì nè be naà. 31 Di bo na ké dè di bá kèè bíékè nè di cēí kᵒbe bemᵒu. Dè tu di kó tiyeti nti mutᵒmmú di pī mmù metaummè tou mu kpéí. 32 Di dèite diì

mònni dèè tu desààrè n kperε tú dè, ke n duó, dí di desònnε. De mònni dè í tú meyei, di yó mme ndòari ke báá sīnkùnne Isidayεεribe m pãã nyèè pãrè kékú.

19

Fenaàwũǎfè kó mutápeí nkó ikuó yó ndòmmè

¹ Kè ti Yiè nKuyie mbéinnè Mòyiisi nè Anòò ke dò:
² Mí ndi Yiè nKuyie mú di dòúnnè ikuó. Dí náké Isidayεεribe ke tú n yē mbèe waá nfenaàwũǎfè fèè í m̀ake kuyènkù bá sánpó, bè mu nyí buú nfè kudóú kè fè dùò. ³ Kè di fè duó nyikuó niùti Edeasaa kòo fè dènnε diheì m̀anku kè dí fè fèúté o ìkè. ⁴ Kè ikuó niùti Edeasaa pòòtè o nómbii fε yī nkémíété metaummè tou b̀òrinùù kuce mèyiekè. ⁵ Kè dí fè tùò nkenke ikuó niùti ìkè kétuò nfe yī nnè fε maa nnè fε k̀nkù nè fε piti. ⁶ Kè ikuó niùti waá mmutie bè tu mù sètiri mu kó kudóú nè bè tu mù ìsòpù mu kòku nè tipèciti tii to mmewũǎ nké dè wènné kéänné muháá mbè tùò mmùù miεke fenaàǎfè. ⁷ Kòò dèè wèè óú o yààti kéwuò ke né na kékò mbè bàté dè. Ò yó nsĩmmu kétuòkenè kuyuoku. ⁸ Wèè tùò nfenaàǎfè kòò óú o yààti, kéwuò. Ò yó nsĩmmu kétuòkenè kuyuoku. ⁹ Oniti wèè í sãũ nhomáà kè wèè kouté mutápeí mbè tùò nfèè nàǎfè kòmu, ké mù f̀utenè be karì kécóú ndibòri bè tãáté di de kpéí, kè mù mbo Isidayεεribe kpéí kè bè mmù d̀òrinè mewéncùmè kó menie. De kó ikuó yó ndònnè meyei ncíémmè kpεyi nyi. ¹⁰ Wèè kouté de kó fenaàǎfè kó mutápeí nwèè óú o yààti ò yó nsĩmmu kétuòkenè kuyuoku. De kó ikuó yó mbomu Isidayεεribe kpéí nnè bεpòòbè bèè bè bonè.

Wèè s̄ntε ò bo wénkùnne m̄èè botí omáà

11 Kè wèè kàáké oc̄i, bá wèè c̄i botí c̄enke ò s̄ntemu, kéns̄i nke d̄ò yewe ȳeyiekè. 12 Wèè wuɔnè mmewénkùmè kó menie diyie t̄áánni nè diyiénni ke né na kéwenke. Kòò í wùɔ diyie t̄áánni nè diyiénni ò báá wenke. 13 Wèè bo kàáké oc̄i ke í nwuɔnè mewénkùmè kó menie nhò s̄nkùnko mí ndi Yiè nKuyie n c̄f̄ètè nte, de yiè mbèè ò dènnε Isidayεeribe cuokè, ò s̄mmu ke ȳé ò í wùɔmè ikuó kó menie.

14 Ntenè ikuó t̄ei: Kòò m̄òu ku ditou mari mieke kè wèè ta di mieke ò s̄ntemu wenwe nè bèè bo di mieke kéns̄i nke d̄ò yewe ȳeyiekè. 15 Tinent̄i t̄ii kó dimàà bo mbo de kó ditou mieke ke í poke ke bou teitei t̄i s̄ntemu. 16 Kòò m̄òu k̄erí dikp̄àà mieke ke kàáké oc̄i bè kùɔ wè yoo ò na òm̄òu kó yekũð yoo kuf̄t̄i ò s̄ntemu ke yó ns̄i nke d̄ò yewe ȳeyiekè. 17 Kòò n̄it̄i s̄ntε kè di yóó ò wénkùnne, dí waá nfenaàwũf̄è fenfe bè kùɔ f̄è kó mut̄ap̄éi nkéänné dibuu mieke kéänné menie. 18 Kè di dèè onit̄i wèè í s̄ãu nhomáà wèè waá is̄óp̄u kó kud̄ú k̄ep̄òt̄è de kó menie nkém̄ít̄é m̄ít̄é de kó ditou nè tinent̄i nè benit̄ibè bèè kó dimàà bo de kó ditou mieke nè wèè kàáké bè kùɔ wè yoo ò na òm̄òu kó yekũð yoo ò nà kuf̄t̄i. 19 Onit̄i wèè í s̄ãu nhomáà wèè yóó m̄ít̄é menie nhonit̄i wèè s̄ãu nhomáà diyie t̄áánni nè diyiénni. Diyiénni yiè wèè s̄ú o yààti, kéwuɔ kéwenke kuyuoku m̄ònni.

20 Wèè bo s̄ãu nhomáà ke í ndó kéwénkùnne omáà bèè ò dènnε Isidayεeribe cuokè, ke ȳé ò s̄nkùnne m̄èè mí ndi Yiè nKuyie n c̄f̄ètè nte. Ò me nyí wuɔnè ikuó kó menie, nnè de kp̄éi nhò s̄mmu.

21 Dè yó ntú ikuó nyi s̄áà, wèè bo m̄ít̄é ikuó kó

menie nwèe óú o yààtì, kè wèè kàáké de kó menie nhò sīntemu kéntò kétuòkenè kuyuoku. ²² Wèè sãũ nhomáà kòò kàáké de, de sīntemu, kè wèè kàáké dèè sī nhò sīntemu kéntò kétuòkenè kuyuoku.

20

Isidayeeribe do màntémè menie nSinni kó dikpáà miéke

¹ Dibenni tãnkù ketiwè kè Isidayeeribe tīnnì tuòke Sinni kó dikpáà kébáté Kadeesi kékari. Midiyammu de nku kè bèe ò kũnné.

² Bè í mpèté menie nke bo yã kétéí nkénkpannè Mòyiisi nè Anò ke tú: ³ Kè ti Yiè nKuyie ndo nti wēnnénè ti kòbe bèè ku képoté, kè ti kú de í ntũũà? ⁴ Dè yīme kè di tóní tīnti ti Yiè nKuyie nkòbe ke kòtenní dikpáà dii mmieke kè ti bo kú tīnti nè ti wũũ? ⁵ Ba nte kè di ti dēnnení Esibiti ke ti tóní dibòrì yeiri dii? Dè í dò mbuótí dèmarè, detie mbè tu de fikíè de í bo kè ti né báá buónè fīnyĩ nè kèdènátì kperè, menie nketé ke í bo ke dò nyã.

⁶ Mēmme Mòyiisi nè Anò bè itémè Isidayeeribe borè kékòte metaummè tou borinùù kèdo kēsīnnóò ketenkè kè ti Yiè nKuyie mbè benke ku kpetì, ⁷ kébéinnè Mòyiisi ke dà: ⁸ Túóté a pààti f̄́ nnè a kóo kótì Anò kè di tí nyIsidayeeribe, kè bè mbo ke wúó nkàa béinnè diperì kè menie nyènní, kàa duó nkè bèe yà bembè nè be wũũ.

⁹ Kè Mòyiisii túóté o pààti metaummè tou miéke kéndònnè ti Yiè nKuyie ndo tì nhò nàkémè. ¹⁰ Wenwe nè Anò kè bèe tí nyIsidayeeribe diperì borè, kòò bè nàké ke dà: Kénténè dīndi itookperì

yembè! Ti bo dennení menie ndipèrì dii mmieke nke kè di yàà?

¹¹ Mèmmè ò yòutemè o pààti képoté dipèrì mèdémè, kè menie nyènní mediè. Isidayeeribe nè be wũš kè dèe yà.

Kuyie nkpannèmè M̀oyiisi nè Anao bè yeté m̀èè kpéí

¹² Kè ti Yiè nKuyie nnáké M̀oyiisi nè Anao ke d̀: Di yèmmè í me nyiemmmè ke d̀ò ndè bo d̀ò, di í me ndéúkùnnemè n yètìrì Isidayeeribe ìkè, di ténke í yóó tannè n nìtìbè ketenkè m̀ bè duó nkè.

¹³ Dèè do te kè bèe yú de kó menie nke d̀ò M̀ediba, d̀èè tu dikpànnì, ke yé Isidayeeribe do dè nwèntémè ti Yiè nKuyie nkè kùu bè benke kù d̀ommè pái pái.

Edømmu kóo kpààti yetemè Isidayeeribe bo p̀èèté m̀è o tenkè

¹⁴ Kè bè mbo Kadeesi kè M̀oyiisii deite benitìbè ké bè tš nke d̀ò bèè kòte kénáké Edømmu kóo kpààti ke d̀ò: Tínti a tebií tì tu a yému ti tamè meháárì m̀è mieke. ¹⁵ Ti yembè beè do kòte Esibiti kè ti nke bo kémònte kè Esibiti kòbe ti f̀éũ tínti nè ti yembè.

¹⁶ Kè ti kuónnè ti Yiè nKuyie nkè kùu keè ti dabònnì kéduònnì ku tšnnì kè d̀ì ti dennení Esibiti. Kè ti t̀òkèní die nKadeesi dihei dii bo a tenkè mànkù,

¹⁷ kàa bo yie, nyóu kè ti p̀èèté a ei mieke, ti í yeti depaa mmieke yoo f̀inyĩ kó detie mmieke, ti í yóó yà a kó sibií kó menie, ti yóó kété kuce diekù nku kèpèètènè a ei, ti í yóó dauté kupíkù makù. ¹⁸ Kè Edømmu kóo kpààti bè t̀ènné ke d̀ò: Di í yóó p̀èèté die nh ei. Kè di me nyete n yóó báátóomu ké di co kè tí doké.

19 Kè Isidayεεribεε ò tḗnné ke d̀̀: Ti yóó kété kuce diékù máà ndi ke ti yà a èi kó meniε tínti nè ti wũō ti bo da yietí. Dè í tú tìmatì, ti yóó na a tenkè máà ndi kέpεēté. 20 Kè Edəmmu kóo kpààtì b̀̀ tḗnné ke d̀̀: Di í pēnké.

Kè Edomiibεε báátí nè behāāp̀̀nkperíb̀̀ p̀̀eu ké b̀̀e co. 21 Mὲmε Edəmmu kóo kpààtì yetεm̀̀ε Isidayεεribε bo p̀̀εētεm̀̀ε o ὲi, k̀̀ε Isidayεεribε p̀̀ε nkupíkù tek̀̀u.

Anə yóó kúme

22 Kè Isidayεεribεε íte Kadεεsi kékote ditāri b̀̀e tu di Ɔdi. 23 Ti Yiè nKuyie nde mbéinnè Məyiisi nè Anə Ɔdi tāri Edəmmu temmānku ke d̀̀: 24 Anə kũnti o yemb̀̀e borè nde, ò í tati dihèi n yē n yóó duó ndi Isidayεεribε ke ỳ̀é di do yetεm̀̀ε n kpεti Mεdiba kó meniε mborè. 25 Túóté Anə nè o bire Edeasaa k̀̀ε di deke Ɔdi tāri. 26 Kàa dáté Anə yààtì kédátinné o bire Edeasaa. Anə yóó de nkú.

27 Kè Məyiisii d̀̀ə̀d̀ ti Yiè nKuyie nhò nàké ti Isidayεεribε bεməu ìlk̀̀, k̀̀ε b̀̀εe deke Ɔdi tāri. 28 Kè Məyiisii dáté Anə yààtì kédátinné o bire Edeasaa. Anə de nku Ɔdi tāri ìnk̀̀. Məyiisi nè Edeasaa k̀̀ε b̀̀εe cúténí. 29 Isidayεεribε t̄innì diməu k̀̀ε b̀̀εe yà Anə kumè kékəmmú o kũũ nke d̀̀e yewe sipísitāāti.

21

Isidayεεribε namè Kannahāā tenkè kəbe

1 Mὲmε Kannahāā kóo kpààtì Adadi wèè do bo Nεkebu ò kèem̀̀ε Isidayεεribε k̀̀εróm̀̀ε Atadimmu kó kuce, k̀̀étténí k̀̀é b̀̀e do k̀̀ép̄immú be miεke b̀̀emab̀̀e kédə̀d̀ tidaatì. 2 Kè Isidayεεribεε d̀̀ə̀únnè ti Yiè nKuyie ndinùù ke d̀̀: Ti Yiè nKuyie nkàa ti duó mbe nnitib̀̀e

ti bo bè kùò páíí kέponte be ει kέδέίτέ ti báá súò ndèmarè.

³ Kè ti Yiè nKuyie nkeè be báammìi kέānné Kannahāā kòbe be nòu miεke, kè bèe bè kùò páíí kέponte be ekè kέδέίτέ kέ dè yu ke dò Ɖdimaa, dèè tu tidobontì.

Moyiisi dèdmè disəwũđ kó fewààfè kécónné

⁴ Kè Isidayεribεε íté Ɖdi tārì kétūnne kuεe kùù yìèné dāmèèrì tipèntì kou ke bo kónté ke báá yènnè Edəmmu tenkè. ⁵ Bè kété mēmme kénkááké kuεe kè mēmínnímèe bè dònté. Kè bèe keté bè bo nkprānnèmè ti Yiè nKuyie nnè Məyiisi ke tú: Ba nte kè di ti dènnení Esibiti kè ti bo kú dikprāà dii mmieke? Tidiiti sààti matì í bo, meniε mme nyí bo, kè ti baa né yó nyo tisénnindiiti tii nti yewe yeməu.

⁶ Mēmme kè ti Yiè nKuyie nduənní iwaayeyi kè ì mbè dəmmù kè bèe kú kusūkù. ⁷ Bèè kraá kè bèe náké Məyiisi ke dò: Ti cààrəmu, ti tū̀utenèmə ti Yiè nKuyie nke da kprānnè. Nè de kpréi, nhá bánté ti Yiè nKuyie nkè kùu dètinnε de kó iwààkε.

Kè Məyiisii kuónnè ti Yiè nKuyie mbe kpréi. ⁸ Kè ti Yiè nKuyie nnáké Məyiisi ke dò: Túóté disəwũđ kédə̀nè fewààfè kέ fè dānne kudə̀ú kécónné, kè fewààfè ní dənté wè kòò fè bə̀úté ò báá kú.

⁹ Mēmme kè Məyiisii dòò disəwũđ kó fewààfè kécónné, kè fewààfè ní dənté wè kòò fè bə̀úté o báá kú.

Isidayεribε do katimè ke sə̀ti ke yàa tuəkenè Pisikaa tārì.

¹⁰ Kè Isidayεribεε íté dεborè kέkəte kέbáté Obəti, ¹¹ kέíté dεndε kέbáté Iyee-Abadimmu kprāà kénwetí Məabu diyìè yìèní kèè bíékè kó dikprāà. ¹² Kè bèe íté

dendε kébáté kukó nSedeti kó mepεémme. ¹³ Bè ité dèndε késénté kukó nhAdino, kùù pũḍ nke pēnkù dikpàà ke kərì Aməriibe tenkè. De kó kukó kuù tu Mɔabu kɔbe nè Aməriibe be tenkè m̀anku. ¹⁴ Dὲε kpréi nte kè tì wàri ti Yiè nKuyie nkó mudòò pátiri* miεke ke tú...Wæbu, Sufa tempē mmieke nè Adino nè de kó ikó, ¹⁵ nè ikó nteì ìì pũḍ nke taà Adino dihei Adi píkù ìì tu Mɔabu tenkè m̀anku. ¹⁶ Bè de nyitè kébáté bè tu dè tebinte, ti Yiè nKuyie ndo nàké dè Mɔyiisi ke d̀ò: Tíí nyIsidayεeribe kè m̀ bè duó mmenie.

¹⁷ Dὲ m̀onnì ndi Isidayεeribe dèntèmè feyènfè ke d̀ò:
Tí dentè kè menie nyènní tebinte.

¹⁸ Tebinte sikpààtibíi keú tē,
dihei kó bekótibè tũ̀ tē
nè be pààti nè be d̀ò.

Bè de nyitè kékote kébáté Matana, ¹⁹ kéité dendε kébáté Naadiedi, kéité debore kékote Bamoti. ²⁰ Bè ité Bamoti nwe kékote Mɔabu kpàà kénwetí Pisikaa tãri, diì sīi ntedontè kó dikpàà.

Isidayεeribe domè Aməriibe kóo kpààti Sionni

²¹ Mem̀me kè Isidayεeribeε deite yetōrè kētō nkè bèe nàké Aməriibe kóo kpààti Sionni ke d̀ò: ²² Ti dó kēpēēté a eì miεke nke, ti í yóó ta depaa mmieke yoo finyĩ kó detie mmieke, ti í yóó yà menie nti yó mbóké kuce diékù nku, ti í yóó dauté ke yà pēēténè.

²³ Okpààti Sionni me nyí nyie nkè Isidayεeribe bo pēēté o tempē, kòo iténè kemieke kətíi nho nìtibè bεmou kè bèe kéténi kέco Isidayεeribe dikpàà ké bè

* **21:14** mudòò pátiri: De kó dipátiri bè nàá ndiì kpréi ndie ndi fetimu. Kè dè í tú die mbé í bèi nkupíkù tekù makù di kpréi.

do mudoò Yaasi èi miεke. ²⁴ Kè Isidayεεribε bε cò yεse kέkuω kέfietε bε tenkè, kétúóté kukó nhAdinω kéntω kétuωkenè Sabōki koku késωaté kétuωkenè Amōriibε tenkè mànkυ kùù do kpetí mesàà. ²⁵ Kè bεε fietε δε κό γεhekè γεmω, kέtieke Amōriibε tenkè kemωu kékari, kétaunnè Esibonni nè sihekεsí sùù dè tóké. ²⁶ Esibonni do tú Amōriibε kpààti Sionni bo dii èi ndi. Sionni weè do pànte Mōabiibε kpààti ketiwè kέfietε o tenkè kemωu kékate kédíténè kukó nhAdinω. ²⁷ Dεè te kè beyendèmbè diè nke tú:

Tí kōtenè Esibonni èi,
 tí kōte kέwēte ke di maá,
 tí wēte kέ di cònné.

²⁸ Muhāá mmuù yènní Esibonni,
 Sionni èi miεke nke mù tǐtémè
 ke còúté Adi èi Mōabu tempē mmieke,
 ke còúténè Baadi kó yetòrè yèè bo kukó nhAdinω
 pεémme.

²⁹ Díndi Mōabu tenkè kōbe di bo yà
 di fetimu díndi dibōō Kemōasi kōbe
 di dapàmbè cokému
 kè bè pǐmú di sapùmbí ke kōnnè
 ke duó nhAmōriibε kpààti Sionni.

³⁰ Díndi Esibonni kōbe bè di tǎá ipie nyi,
 ke di bèti ke tùòkenè Dibonni
 kè di ekè dōúnko
 kétúóténè Dofaa kéntω kétuωkenè Medeba.

³¹ Kè Isidayεεribεε ta Amōriibε tenkè. ³² Kè Mōyiisii tō nke bεε paaté Yasεε èi kédeè kè bεε di do, kέbeti Amōriibε bεè dè bo nè sihekεsí sùù dè tóké si kōbe kέfietε bε ekè kékari. ³³ Bè kàri memme kékété kέwetínné Basāā èi bíékè. Kè Basāā kóo kpààti Okuu íténí nè o nìtibè ke bo do Isidayεεribε mudoò Etedèii

èì. ³⁴ Kè ti Yiè nKuyie nnáké Məyiisi ke dò: A bá nhò yǐ̀kù, n wè ndi duómumu kè di bo ò na wenwe nè o nìtìbè. Kàa ò dòò a dòòmè Aməriibe kpàtì Sionni Esibonni èì kou.

³⁵ Məm̀mè Isidayeeribe namè Ōku kóò kùò wenwe nè o bí nè o nìtìbè bá òmòù í nyenté bá òmàà kè bèe tieke be tenkè.

ISIDAYEERIBE BOME MƏABU TENKÈ

22

Badaki yumè Badammu kòò bo bənté kusĩnkù Isidayeeribe

¹ Kè Isidayeeribe ité deborè kébáté Məabu kó kubiriku kukó nSuditēē yáà kénwetí Sedikoo.

² Kè Məabu kóo kpàtì Sipəo biré Badakii yà Isidayeeribe dòò dè Aməriibe. ³ Kè kufəwáá mbè auté mediè wenwe nè o kəbe kè bèe yəte Isidayeeribe ke yé bè tumè kuwuo ndiekù nku. ⁴ Kòo tš nkè bèe náké Mandiyāā èì kó bekótìbè ke dò: Ditĩnni dii nyóó déútoomu dèè kó dimàà bo ti tenkè, fənààfè šš déútoomè memúpammè. Sipəo biré Badaki weè do tú okpàtì Məabu tenkè de m̀nni.

⁵ Məm̀me kè Badaki deite yetšrè kətš nho èì kótírì Petəo dìì bo kukó nhEfadati borè, kè yè bo náké Beəo biré Badammu ke dò: Kubotí makù kùù yènni Esibiti ke m̀nke pitírì ketenkè ke bəté die nh èì m̀nku ke n wetí. ⁶ De kó kubotí kpeñnìmu ke m pēēté, n da báammu kətení kè bè bənté kusĩnkù kè dè naati m bè na. N yému ke dò nkàa yĩ wèè yà meyei nhò šš mè yàmu. Kàa yĩ wèè yà mesàà nwèè mè yà. ⁷ Məabu èì kó bekótìbè nè Mandiyāā èì kəbe kè bèe kəte kəyà Badammu ke tənè ticuuti ke bo ò cu,

kétuakoo kòò nàké bè tɔ̀ tì timəu. ⁸ Kè Badammuu bè nàké ke d̀: Duónè, kè dè wenté n di nàké m beé nti Yiè nKuyie nkè kù n nàké tì. Mènme kè Məabu eì kó bekótíbèe yie nho cǐtè. ⁹ Kè Kuyie nkətení kèbeke Badammu ke d̀: Benitìbè òmbə bo a cǐtè? ¹⁰ Kè Badammuu kù tǝ́nè ke d̀: Sipəə bire Badaki Məabu eì kóo kpààtì weè bè tǝnní ke tú: ¹¹ Kubotí makù kuù yènní Esibiti ke mónke pitírí ketenkè, kòò tu kè m bo yie n kətoó ké bè bənté kusĩnkù kè dè bo yie nwèe bè na ké bè bèti. ¹² Kè Kuyie nhò nàké ke d̀: A báá kəte, a báá bè bənté kusĩnkù, mú bè d̀ò mēsàà.

¹³ Kè dèe wenté kè Badammuu bè nàké ke d̀: Kònnè di cie, ti Yiè nKuyie nyetemu ke tú m báá di neinè.

¹⁴ Kè Məabu eì kó bekótíbèe íté kékò kénáké Badaki ke d̀: Badammu yetemu ke tú ò báá ti neinní. ¹⁵ Kè Badakii yíe kətǝ nkutǝnkù dérĩnkù kè kù nsũnè kuketikù ke tú benitidiəbè ke pǝtè beketibè. ¹⁶ Kè bèe tuakoo Badammu borè kòò nàké ke d̀: Sipəə bire Badaki weè ti tǝnní ke tú ò ɗa báámmu a báá yete a bo kətoomè o borè. ¹⁷ Ó tu ò yóó da déúkùnnemu mediè nkédəò a ò nàké tìi kó dimàà, ò tu ò da báámmu a báá yete, á kətoó ké bè nhò bənté kusĩnkù.

¹⁸ Kè Badammuu bè tǝ́nè ke d̀: Bá kè Badaki n duó nho cǐtè kè timátì péitì tè piéké nè mēsəə nyí yóó na kédəò timatì kè tì ndeu yoo tì nkǝ́nni kəpetenè ti Yiè nKuyie n tũ nkù bo n nàké tì. ¹⁹ Di né yie ndie nkeyènkè kè n ya tì Yiè nKuyie nyóó yie ké n nàké tì.

²⁰ Kè Kuyie nkətení keyènkè Badammu borè kòò nàké ke d̀: Dè kó benitìbè me nkətenímè ke bo da yú, íté ké bè neinè. A né yó ndəəri n da náá ntì mǝà ndi.

21 Kè dèe wenté kè Badammuu bou o sãmmarímú de kàrì kénéinè Mɔabu èi kó bekótibè.

Sãmmarímú béinnèmè de yiè

22 Kè Badammuu keté kénneínè o kó betōmbè bèdébè, kè Kuyie mmieke ò yè mediè. Kè ti Yiè nKuyie nkó ditōnni ò dinté kécómmú kuce. 23 Kè sãmmarímú yà ti Yiè nKuyie ntōnni còmmúmè kuce ke pikú mesebii kè sãmmarímú dauté kéta depaa mmieke kè Badammuu de poté kè dèe bó nkuce. 24 Kè ti Yiè nKuyie ntōnni sós nkékote kécómmú fínyi kó detie nkó kupaku makù kuce pèũ de kè bè maá ke pèíné ku mpíkù nè kutekù.

25 Kè sãmmarímú yà ti Yiè nKuyie ntōnni kédauté kédínnénè kumarí kéhéũté Badammu naacètè kumarí kòo wēte ké de poté. 26 Kè ti Yiè nKuyie ntōnni sós nkékote kécómmú kuce pèũ de mefié nyí borè ke dò nkónté kubakù yóu bíékè yoo kucànku bíékè. 27 Kè sãmmarímú yà ti Yiè nKuyie ntōnni kéokoo, kè Badammu mieke yènni kòo de poté kupààti. 28 Kè ti Yiè nKuyie nduó nkè sãmmarímú na kébéi, nkébeké Badammu ke dà: N da càke ba kàa m puoti kuce metāammè? 29 Kè Badammu dà: A yete n yè mmù mmu deè te, kè n do ntò disiè nè yíe n do da kùòmu nè dimònni. 30 Kè sãmmarímú ò tēíné ke dà: N tú a sãmmarímú mmu kàa n dèkù sãã, n da dòò miè mbotí diyìe maràà? Kòò dà: Ɔò.

31 De mōnni ndi ti Yiè nKuyie nkpetémè Badammu nuò nkòo yà ku tōnni kè di còmmú kuce ke pikú mesebii nkòo do kénínkú kēsīnnóo ketenkè. 32 Kè ti Yiè nKuyie ntōnni ò beke ke dà: Ba nte kàa poté sãmmarímú ke tūòke kuce metāāti? Mii da dinté ke bo da péíté, ke yé a kérímè kuce yeiku

nku. ³³ Sāmmarímú n yàmu ke kònté kuce mètàāti kè mèè dake nè yíe n do da kùòmu kè sāmmarímú nfòù.

³⁴ Kè Badammuu náké ti Yiè nKuyie ntōnni ke dò: N cààrèmu n do í yé ke do nfòò n dinté kuce. Kè dè í da naati m bo kòtemè de kó kuce m bo wēte. ³⁵ Kè ti Yiè nKuyie ntōnni dò: Neinè be kè dí kote, a né yó nnáá nh ānné tì nti a nùù mieke.

Meṁṁe kè Badammuu neinè Badaki tōnni bèè kpààtìbè kè bèe kote.

Badaki comè Badammu

³⁶ Kè Badakii keè Badammu kèróomè kékéténí kòò co diheì bè tu dì Adi-Mòabu dìi tákénè kukó nhAdinò kùù tu be tenkè mànkú. ³⁷ Kòò beke Badammu ke dò: N tōnko benitìbè ke tú bè da yúní, dè yíme kàa í kàtení? Yáà a yèmmè do dò n yí yóó da déúkùnnemu? ³⁸ Kè Badammuu ò tēñné ke dò: Bá nè mme nkòtenímè m bo náké ònti nè mmáà? Kuyie nhānné tì n nùù n yóó ti nda náké.

³⁹ Meṁṁe Badammu neinèmmè Badaki kè bèe kò nKidiya-Usoo. ⁴⁰ Kè Badakii fié inààke nè ipe kèpāmmú imaa Badammu nè bekótìbè bèè do ò cíe.

Badammu pāmè Kuyie nkó mesàà nyIsidayεribe

⁴¹ Kè dèe wenté kè Badakii túóté Badammu kè bèe deke Bamōti-Baadi kó ditenni yetòrè borè, kòò na kèyà Isidayεribe kó dikée.

23

¹ Kè Badammuu duó nkè Badaki maá yewũòtòrè yèyiekè deborè, kéwaá nyenaadakè yèyiekè nè yepedakè yèyiekè. ² Kè Badakii dòò Badammu ò náké tì, kè bèe féuté bá dìi wũòtònni ñnkè dinaadaà nè dipedaà. ³ Kòò deè kè Badammuu náké Badaki

ke d̀̀: Ncóm̀m̀ú die nha wũ̃ a fié ì ke t̀̀o nyi borè. Kè n kenté k̀́yà ti Yiè nKuyie bo m béinnè t̀̀, kè n w̃eteni ke da náké k̀̀ yẽ mm̀. Ò me nyi k̀́deke ditã̀rì yómmè. ⁴ Kè Kuyie nk̃ateni o borè k̀̀o k̀̀ nàké ke d̀̀: M maá yewũ̃ã̀t̀̀rè yèyiekè ndi ke fèúté bá dìi ìnkè dinaadaà nè dipedaà ke t̀̀o.

⁵ Kè ti Yiè nKuyie nhò nàké tináant̀̀ ò bií yóó náké ti Badaki, k̀́deè k̀̀o nàké ke d̀̀: W̃ete kénáké Badaki ke d̀̀ muu. ⁶ Kè Badammuu w̃etoo Badaki borè o cómm̀ú d̀̀ o wũ̃ ò fié ì ke t̀̀o nyi borè, wenwe nè M̃abu kó bekótibè b̃em̃ou. ⁷ M̃em̃me Badammu d̃ent̃emè o onnifè ke d̀̀:

Badaki duó nkè bè n yuní Aramu tenkè
wenwe M̃abu kpààt̀̀ ò duó nkè bè n yuní
diyie yiení kèè bíékè kó yetã̀rè ìnkè,
Ò tu n k̃ateni k̀̀o b̃onté kus̃ink̀̀ nku Sak̃abu yaàbí,
ke tú nhò cààrè Isidaỹeribe.

⁸ N né bo ỹime k̀́b̃onté kus̃ink̀̀ Kuyie nyi b̃onté bè kus̃ink̀̀?
M bo ỹime kè m mĩeke peike ti Yiè nKuyie mmĩeke í peike bè?

⁹ N wúónnì Isidaỹeribe yetã̀rè ìnkè
m bè paaténì ditennì ìnkè nke
bè tu kubotí k̀̀u càá nk̀̀ nku
bè í w̃enné ibotí t̃ei.

¹⁰ We m̃bo na k̀́ bè k̀̀a?
B̃e yaàbí d̃onnè mubirím̀ú mmu.
We m̃bo na k̀́kaa nyIsidaỹeribe kó dikéè
kénáké bè mà̀mè?

N d́ k̀́w̃ennénè d̃e kó benitisà̀bè m̃be k̀́k̀ú.
N d́ n fòm̃mu mà̀nku nd̃onnè b̃e k̃̃mu k̀̀ku nku.

¹¹ Kè Badakii náké Badammu ke d̀̀: A n d̀̀ò ba? N da yuní k̀̀a bo k̃ateni k̀́b̃onté kus̃ink̀̀ n dootit̃abè, k̀̀a né bè duò mesà̀nàà? ¹² Kè Badammuu ò t̃ènné

ke dò: Ti Yiè nKuyie nhänné tì n nùù n dò nké tì mbéi.

Badammu yè ke pāmè Isidayεeribe Kuyie nkó mesàà

¹³ Kè Badaki dò: Kòtení kè ti kòte kupíkù tekù, kàa bè yà bεmòu, a do yà dikéè ndi, dεborè a bo bè yàmù bεmòu ké bè nni mbònté kusínkù.

¹⁴ Ó me nyí kóò kòtenè bèè paké dihei be kó dikarì Pisikaa tārì yómmè, kémaá yewũstàrè yèyiekè káféuté bá dìi wũstònni ìnkè dinaadaà nè dipedaà kétuò. ¹⁵ Kè Badammuu náké Badaki ke dò: Ncómú díe a fié ìi wũs borè kè n kòte cie nkéyà ti Yiè nKuyie nyó n náké tì.

¹⁶ Kè ti Yiè nKuyie nkòtení Badammu borè kéänné tináañtì ò nùù miεke ke dò: Wètoo kóò nàké ke dò muu. ¹⁷ Kè Badammu wètoo kénsá Badaki baá cómmú o wũs ò fié ì ke tũò nyi borè, wenwe nè Mòabu kó bekótíbè bεmòu. Kè Badakii ò beke dò: Ti Yiè nKuyie nda nàké ãnti?

¹⁸ Kè Badammuu deñtè fεyènfè ke dò:
Badaki íté kékeè.

Fí nSipòo bire kénté kékeè.

¹⁹ Kuyie nyí tú onitì ke bo souté,
kù me nyí do nhonitì dòmmè ke bo béi nkéceete,
kù ã ì nnàké tìmatì kè tì ì ntùòkení
kù béi ntì kù ã tì dòòmu.

²⁰ Kuyie nkuù n nàké ke tú m bè pā mesàà,
kè m me mbè pā, n yí yóó ceete.

²¹ Kù í yà Isidayεeribe cààrè mù
Kù í yà Sakòbu yaàbí kó meyei mmamè,
be Yiè nKuyie mbè bonèmu,
kè bè kù sántí yekpààtisã.

²² Kuyie nkuù bè dènnení Esibiti

ke bè duò mmupaaanààwērímú.

²³ Denitinònkperε báá na kédòò dèmarè Sakòbu yaàbí.

Tidiētì kperε báá kááké Isidayεeribε.

Dεè te kè bè ò mbenkú Isidayεeribε ke tú:

Nte Kuyie ndòò dè be kpéí.

²⁴ Dε kó kubotí òò ítéńí musĩmmù kōmε mme

bè còmmú dicìricìrì tēmè mme

kè bè í nìnte ke pĩ nke càáké

ke yà meyĩ mbè òò í nduó.

²⁵ Kè Badaki dò: Kàa í yóó bè bònté kusĩnkù a yóu a bo mbè pãammè mesàà.

²⁶ Kè Badammuu ò tēńné ke dò: N do í da nàké ke tú kè Kuyie nni nnàké tì, n dò nké ti nnákáà?

Badammu pãmè Isidayεeribε Kuyie nkó mesàà kucε metáámmè

²⁷ Kè Badaki dò: Kòtení kè tí kòte kupíkù tekù kè dè naati Kuyie nyie nkàa bè nni mbònté kusĩnkù.

²⁸ Kè Badakii tò Badammu kè bèε deke Peòò tãrì yómmè dìì sĩĩ ndikpáà. ²⁹ Kè Badammuu náké

Badaki ke dò: Maá die nyewũòtòrè yèyiekè kéféúté bá dìì wũòtònni ìnkè dinaadaà nè dipedaà. ³⁰ Kè

Badakii dòò Badammu ò nàké tì kéféúté bá dìì wũòtònni ìnkè dinaadaà nè dipedaà.

24

¹ Kè Badammuu banté tì Yiè nKuyie ndómè kápã Isidayεeribε mesàà nkéyóu ke ténke í nkòte ke bo wammú ò dò nkénáké tì kέwεεte dikpáà bíékè,

² kέwénté kέyà Isidayεeribε bàtémè ke kari be botí dò ndòmmè. Mεmme Kuyie nYáá ncùténímè o ìnkè.

³ Kòo deńtè feyènfi ke dò:

Mí mBeᵋᵋ birε Badammu m béimmu,
onìti wèè wùó ndisòrì kpeti mí búi.

⁴ Mí nwèè yo Kuyie ntammè
mí nwèè ãñ nínkú kébántè Kuyie nkè kùu kpeté n
nuᵋ,
mí nwèè yàu muwḗrímú mumᵋu yiè nkó
mebenkùmè
nte n tú mù:

⁵ Díndi bèè tu Isidayεeribe di karè wennimu,
Díndi Sakᵋbu yaᵋbí di ã tìi touti wennimu,

⁶ dè pité ikó nkᵋmε mme,
ke do nkupúú dòmmè kukó ntaké,
ke dònnè detekperè ti Yiè nKuyie nfíi ndè.

Ke sákénè sètìrì kó detie ndèè bo kukó ntaké.

⁷ Ke dò mmenie nhᵋñ píemmè kukó
kéyaaténí ketenkè kényòrì tidiiti.
Be kóo kpààti í wéi okpààti Akaki
be kó dikpààtiyuu kpénkúmu.

⁸ Kuyie mbè dènnení Esibiti ke bè duó
mmupaanààwḗrímú mmu
kè bè kòùti be dootitᵋbè
ke bè tãũ ipie.

⁹ Bè ã nhoke yεcìrìcìrè kᵋmε mme
ke duó musĩmmù kᵋmε.
We mbo dáátí ké bè íi?
Mesàà nní mbonè bèè bè dónè mesàà.
Bèè bè dónè meyi mme do be ñnkè.

¹⁰ Kè dèe yonke Badaki kòo poté o nòùtè ketenkè
kénáké Badammu ke dò: N do da yùní kàa bo
bè bonté kusĩnkù nku, kàa né bè pã mesàà nkuce
metããtaà? ¹¹ Di mmònni kò nha cie! N do tú m bo da
déúkùnnemu, a Yiè nKuyie mme ndè nda pàammu.

Badammu nàkémè Isidayεεriβε yóó namè be dootitabè

¹² Kè Badammu ò tɛ́nɛ́ kε dò: A do tɔ́nní benitibè kè n yí mbè nàkàá? ¹³ N do bè nàkémú kè n dò: Bá kè Badaki n duó ntimátì péítì nè mesoò ndèè piéké o cɛ́tè n yí yóó na kédòò tìmatì nè m máà, tisĩntì yoo tisààtì. Kuyie nni nnàké tì nti n yóó dòòmè. ¹⁴ N kũntimu yíe n kòβε borè n né yóó da nàkémú Isidayεεriβε yóó dòòmè a nitibè yewe yèè kpaaní ye miεke.

¹⁵ Mὲmε ò dèntèmè fεyènfè kε dò:
Mí mBeoò birε Badammu m béimmu,
mí nhonitì wèè wùó ndisòrì kpeti mí búi.

¹⁶ Mí nwèè yo Kuyie ntammè,
mí nwèè yé Kuyie nkùù baké kεĩnkè nè ketenkè kù
dó kédòò tì,
mí nwèè ã nínkú kébántè Kuyie nkè kùu kpeté n
nuo,
mí nwèè yàu muwèrímú mumou yiè nkó
mebenkùmè nte n tú mù:

¹⁷ N yàmú dèè kèríní dè né í yóó tuokení bàmbà
n dè wùónnìmu dè né mu nyí tùòke.

Okpààtì wèè yètìní Isidayεεriβε miεke,
tewàtè matè tèè yètìní Sakòbu yaàbí miεke,
kε yó mpuotì Mòabu kòβε tempàátì nè te pààtì
kε kãmmù Seti yaàbí yò.

¹⁸ Wèè yóó tieke Edòmmu εì,
wèè yóó fietε be dootitabè Seii εì kòβε εkè.
Isidayεεriβε wèrímú deumu.

¹⁹ Sakòbu yaàbire deè yóó baaté be dootitabè,
kékuò besòμβε bèè bo yenté kénkpaá dihei.

Badammu nàkémè bè yóó pòntemè Isidayeeribe dootitabè

²⁰ De kó difǎnkúò kè Badammuu yà Amadesiibe kédentè o onnifè ke dò: Amadesiibe bèè tu beketibè ibotí mièke ke né yóó dentenè bè bo bè pòntemè páíí.

²¹ Kòo yà Keniibe ke dò: Díndi Keniibe di bomu ke í yĩ̀kù di dònne tinariyĩ̀nti tìl sĩ̀kè ntinti tipètì mièke. ²² Nè memme muhǎ́ mmuù né yóó cóúté di kó dihei Kainni kè Asidii kǎbe di pĩmmú ke kònnè.

²³ Kòo sooté o onnifè ke dò: Kuyie mbo íté ke cómmú dìl mǎnnì we mbo nkpaá bo?

²⁴ Ketimmu itimu nè bàtòòbè ke bo fěũ Asuu eì kǎbe nè Ebèe eì kǎbe be mǎmmǎmbe bè me mmúnke í yóó cooté.

²⁵ De kó difǎnkúò kè Badammuu íté kékò, kè Badakii múnkèe keté o kó kuce.

25

Isidayeeribe yetemè Kuyie nke fié iwṹ yebakè

¹ Menìme kè Isidayeeribe mbo Sitimmu kéduó mbe máà mufòmmu yeimu kéndauti dautinè Mǎabu eì kó benitipòbè. ² Kè bèè nitipòbèe bè yṹ nkétanné mubǎ́fèu mièke kè bèe wěnné kédì tibǎ́diiti kéninku ke ye báá. ³ Kè Isidayeeribe fié iwṹ dibǎ́ Baadi-Peǎ, kè ti Yiè nKuyie mmiekee bè cóuté. ⁴ Kè kùu náké Mǎyiisi ke dò: Tǎní die nyIsidayeeribe kó bekótibè ké bè nùnné die n yìkè, kέwetinné diyie, kè dèe yie mmí ndi Yiè nKuyie nkè m mièkee do.

⁵ Kè Mɔ̀yisii náké Isidayeeribe kó bekótìbè ke d̀: Di mièke bá wè wèe kuɔ o kó benìtìbè bèè fié iwũḡ dibḡḡ Baadi-Peḡḡ.

⁶ Mè̀m̀me Mɔ̀yisii nè Isidayeeribe sɔ̀mbè kè bè r̀bo metaummè tou b̀r̀ǹǹù ke kuḡ. Bè nuḡ mmièke nke Isidayeeribe kóò m̀ù t̀ǹm̀è Mandiyã̀be kóo nitipòkù m̀ù. ⁷ Kè ikuḡ ǹùt̀i Pinasi Edeasaa bire, Anḡ kó deyàbiree íte Isidayeeribe cuokè kètúóté de kpãnni, ⁸ kóò tũnnḡ o touku mièke ké bè tã dikpãnni be p̀ùt̀i bedé kékuḡ. De m̀ǹǹi Kuyie ndo poté k̀ù yẽiku Isidayeeribe kè k̀ù cómmú. ⁹ Ke me nś mbenìtìbè kú sikɔ̀upí̀sìdè nè sikɔ̀upí̀sìndà (24000).

¹⁰ Mè̀m̀me kè ti Yiè nKuyie mbéinnè Mɔ̀yisii ke d̀: ¹¹ Ikuḡ ǹùt̀i Pinasi Edeasaa bire Anḡ yàbire bónk̀nnemu m mièke ke ý Isidayeeribe n d̀ḡ d̀ è yonkemè. Deè te kè n yí k̀ù Isidayeeribe ke bè dèè bá nè dè do me nni nyonkemè. ¹² Nè de kpéi nnáké we ke tú m bo è taunnè kè kunaatí mbo ti cuokè. ¹³ Wenwe nè o yàbí nè i kó iyàbíò bè bo ntú ikuḡ ǹùbè sã̀ ke ý bè n d̀ḡ d̀ è yonkemè, kòò tũnte t̀i do bo mí nnè Isidayeeribe ti cuokè.

¹⁴ Isidayeeribe do wẽnnénè be kou wè nè Mandiyã̀ kóo nitipòkù kékuḡ o yètìrì do tú Simudi Saduu kó debire, ò do tú Simmeḡḡ kó kunaàm̀nk̀ kóo kótì m̀ù nwe. ¹⁵ Kè Mandiyã̀be kóo nitipòkù wenwe yètìrì ntú Kosibi, kòo cice tú Mandiyã̀be kó kubotí kóo kótì kòo yètìrì tu Tisuu.

¹⁶ Kè ti Yiè nKuyie nnáké Mɔ̀yisii ke d̀: ¹⁷ Donè Mandiyã̀ èi k̀be mudoò ké bè k̀ù. ¹⁸ Ke ý bè do

di soutémè kè di fié iwũḡ dibḡḡ Baadi Peḡḡ tārì Ìnkè, kè ti Yiè nKuyie ndi poté, nè tìi do dḡḡ kè bèe kuḡ Mandiyāā èi kḡbe kóo kótì kḡḡ sapàà nKosibi.

26

Bè kàammè Isidayeeribe kuce medérímè

¹ Kè ti Yiè nKuyie nnáké Mḡyiisi nè ikuḡ nùtì Edeasaa Anḡḡ bire ke dḡ: ² Kaannè Isidayeeribe botì kumḡu be cēĩ dḡ ndḡmmè kékéténè bèè mḡke yebie nsípísidé kéndèètìnkḡ, bèè dḡ nkéna kékḡte mudḡḡ.

³⁻⁴ Mḡyiisi nè Edeasaa ikuḡ nùtì kè bèe dḡḡ ti Yiè nKuyie mbè nàké tì kékḡaa mbèè mḡke yebie nsípísidé kéntḡ ke deètìnkḡ. Bè do bè kàa mMḡabu biriku miéke nke kukḡ nSuditēē také, Sedikoo èi ìkè.

Nte Isidayeeribe bèè do yè Esibiti kó dihéi: ⁵⁻⁶ Sakḡbu bè do yu wè ke dḡ Isidayeerì, o kóo po Dubenni weè peíté Enḡki nè Paduu nè Etisidḡnni nè Kadimii. Kè Anḡkii pié Anḡkiibe. Kè Paduu pié Paduyiibe. Kè Etisidḡnni pié Etisidḡnniibe. Kè Kadimii pié Kadimiibe. ⁷ Dubenni kó tinaàmùntì nti memme kè bèe bè kàa nkè bè mbo sikḡupípsínàà nè sikḡupísitàāti nè sikḡusiyiekè nè sipísitàāti (43730).

⁸ Paduu bire marè do tú Ediabu. ⁹ Kè Ediabu kó ibí ntú Nemmuyyedi nè Datanni nè Abidammu. Datanni nè Abidammu beè do niité Kodee kó kutḡnkḡ kḡbe bèè do yete be Yiè nKuyie nè Mḡyiisi nè Anḡḡ be kpeti. ¹⁰ Kè ketenkèe aate kè bè maánko, bembè nè Kodee, kè muhāā ncóúté benìtibè sikḡusidé nè sipísìnùmmù (250), kè dè bo ndḡ ndibenkèrì. ¹¹ Kè Kodee kó ibí ì nkpaá, inyi do í ku de yiè.

12-13 Nte Simmeãṣ naàmùnkù, weè do peité Yemmuyeedi nè Yaminni nè Yakinni nè Sedaa nè Saudi. Kòo bire Yemmuyeedii pié Yemmuyeediibe, kè Yaminnii pié Yaminniibe, kè Yakinnii pié Yakinniibe, kè Sedaa pié Sedaabe, kè Saudii pié Saudiibe. ¹⁴ Simmeãṣ kó tinaàmùnti nti memme kè bèe bè kàa nkè bè mbo sikòupípisidé nè sikòupísidé nè sikòusidé (22200).

15-17 Nte Kadi kó kunaàmùnkù, weè do peité Sefonni nè Akii nè Suni nè Osini nè Edi nè Adodi nè Adedii. Kòo bire Sefonni pié Sefonniibe, kè Akii pié Akiibe, kè Sunni pié Suniibe kè Osini pié Osiniibe, kè Edii pié Ediibe, kè Adodii pié Adodiibe. Kè Adedii pié Adediibe. ¹⁸ Kadi kó tinaàmùnti nti memme kè bèe bè kàa nkè bè mbo sikòupípisinàà nè sikòusinùmmù (40500).

¹⁹ Sudaa weè do peité Ee nè Onanni kè bèe kú Kannahā kó dihei. ²⁰ Kòo yíe képeité Sedaa nè Pedeesi nè Seeda. Kè Sedaa pié Sedaabe, kè Pedeesii pié Pedeesiibe, kè Seeda pié Seedaabe. ²¹ Pedeesi weè do yíe képeité Etisidonni nè Amudi. Kè Etisidonni pié Etisidonniibe, kè Amudii pié Amudiibe. ²² Sudaa kó tinaàmùnti nti memme, kè bèe bè kàa nkè bè mbo sikòupípisiyekè nè sikòupísiikuò nè sikòusinùmmù (76500).

23-24 Isakaa weè do peité Toda nè Puwa nè Yasubu nè Simmudonni. Kè Toda pié Todaabe kè Puwa pié Puwaabe, kè Yasubuu pié Yasubuube, kè Simmudonni pié Simmudonniibe. ²⁵ Isakaa kó tinaàmùnti nti memme, kè bèe bè kàa nkè bè

mbo sikòupísisikuò nè sikòupísìnàà nè sikòusitàāti (64300).

²⁶ Sabunᵋᵋ weè do peité Sededi nè Edonni nè Yadεedi. Kè Sededi pié Sedediibe, kè Edonni pié Edonniibe, kè Yadεedi pié Yadεediibe. ²⁷ Sabunᵋᵋ kó tinaàmùnti nti memme, kè bèe bè kàa nkè bè mbo sikòupísisikuò nè sikòusinùmmù (60500).

²⁸ Sosefu weè do peité Manansee nè Efadaimmu. ²⁹ Kè Manansee peité Makiidi, kè Makidii pié Makidiibe ke yíe kèpeité Kadaadi kòo pié Kadaadiibe, ³⁰ kényíe kèpeité Yesee nè Edeki. Kè Yesee pié Yeseebe, kè Edeki pié Edekiibe. ³¹ Asidiyεedi weè pié Asidiyεedibe, kè Sisemmu pié Sisemmube, ³² Kè Semidaa pié Semidaabe, kè Efee pié Efeebe. ³³ Efee bire Sedofadi í mpeité initidabí kèpié initipobí máà. Nte i yètè: Mada nè Nᵋa nè Okuda nè Midika nè Tidisaa. ³⁴ Manansee kó tinaàmùnti nti memme kè bèe bè kàa nkè bè mbo sikòupísisìnùmmù nè sikòupísidè nè sikòusiyiekè (52700).

³⁵ Kè Efadaimmu peité Sutedaa nè Bekεε nè Taanni. Kè Sutedaa pié Sutedaabe, kè Bekεε pié Bekεεbe, kè Taannii pié Taanniibe, ³⁶ Kè Sutedaa yíe kèpeité Edanni kòo pié Edanniibe. ³⁷ Efadaimmu kó tinaàmùnti nti memme kè bèe bè kàa nkè bè mbo sikòupísisitàāti nè sikòupísidè nè sikòusinùmmù (32500). Sosefu bí kó tinaàmùnti nti memme.

³⁸⁻³⁹ Kè Bensamεε peité Bedaa nè Asebeedi nè Ayidammu nè Sufammu nè Ufammu. Kè Bedaa pié Bedaabe, kè Asebeedi pié Asebeediibe, kè Ayidammuu pié Ayidammube, kè Sufammuu

pié Sufammuube, kè Ufammu pié Ufammuube.
⁴⁰ Kè Bedaa yíe kèpeité Adidi nè Namanni. Kè Adidi pié Adidiibe, kè Namanni pié Namanniibe.
⁴¹ Bensamee kó tinaàmùnti nti memme, kè bée bè kàa nkè bè mbo sikoupiísìnàà nè sikoupiísìnùmmù nè sikousikuò (45600).

⁴²⁻⁴³ Danni kó kunaàmùnkù do bo kùmàà ndi, kuù do tú Suamiibe Suammuu kó ibí, kè bée bè kàa nkè bè mbo sikoupiísikuò nè sikoupiísìnàà nè sikousìnàà (64400).

⁴⁴ Kè Asee peité Imuna nè Isefi nè Bediya. Kè Imuna pié Imunaabe, kè Isifi pié Isifiibe, kè Bediyaa pié Bediyaabe. ⁴⁵ Kè Bediyaa yíe kèpeité Ebee nè Madikiyeedi. Kè Ebee pié Ebeebe, kè Madikiyeedi pié Madikiyeedibe. ⁴⁶ Kè Asee peité denitipobire kè dè yu ke dò: Sedaki. ⁴⁷ Asee kó tinaàmùnti nti memme kè bée bè kàa nkè bè mbo sikoupiísìnùmmù nè sikoupiísitàti nè sikousìnàà (53400).

⁴⁸⁻⁴⁹ Kè Nefutadii peité Yaseyeedi nè Kunni nè Yesee nè Sidemmu. Kè Yaseyeedi pié Yaseyeedibe, kè Kunni pié Kunniibe, kè Yesee pié Yeseebe, kè Sidemmu pié Sidemmuube. ⁵⁰ Nefutadii kó tinaàmùnti nti memme kè bée bè kàa nkè bè mbo sikoupiísìnàà nè sikoupiísìnùmmù nè sikousìnàà (45400).

⁵¹ Isidayeeribe bemou kè bée bè kàa nkè bè mbo sikoupiíkousikuò nè tekoupiíte nè sikousiyiekè nè sipisitàti (601730).

Kuyie mbè nakémè bè bo totímè ketenkè

52 Kè ti Yiè nKuyie nsɔɔté kébéinnè Mɔyiisi ke dò:
 53 Tii naàmùnti nti di yóó totímè ketenkè kéntū mbè sū ke dò ndòmmè. 54 Kè bèè kó kunaàmùnkù deυ be kó ketenkè ndeu, kè bèè kɔku kɛ́n̄ni be kɔke nkɛ́n̄ni, di bè totí bá wè o naàmùnkù màmmè. 55 Di yóó tǎǎ tété nwe kététi de kó ketenkè, di ní yóó duó mbá wè o kó ketenkè dí kaa n̄ho naàmùnkù miεke benitibè kè bè màmmè mmε. 56 Tété weè ní yóó benke di yóó duó nkùù naàmùnkù deυ ketenkè kè kè mmamè, kédúú nkùù kɛ́n̄ni kè kè mmamè.

Bè kàammè Defii kó kuwuɔ nkɔbe mēdérímè

57 Kè bèè kaa nDefii kó kuwuɔ, nte bè do kù kaa nkè kù ndò ndòmmè. Kè Kerisonni kó kunaàmùnkù ntú Kerisonniibe, kè Keati kɔku ntú Keatiibe, kè Medadi kɔku ntú Medadiibe. 58 Defii kó tinaàmùnti teti do tú: Dibiniibe nè Ebedoniibe nè Madiibe nè Musiibe nè Kodeyiibe. Keati weè do peité Amudamu. 59 Kè Amudamuu puoke Defii botí kóo sapàà mməù, kóo yètìrì tu Yokebeti bè do peité wè Esibiti kòò ò peiténè Anɔɔ nè Mɔyiisi nè be tǎǎ Midiyammu. 60 Kè Anɔɔ peité Nadabu nè Abiu nè Edeasaa nè Idamaa. 61 Nadabu nè Abiu kè bèè tùò nti Yiè nKuyie nti húúnti nè muhǎǎ nsóntíke kōmu kékú. 62 Kè bèè kaa mbenitidaabè kétúóté ibí ìi màke otǎnkù òmǎá kéntɔ ke deètinko kè bè r̄bo sikɔupípisidé nè sikɔupísitǎǎti (23000). Bè do í bè wēnnénè Isidayεeribe sɔmbe kékaa, nke yé bè do í mɔkemè ketenkè Isidayεeribe miεke. 63 Mɔyiisi nè ikuó niùti Edeasaa kè bèè bè kaa Mɔabu biriku Suditē kó ntaké Sedikoo εi ùkè. 64 Mɔyiisi nè ikuó niùti Anɔɔ bè do kaa mbè Sinaii kó dikpǎà miεke be kòò məù ténke do í kpaá. 65 Ti Yiè nKuyie nkuù do béi nke dò: Bεmɔu bè bo kú dikpǎà miεke, kè

bè mènke kú bá òmòù í nsùò mbá òmàà, kè dè í tú Yefundee birε Kadεbu nè Nunni birε Sosuwee.

27

Benitipòbè dò nkénte dè

¹ Sosεfu birε Manansee kó kunaàmùnkù kou mòù bè tu wè Makiidi, wèè do peité Kadaadi kòo me ntó peité Efεε kè Efεε peité Sedofadi kòo pié besapàmbè mää bèè yètè tu: Mada nè Nòα nè Okuda nè Midika nè Tidisaa. ² Kè bèè kàte káyà Mòyiisi nè ikuó nùtì Edeasaa nè Isidayεεribε kó bekótìbè nè Isidayεεribε βεmòu metaummè tou borè, ké bè nàké ke dò: ³ Ti cice ku dikpàà miεke nke, ò me ndo í kàké Kodee kó kutònkù miεke bèè do yete ti Yiè nKuyie nkpeti. Ò ku omää kó meyei nkó mukũũ mmu ò me nyí màke denitidabirε. ⁴ Ti cice yètìrì bo kpánné o tebií naàmùnkù miεke ò í màke mèè kpéi nhonitidòùà? Dí ti duó nti kó ketenkè ti cice tebií kàke borè.

⁵ Kè Mòyiisii beé nKuyie, ⁶ Kè kùu ò tēíné ke dò: ⁷ Sedofadi kó besapàmbè naatimu duó mbe be kó ketenkè, be cice tebií kàke borè, beè yó nte be cice kó ketenkè. ⁸ Kàa nàké Isidayεεribε ke tú: Kòo nìtì ní ku ke í màke denitidabirε, kòò màke denitipobirε deè yóó tieke o kperε. ⁹ Kòò me nyí màke denitipobirε o tebií tieke o kperε. ¹⁰ Kòò í màke o tebií o cice kó sitebií tieke o kperε. ¹¹ Kòo cice me nyí màke o tebií o naàmùnkù kou wèè ò tákénè wèè dè tieke. Isidayεεribε kperε bè màke de kó ikuó yó nni nyi, ti Yiè nKuyie ndo me nnàké Mòyiisi.

Sosuwee cəutémè Mòyiisi mutōmmú

¹² Kè ti Yiè nKuyie nsòoté kénáké Mòyiisi ke dò: Deke ditāri Abadimmu ïnkè, ke wénté káyà dihei n

duó ndì Isidayεεriβε. ¹³ Kàa di yà κε δέε a kũnti a yembè borè ndε, a kóo kótì Anᵉᵉ kᵉmε. ¹⁴ Κε yé di do í yiemμέ κε tũnne n nùù Sinni kó dikpàà miεke. Isidayεεriβε do tùùτε διì mᵉnnì ké nni nkprannè, kè di ndò nke bè duó mmεniε nkè bèε yà n cáámmè κε kpeñnì, di με nyí mè dᵉᵉ.

Kù do buà dikpànnì kó mεniε mme bè do bo διì mᵉnnì Kadεεsi Sinni kó dikpàà miεke.

¹⁵ Kè Mᵉyiisii náké ti Yiè nKuyie nke dᵉ: ¹⁶ Ti Yiè nKuyie nfᵉ nwèè duò ndεnennè demᵉu mufᵉmmu, tāāté onìtì wèè yó mbaké a nìtìbè. ¹⁷ Onìtì wèè yó mbè ni demᵉu miεke, wèè ní yóó bè dεnne ké bè tanné, kè dεε yie nkè Isidayεεriβεε bá ndò ntipièti tìi kra ocēnti.

¹⁸ Kè ti Yiè Kuyie nnàké Mᵉyiisi κε dᵉ: Túóté Nunnì birε Sosuwee, n kó Muyaá mbonè wè, kóò nᵉᵉ nsinᵉu. ¹⁹ Kóò benke ikuó nìùtì Edeasaa nè Isidayεεriβε βεmᵉu kᵉᵉ da cᵉuté mutᵉmmú. ²⁰ Kàa ò yàate a kó muwērimú kè dεε yie nkè Isidayεεriβε βεmᵉu nyíé nho kpeti. ²¹ Wenwe o mᵉmmuᵉ ò ní yóó kᵉte ikuó nìùtì Edeasaa borè ndε kᵉᵉ m beé nnè ikuó nenti bè tu tì udimmu. Sosuwee o mᵉmmuᵉ nnè Isidayεεriβε sᵉmbe bè ní yó ntũ nweè kó dinùù. Kòò yī: Yēnnè! Bèε yè. Kòò yī: Tannè! Bèε ta.

²² Kè Mᵉyiisii dᵉᵉ ti Yiè nKuyie nhò nàké tì kékᵉtenè Sosuwee ikuó nìùtì Edeasaa borè Isidayεεriβε βεmᵉu borè. ²³ Kóò nᵉᵉ nsinᵉu, kóò duó mmutᵉmmú ti Yiè nKuyie ndo ò nàké κε yé ndè ndᵉmmè.

28

Kuyie mbè nàkémè bè bo nkù feumè iwũᵉ

DÈÈNNÌ: Bè bo nkù feu ì yewe yemou

¹ Kè ti Yiè nKuyie mbéinnè Mòyiisi ke dò: ² Náké Isidayεεriβε ke tú n yē nkè dè ní tũðke bè bo n fíé dè iwũð kētuð bè ndakε ke ì nni nfíé kētuð dipānni ndi dìi kó kufõõku n naati.

³ Bá dìi yiè bè ní n féuté dipedabii dìi màke dibenni òimáà ke kpa kuyènkù. Bá dìi yiè yèdèè.

⁴ Di ní n féuté dipedapànni òimáà dikũnweñni, didéri kuyuoku dihuri. ⁵ Kè dí di wènnénè muyuo nsààmù cidòò bètããti ké mu kòorenè mekàsààmè dítiri omáà nè dikéè kéãntε. ⁶ Di yó nyi nni nfeumu di do ì nni nfeumè Sinaii tãri nè òimònni ke tuò, dipānni ndi dìi kó kufõõku n naati. ⁷ Dikũnweñni kó dipedapànni ní yó nneínè menaà mme dítiri nè dikéè. Metaummè tou mieke nke di ní yóó me nni ncóúmmè. ⁸ Di ní féuté dipedapànni teri kuyuoku dihuri, ke yíénè yepãrè di baa do m pãã nyè dikũnweñni kó dipedapànni ìnkè, ke di nni ntuo, dipānni ndi dìi kó kufõõku n naati.

DÈÈNNÌ: Bè bo nfeu ì teomputè yiè

⁹ Teomputè yiè di ní n féuté yepedabe yèdèè, yèè màke dibenni òimáà òimáà ke kpa kuyènkù, kéyíénè muyuo nsààmù cidòò bèkuð, ke mù àntenè mekàsààmè, ke yíénè menaà. ¹⁰ Bá tèè omputè yiè di ní yóó yíemu de kó iwũð di do n feu ì yewe yemou ì ìnkè nè de kó menaà.

TÃÃTI: Bè bo nfeu ì otànkù yiè ketiri

¹¹ Otànkù yiè ketiri di ní n féuté yenaadakè yèdèè kētuð, nnè dipedaà òimáà nè yepedapàà yèyiekè yèè màke dibenni òimáà òimáà ke kpa kuyènkù.

¹² Ke ní pãnè bá fèè òfè ìnkè muyuo nsààmù mùù

àntennè mekùò, ncìdòò bèwei bá dìi naadaà ìnkè, cìdòò bèkuò bá dìi pedaà ìnkè. ¹³ Cìdòò bètããti bètããti bá dìi pedapànni ìnkè, kè dí dè tùò, yepārè nye yèè kó kufõõku n naati. ¹⁴ Menaà ndítiri bètããti bètããti bá dìi naadaà ìnkè, dítiri bèdé bá dìi pedaà ìnkè, dítiri òmáà òmáà nè dikéè bá dìi pedapànni ìnkè. Bá wèè tãnkù kó diyìè ketiri di ní yó n fié ì wũõ nyi nè de kó yepārè. ¹⁵ Di ní n féuté dibòdaà òmáà meyei ncíémme kpéí, kémbúútí di n feu ì wũõ ke tuò nyewe yemou nè de kó menaà di m pã mmè.

NÁÀ: Bè bo nfeu ì diyentébanni yìè

¹⁶ Dibenni tãnkù ketiwè diyìè epíítè nè dinaanni di ní baá ndiyentébanni kédéúkunne mí ndi Yiè nKuyie n yètiri. ¹⁷ Diyìè epíítè nè dinummuri yìè ndi, dibanni yóó ketémè kè di ncaá mpéè wèè í kòrenè mutie mùu muuti ke dò yewe yèyiekè. ¹⁸ Dibanni ketírí dìi yìè di tíi nkésãnte mí ndi Yiè nKuyie di báá pĩ mmutõmmú mamù de yìè. ¹⁹ De yìè di ní n féuté i nwũõ kétuo: Yenaadakè yèdéè, dipedaà òmáà yepedapàà nyèyiekè yèè mðke dibenni òmáà òmáà ke kpa kuyènkù. ²⁰ Di ní pãnè bá fèè òfè yuu ìnkè muyuo nsàmù mùu àntenè mekùò ncìdòò bèwei bá dìi naadaà ìnkè, cìdòò bèkuò bá dìi pedaà ìnkè, ²¹ cìdòò bètããti bètããti bá dìi pedapànni ìnkè. ²² Kè di n féuté dibòdaà meyei ncíémme kpéí, kè bè di dòò meyei ncíémme kó ikuó. ²³ Di ní yó n fié ì wũõ nyi kémbúútí di n feu ì nyewe yemou ke tuò. ²⁴ Di yó mme nhõ nke dò yewe yèyiekè, mudii mmu di ní yó m pã mù kétuo, mùu kó kufõõku n naati. De kó dipãnni càãnnè mu di n

feu ì yewe γεμου κε tuò nnè δε κό μεναά. ²⁵ Diyìè yiénnì yìè dì tíí nkésānte mí ndi Yiè nKuyie, di báá pĩ mmutōmmú mamù δε yìè.

NŪMMŪ: Bè bo nfeu ì dididèìbanni yìè

²⁶ Dididèìbanni yìè, di yó m pā dī yìè tidipàntì, δε yìè dì tíí nké n sānte, di báá pĩ mmutōmmú mamù. ²⁷ Δε yìè di n féuté γεnaadakè yèdéè nè dipedaà nè γεpedapàà nyèyiekè yèè mòκε dibenni òimáà òimáà ké δè tùò, òipānnì ndi dīí kó kufōōku n naati. ²⁸ Kè di waá mbá fèè òfè yuu ìnkè muyuo nsààmù mùù àntenè mekùò ncìdòò bèwei bá dīi naadaà ìnkè, cìdòò bèkuò bá dīi pedaà ìnkè. ²⁹ Cìdòò bètāāti bètāāti bá dīi pedapànnì ìnkè. ³⁰ Kè di kuənè dibòdaà kè bè di dōò meyei ncíémme kó ikuó. ³¹ Di yó n fíé ì wūō nyi κε né mbúútì di ò n fíé ì nè tidiiti kó γεpārè. Δε κό iwūō yó ntú ì kpa ìnyi kuyènkù kényíénè δε κό μεναά.

29

KUO: Bè bo nfeu ì disānni kó dibanni yìè

¹ Dibenni tǎnkù yíénwè kó diyìè ketirì di níí tíí nké n sānte δε yìè, di báá pĩ mmutōmmú mamù. Disānni kó dibanni ndi. ² Δε yìè di n féuté òinaadaà nè dipedaà nè γεpedapàà nyèyiekè yèè mòκε dibenni òimáà òimáà κε kpa kuyènkù, ké δè tùò. ³ Di waá mbá fèè òfè kpéi muyuo nsààmù mùù àntenè mekùò ncìdòò bèwei òinaadaà ìnkè, cìdòò bèkuò dipedaà ìnkè. ⁴ Cìdòò bètāāti bètāāti bá dīi pedapànnì ìnkè. ⁵ Kè dí kuənè dibòdaà òimáà meyei ncíémme kpéi, kè bè di dōò meyei ncíémme kó ikuó. ⁶ Δε κό iwūō cáānnèmu di n feu ì yewe γεμου κε

tuò nnè di m pãã mmùù dii nè de kó menaà. De kó dipãnni ní yó ntú di tuò ndi ndi dii kó kufɔ̄ɔku n naati.

YIEKE: Bè bo nfeu ì meyei nhūtímù kó diyìè dièrì

⁷ Dibenni tãnkù yiénwè kó diyìè pínni yìè di ní tíí nkéboú dinùù ké n sãnte. Di báá pĩ mmutãmmú mamù. ⁸ De yìè di n féúté dinaadaà nè dipedaà nè yepedapàà nyèyiekè yèè m̀̀ke dibenni òmáà òmáà, ke kpa kuyènkù ké yè nni ntuo. Dipãnni ndi dii kó kufɔ̄ɔku n naati. ⁹ Dí waá mmuyuo nsààmù mùù àntenè mekùò ncidòò bèwèi dinaadaà ìnkè, cidòò bèkuò dipedaà ìnkè, ¹⁰ cidòò bètããti bètããti bá dii pedapànni ìnkè, ¹¹ kékuonè dibòdaà òmáà meyei nhūtímù kpéi ké bè di d̀̀ò de kó ikuó, ke né mbúúti di n féúté di meyei nhūtímù kó diyìè dièrì nè di n feu ì yewe yemou ke tuò nnè de kó mudii nè de kó menaà.

NNI: Bè bo nfeu ì titouti kó dibanni yìè

¹² Otãnkù yiénwè kó diyìè tepíitè nè dinummurì, di níí tíí nké n sãnte, di báá pĩ mmutãmmú mamù. Di yó mbaà mmí ndi Yiè nKuyie n kó dibanni ndi ke d̀̀ò yewe yèyiekè. ¹³ Diyìè ketiri ké n féúté yenaadakè tepíitè nè yètããti kétuo nnè yepedakè yèdèè nè yepedapàà ntepiitè nè yènàà yèè m̀̀ke dibenni òmáà òmáà ke kpa kuyènkù. Dipãnni ndi dii kó kufɔ̄ɔku n naati. ¹⁴ Kè di waá mmuyuo mmùù àntenè mekùò ncidòò bèwèi, bá dii naadapànni ìnkè. Cidòò bèkuò bá dii pedaa ìnkè. ¹⁵ Cidòò bètããti bètããti bá dii pedapànni ìnkè. ¹⁶ Kè di kuonè dibòdaà òmáà meyei ncíém̀̀mè kpéi, kémbúúti di n feu ì yewe yemou ke tuò nè de kó menaà.

17 Diyiè déri yiè dí n féuté yenaadapàà ntepiítè nè yèdéè nè yepedakè nyèdéè nè yepedapàà ntepiítè nè yènàà yèè mòke dibenni òmáà òmáà ke kpa kuyènkù. 18 Dí nóónnè tidiiti di òò nóó nkè ti mmamè bá fèè òfè ònkè, kéndònnè di mòkemè de kó memantímè. 19 Dí kuònè dibòdaà meyi ncíèmmè kpéí, kémbúútí di n feu ò yewe yemou kétuò nnè de kó tidiiti nè menaà.

20 Diyiè táánni yiè kè dí n féuté yenaadakè tpepiítè nè òmáà nè yepedakè yèdéè nè yepedapàà ntepiítè nè yènàà yèè mòke dibenni òmáà òmáà ke kpa kuyènkù. 21 Dí yíénè tidiiti nè de kó menaà, kè de mmànnè yenaadakè nè yepedapàà ndè màmè, kéndònnè di mòkemè de kó memantímè. 22 Dí di kuònè dibòdaà meyi ncíèmmè kpéí, kémbúútí di n feu ò yewe yemou ke tuò nnè de kó tidiiti nè de kó menaà.

23 Diyiè naanni yiè dí n féuté yenaadakè tpepiítè nè yepedakè yèdéè, nè yepedapàà ntepiítè nè yènàà yèè mòke dibenni òmáà òmáà ke kpa kuyènkù. 24 Kè dí wáánnè tidiiti nè menaà kè de mmànnè iwũò mamè, kéndònnè di mòkemè de kó memantímè. 25 Kè dí kuò dibòdaà meyi ncíèmmè kpéí, kémbúútí di n feu ò yewe yemou ke tuò nnè de kó tidiiti nè de kó menaà.

26 Diyiè nummuri yiè dí n feuté yenaadakè yèwèi, yepedakè yèdéè nè yepedapàà ntepiítè nè yènàà yèè mòke dibenni òmáà òmáà ke kpa kuyènkù. 27 Kè dí yíénè tidiiti nè menaà kè de mmanè yenaadakè nè yepedakè nè yepedapàà ndè màmè, kéndònnè di mòkemè de kó memantímè. 28 Kè di kuònè dibòdaà meyi ncíèmmè kpéí, kémbúútí di n feu ò yewe yemou ke tuò nnè de kó tidiiti nè de kó menaà.

29 Diyiè kuónni yiè kè dí n feuté yenaadakè yèni,

nàké tì timòu.

Ikuó ù tukúnè a bo cannemè Kuyie ndinùù

² Mèmmè kè Mòyiisi béinnè Isidayeeribe botí kó bekótíbè ké bè nàké ke dò: Ntenè ti Yiè nKuyie mbéi ntì.

³ Kù tu kòo mòu kù cànnenè dinùù ke pàrikè ke yu ku yètìrì ke yě nhò yóó kù dòò mè, ò báá yóu ò bo mè dòò mè. Ò dò nké mè dòòmu memòu.

⁴ Kè dè dò nhosapàà mmòu kraá ã nè o cice ke cànnenè ti Yiè nKuyie ndinùù ke yě nhò yóó kù dòò mè, ⁵ kòo cice kèè ò cànnenèmè ti Yiè nKuyie ndinùù ke pàrikè. Kòo cice í ò nàké tìmatì ò dò nké mè dòòmu memòu ò yě nhò yóó dòò mè. ⁶ Kè dè me ndò nho cice ti kèè dìi yìè kòò tì yete ò ténke báá dòò ò kù cànnenè dinùù ke pàrikè ke yě nhò yóó dòò mè, ti Yiè nKuyie nyóó ò cǐémmu ke yé o cice weè yetemè.

⁷ Kè dè me ndò nhosapàà mmòu yenke, kòo nùù ò fiténè kòò cànnenè ti Yiè nKuyie ndinùù ke pàrikè ke yunè ku yètìrì, ⁸ kòo dòu tì kèè dìi yìè ke í béi ntìmatì, de kó dinùù kraá cammumu, kòò dò nkédòò ò pàrikè ke yě nhò yóó dòò mè. ⁹ Kè dè me ndò nho dòu tì kèè dìi yìè kòò tì yete, o nùù do ò fiténè kòò kù cànnenè dinùù képarikè ke yě nhò yóó dòò mè, de kó dinùù ténke í yóó nhò pǐ, ti Yiè nKuyie nhò cǐémmu.

¹⁰ Kè dè me ntu okúpokù nwe yoo wèè yenke kòo dòu ò yete, kòò cànnenè ti Yiè nKuyie ndinùù ò dò nké dì dòòmu.

¹¹ Kè dè me ntú o dòu cǐètè nte ò cànnenèmè dinùù ti Yiè nKuyie nke pàrikè, ¹² kòo dòu tì kèè ke í ò béinnè tìmatì ò me nyí yete ò dò nkédòòmu ò kù cànnenè dìi nùù nè ò pàrikè ke yě nhò yóó dòò tì,

bá kè tì tu tì. ¹³ Kè dè me ndò nho dɔ̀ù tì kèè d̀ìi yìè kòò tì yete ke pàa nde kó dinùù nè ò pàrikè ke yē nhò yóó dɔ̀ò mè, mè pàamu kè ti Yiè nKuyie nhò cīē. ¹⁴ Onitipòkù cànnenè yèè nò Kuyie nyemou nè ò pàrikè ke béi nke yē nhò yóó fěũ mmèè botí omáá, o dɔ̀ù bo na ke tì pàa. ¹⁵ Kè dè me ndò nho dɔ̀ù tì kèè ke cīéké ke í ò béinnè tìmatì, kè dè wenté ò yiemmu ò cànnenè tì ti Yiè nKuyie nyèè nò yemou, nè ò pàrikè ke béi ntì timou, ke yé ò tì kèè d̀ìi yìè ò í ò nàkémè tìmatì. ¹⁶ Kòò dɔ̀ù me nyóu kè dè wenté kòò né ti pàa, weè yóó tɔ̀ o pokù kó mecaàrimè kó tiyeti.

¹⁷ Ikuú ti Yiè nKuyie nduó nyìnyi Mɔ̀yiisi dèè tukúnè onitipòkù wèè yenke nè osapàà nwèè kpaá ã o cice cīètè.

31

Bè dokénèmè Mandiyāābe

¹ Kè ti Yiè nKuyie nnáké Mɔ̀yiisi ke dò: ² Dokénè Mandiyāābe képeite bè dɔ̀ò mèè yei nyIsidayeeribe. Kàa dèè a kũnti a yembè borè nde.

³ Memme kè Mɔ̀yiisii náké Isidayeeribe ke dò: Bèmbèè báátí di mieke kékote kèdo Mandiyāābe mudoò képeite ti Yiè nKuyie nkó dipèi. ⁴ Di tāāté Isidayeeribe wuɔ mmieke bá kù benitibè tekoupiítè píítè (1000) kè bèè kote mudoò.

⁵⁻⁶ Kè bèè deite Isidayeeribe wuɔ mmieke bá kù tekoupiítè píítè kè bèè wènné bemou behāāpòmbè tekoupiíítè nè sikoupiísidé (12000) kè Mɔ̀yiisi duó nkè bèè kote mudoò kòò bè neinnè Edeasaa bire Pinasi ikuú niùtì, kòò ntɔ̀ ikuú nentì nè sikpàriheú.

⁷ Kè bèè do Mandiyāābe mudoò ti Yiè nKuyie ndo tì nàké Mɔ̀yiisi ke yē ndè ndòmmè, kékua

benitidaabè bemou, ⁸ kékuonè Mandiyããbe kó bekrààtìbè benùmmù, Efi nè Dekemmu nè Tisuu nè Uuri nè Debaa ke féúténè Beo bire Badammu, ⁹ kérémmú be pobè nè be bí kékònnè, kérémmú be wũõ imou kéhéi be kperere demou, ¹⁰ kécóu mbe ekè nè be ããpònkare, ¹¹ kééínè be kperere bè yà dè demou nè benitìbè nè iwũõ, ¹² ké dè tóní demou be ããpònkari Mòyiisi nè Edeasaa ikuó nùtì nè Isidayeeribe sãmbe borè Mõabu biriku, kukó nSuditẽẽ borè Sedikoo èi ìkè.

¹³ Mòyiisi nè ikuó nùtì Edeasaa nè Isidayeeribe kó bekotibaabè kè bèè íté kéyeroo be ããpònkari ke bo bè co. ¹⁴ Kè Mòyiisi miẽke peike behããpòmbè iwẽi yembè bèè ni behããpòmbè tekoupiítè píítè nè tekòutè kòutè bèè kũntiní mudò. ¹⁵ Kòo bè beke ke dò: Dè dòmmè kè di yóu benitipòbè ke í bè kùo? ¹⁶ Di yému ke dò mbèè nitipòbè do tũnne Badammu kó itié nkénte kè Isidayeeribe caàrè ti Yiè nKuyie mmèdiè mPeo tãrì kènte kè kùu bè poté. ¹⁷ Kuonè di mmònni initidabí imou nè benitipòbè bemou bèè yenke. ¹⁸ Di yóu isapùmbí ì mu nyi yé onitidòu képuoke. ¹⁹ Díndi bèè kó dimàà kùo onitì yoo di kàáké ocù, di nciénnè dihããpònkari ke dò yewe yèyiekè, kè bè di dòd mewnèkùmè kó ikuó diyie ditããnni nè diyiénni, díndi nè di pĩrmú bè. ²⁰ Kè di múnkèe wénkũnne di yààtì nè di nentì tikònti kpeti nè tibòciti kpeti nè idèi kpeti.

²¹ Mèmmè kè ikuó nùtì Edeasaa náké behããpòmbè iwẽi yembè bèè do kòte mudò ke dò: Ntenè ti Yiè nKuyie ndo náké ì kuó Mòyiisi: ²² Mesoo nnè timátì péítì nè disoowũõ nè timátì nè mebierime nè dibierimínni, ²³ dèè kó dimàà í yóo

cóuté di dè pūñné muhãá nkè dèe wenke. Dèè yóó cóuté di de mpòtè mēwénkùmè kó meniē mmáà.
 24 Diyiè yiénnì yiè kè di óú di yààti kéwenke, de mǎnnì di bo na kékò ndi bàté dè.

Bè ní bo totí mēè botí bè éi dè

25 Kè ti Yiè nKuyie nnàké Mōyiisi ke dò: 26 Fó nnè Edeasaa nè Isidayeeriβe kó bekótibè dí kaa mbè pīrmúní bèè nìtibè nè ìì wūṣ, 27 kàa dè toté mēdémè, bèè kàte mudoò kè bè nte dikéè òimáà, kè betòbè bèè do kpaá kè bè nte diteri. 28 Kàa deite bèè kàte mudoò be kperi miēke onìti òmáà benìtibè sikousinùmmù (500) miēke kóò cànné n kpréi, ke me nyí inààke nè sǎmmarímú nè ipe nè sibóó. 29 Kè di dè duó nyikuó niùti Edeasaa, dè tu mí ndi Yiè nKuyie n kperε nde. 30 Isidayeeriβe sǎmbe bèè do kpaá be kó dikéè miēke, á deite benìtibè sipísinùmmù miēke òmáà, ke me nyí inààke nè sǎmmarímú nè ipe nè sibóó, kàa dè duó nDefiβε bèè pī n cīètè mutōmmù. 31 Mōyiisi nè Edeasaa ikuó niùti kè bèè dǎò ti Yiè nKuyie nnàké ti Mōyiisi. 32 Bèè kàte mudoò bè éi dèè kó òimáà miēke dèè kpaá kè dè mbo sikoupiúsikuò nè sikoupiúsìyiekè nè sikoupiúsìnùmmù (675000) ipe nè sibóó. 33 Inààke sikoupiúsìyiekè nè sikoupiúsìdè (72000). 34 Sǎmmarímú sikoupiúsìkuò nè tekoupiítè (61000). 35 Isapumbí ìì mu nyí duónè onitidòu kè ì mbo sikoupiúsitàāti nè sikoupiúsìdè (32000). 36 Bè duó ndì kèè bèè kàte mudoò ipe nè sibóó kè dè mbo sikoupiúsitàāti nè sikoupiúsitàāti nè sikoupiúsìyiekè nè sikou sinùmmù (337500). 37 Kè bèe deite de miēke sikousikuò nè sipísìyiekè nè dènùmmù (675) be Yiè nKuyie nkpréi. 38 Inààke sikoupiúsitàāti nè sikoupiúsìkuò (36000) kè bèe deite sipísìyiekè nè ìdèi

be Yiè nKuyie nkpéí. ³⁹ Sãmmarímú sikòupísitàãti nè sikòusìnùmmù (30500) kè bèe deite sipísìkuò nè dèmáà be Yiè nKuyie nkpéí. ⁴⁰ Benìtibè tekòupírípítè nè sikòupísìkuò (16000) kè bèe deite sipísitàãti nè bèdébè be Yiè nKuyie nkpéí. ⁴¹ Kè Mòyiisii duó nyikuó niùti Edeasaa dèè tu ti Yiè nKuyie nkperè o Yiè nKuyie nhò nàké ke yẽ ndè ndòmmè. ⁴²⁻⁴³ Dikée teri dii kpaá Isidayeeribe kpéí kè di mmànnè bèè do kòte mudoò be kperi mamè, ipe nè sibóò sikòupíkòusitàãti nè sikòupírípísitàãti nè sikòupísìyiekè nè sikòu sìnùmmù (337500). ⁴⁴ Inààke sikòupírípísitàãti nè sikòupísìkuò (36000). ⁴⁵ Sãmmarímú sikòupísitàãti nè sikòusìnùmmù (30500). ⁴⁶ Benìtibè tekòupírípítè nè sikòupísìkuò (16000). ⁴⁷ Kè Mòyiisii deite benìtibè sipísìnùmmù mièke òmáà òmáà, iwũõ memme, kéduó nDefiibe bèè pī Kuyie ncĕtè tōmmú ti Yiè nKuyie ndo ti nàké ke yẽ ndè ndòmmè.

Bè pã yèè pãrè Kuyie

⁴⁸ Bèè do ni mudoò ke baké behããpòmbè tekòupíítè píítè, tekòutè kòutè kè bèe kòte káyà Mòyiisi kóò nàké ke dò: ⁴⁹ Ti kàa mbèhããpòmbè ti baké bè ke ś nhòmòu í kpa bá òmáà. ⁵⁰ Dèè te kè ti tóní ti Yiè nKuyie nyepãrè ke bo mao ti yei ncĕmmè, mesoò nkó tisàti ti éi tì ti ti ntóní, yetootòre nè sineí nè mefimme, nè demámánnè nè dèè ð ncáátí mefimme.

⁵¹ Mòyiisi nè ikuó niùti Edeasaa kè bèe cuó mesoò nkó tisàti bè tóní ti. ⁵² Behããpòmbè bèè baké yetĩrè bè do duó ntii nentì kó kucéékù do bo cìdòò tekòutè nè sipísìyiekè (170). ⁵³ Kè behããpòmbè sám̀pòbè bie tieke bá wè ò éi dè. ⁵⁴ Mòyiisi nè Edeasaa kè bèè tanné mesoò nkó tinentì behããpòmbè bèè baké

yeĩrè tekəupíítè píítè nè tekòùtè kòùtè bè duó nti metaummè tou, kè dè bo yie nkè ti Yiè nKuyie mbáá yè nyIsidayeεriβε κρεί.

32

Bè dúómmè Dubenni nè Kadi naàmùnti kəβε ketenkè

¹ Dubenni nè Kadi be naàmùnkù kəβε do məke iwũṣ nyi kè ì sù mediè nkè bεε yà Yasεε εi nè Kadaadi kperi ye tenkè bo yíennèmè iwũṣ kó mucēmmu.

² Mεmμε bè kətemè kέyà Məyiisi nè Edeasaa nè Isidayeεriβε kó bekótíbè ke bè nàké ke dò: ³⁻⁴ Ti Yiè nKuyie nduó ntínti Isidayeεriβε kè ti fiète yèè ekè yè yíennè iwũṣ kó mucēmmu mmu, tínti a kó betōmbè ti me ntu iwũṣ kó becémbε mβε, de kó yehékè tu: Atadoti, Dibonni, Yasεε nè Nimuda, Esibonni nè Edeyade nè Sebammu nè Nebo nè Beonni.

⁵ Kè bεε deè ke dò: Məyiisi, kàa bo yie nha ti duó ndε kó ketenkè, di báá ti sée kukó nSuditεε yàà.

⁶ Kè Məyiisi bè tḗnné ke dò: Di tú ba? Di tebíi bo nkəri mudoò kè di né nkpaá diennaà? ⁷ Dè yĩme kè di dó kέyárikùnnε Isidayeεriβε kònti bè bo tamè dihei ti Yiè nKuyie mbè duó ndi. ⁸ Ti bo diì m̀nni Kadεesi-Bannea, kè n tō ndi cicεbè kè bè bo paaté Kannahāā εi kè bεε me ndoò. ⁹ M bè tō mmεmmε kè bεε kəte Esikəodi biriku kέyà dihei kέwētεní kέyárikùnnε Isidayeεriβε kònti bè bo tamè dihei ti Yiè nKuyie mbè duó ndi. ¹⁰ Mεmμε kè ti Yiè nKuyie mmieκεε peike kè kùu parikè ke dò: ¹¹ Benitibè bèè kó dimàà yènní Esibiti, kétúóté bèè məke yebie nsipísidé kéndεètinko òmòu naàcètè báá ta dihei n do yē n yóó duó ndi be yembè

Abarahammu nè Isaki nè Sakɔbu, ke yé bè í yiemme ke n tūnne sei. ¹² Kè dè í tú Yefundee Kadɛbu Kenasi naàm̀nk̀k̀ kou nè Nunni birɛ Sosuwee, beè m̀áà di tati, ke yé beè yiemme ke n tūnne sei. ¹³ M̀em̀me ti Yiè nKuyie mmiɛke peikemè Isidayɛɛribɛ kè k̀u duó nkè bè nháá ndikp̀áà miɛke ke k̀emm̀unè de kó kutōnk̀k̀ k̀ɔbe beè do d̀áà k̀u í d̀á d̀è bè bo k̀um̀é k̀édeè. ¹⁴ Beɔ̀ar̀ib̀é kó kubotí d̀indi, d̀e ỳime kè di d̀ó k̀ésɔ́t̀é di yembè tōmm̀ú ke tikii ti Yiè nKuyie mmiɛke kó muháá nyIsidayɛɛribɛ ĩnkè? ¹⁵ Kè di b̀ut̀inǹé di Yiè nKuyie nk̀u bo yóu kè di nkpaá dikp̀áà dii mmiɛke k̀em̀ante, kè d̀i né nte kè Isidayɛɛribɛ bem̀ouu feti. ¹⁶ Kè de kó benit̀ib̀é t̀ónkoo M̀oyiisi borè kóò nàké ke d̀ò: Ti d̀ó k̀éd̀áà ti ẁũɔ́ kó dibaak̀èr̀i ndi k̀émaá yehékè kè ti bí nhá. ¹⁷ Ti m̀ómm̀ambe kè ti túóté ti kp̀ar̀inenti k̀eniit̀é fenafe ìlk̀é, k̀ék̀ote k̀étanné ti teb̀i de kó yehékè, ti bí sám̀p̀ò ii yó mbo die nyehékè ti yóó maá yè k̀éfii nyiduotí k̀énsar̀inè de kó ketenkè k̀ɔbe. ¹⁸ Kè Isidayɛɛribɛ bem̀ou í k̀ari bá wè o tenkè ti í ẁetini. ¹⁹ Kè di ti duó ndie nti kó ketenkè ti t̀énke í yó nwanti dí ti duó nkete kè Sudit̀é kó nyáà teri, ke yé ti k̀ake bomè die ndiyáà diyie ỳèní kèè bíékè kperi. ²⁰ Kè M̀oyiisi d̀ò: Kè di p̀ĩ ndi béi ndi ǹu, kè di túóté di kp̀ar̀inenti ke doké ti Yiè nKuyie nyè ndè ndōmm̀é. ²¹ Kè di bàátí ke s̀er̀té Sudit̀é di Yiè nKuyie nyè ndè ndōmm̀é ke baanè k̀u bo duómm̀é kè bèe na be dootit̀ab̀é kè bè bèti. ²² Kè ti Yiè nKuyie mbè duó ndi m̀onni be tenkè, de m̀onni di bo na k̀éẁetení di tenkè, Isidayɛɛribɛ báá di sei ndi Yiè nKuyie mme nténke báá di sei. ²³ Kè di me nyí d̀ò memme di yeténè ti Yiè nKuyie nku, de m̀onni di nyé ke d̀ò ndi yei mbo di p̀ĩ. ²⁴ Maánè t̀unké yehékè

kétanné di bí sám̀pòì, kédòò di wũṣ kó yebaakùyè, di né báá yè ndi béi ndì nùù. ²⁵ Kadi naàm̀unk̀ù nè Dubenni naàm̀unk̀ù k̀òbe kè bèe náké M̀oyiisi ke d̀ò: A kó betṣmbè tínti ti yóó d̀òòmu f́ nti yiè nha ti nàké ti. ²⁶ Ti bí nè ti pobè nè ti pe nè ti wũṣ dè yó mbo diè nde Kadaadi ekè mièke. ²⁷ A kó betṣmbè tínti bèè bàátí tikp̀arinent̀i ti k̀orimu kè ti Yiè nKuyie nyóó ti niité kè tí bè dokénè a yè ndè ndòmmè.

²⁸ Mem̀me kè M̀oyiisii náké ikuú nùt̀i Edeasaa nè Nunni birè Sosuwee nè Isidayeribe kó bekótíbè de kó benit̀ibè kpéi nke d̀ò: ²⁹ Kè Kadi naàm̀unk̀ù k̀òbe nè Dubenni k̀òku k̀òbe bèè baati tikp̀arinent̀i kè bè di neinè késénté kukó nkè di Yiè nKuyie ndi niité kè di doké, kè di tieke dù m̀onǹi di ekè, dí bè duó nKadaadi tenkè kè bèe tieke. ³⁰ Kè bè me nyí bàátí ke di neinè Kannahã kó ketenkè mièke nke di yóó bè duómmè ketenkè di k̀òke mièke.

³¹ Kadi naàm̀unk̀ù k̀òbe nè Dubenni naàm̀unk̀ù k̀òbe kè bè d̀ò: Ti Yiè nKuyie nnàké tí tínti a kó betṣmbè ti yóó ti d̀òòmu. ³² Ti yóó bàátímu ti Yiè nKuyie nyè ndè ndòmmè kék̀òte Kannahã, ti né d̀ó tí tu, a tí duó nti kó ketenkè Suditè kó nyáà dii ndi.

³³ Mem̀me kè M̀oyiisi duó nKadaadi naàm̀unk̀ù k̀òbe nè Dubenni naàm̀unk̀ù k̀òbe nè Sosefu birè Manansee botí k̀òbe dikéè, Am̀oriibe kpààt̀i Sionni kó dikpààt̀iyuu nè Basã k̀òbe kóo kpààt̀i Oku kperi nè yehèkè yèè bo be tenkè m̀anku nè yehèkè yèè dè t̀òké.

³⁴ Mem̀me kè Kadi naàm̀unk̀ù k̀òbe maá Dibonni nè Atadoti nè Adowee, ³⁵ nè Atadoti-Sofanni Yasee nè Yoboa ³⁶ nè Bèti-Nimuda nè Bèti-Adannii ke yè fii nyiduoat̀i, kémaánè be wũṣ kó yetuo.

³⁷ Kè Dubenni naàmùnkù kòbèè wēte kémaá Esibonni Edeyade nè Kidiyataimmu ³⁸ nè Nèbo nè Baadi-Nèṣṣ nè Sibema ké yè cèète yeyètè.

³⁹ Mèmmè kè Manasee bire Makiidi naàmùnkù kòbèè do Kadaadi èi kèbeti Amòriibe bèè do dè bo. ⁴⁰ Kè Mòyiisi bè duó nde kó dihèi kè bèè kari. ⁴¹ Kè Manasee bire terè bè tu dè Yaii kó kunaàmùnkù kòbèè túóté Amòriibe ekè depaa nkpeye ké yè yu ke dò: Yaii ekési. ⁴² Kè Nòbaa kòbèè do Kenati nè yehèkè yèè ò tókénè ké yè yu o mómmuṣo nho kó diyètìrì ke dò Nòba.

33

Isidayeeriibe yè Esibiti kénkatìmè ke sṣṣati kètuakènè kukó nSuditèè

¹ Nte Isidayeeriibe do yetì Esibiti kédóótémè be āpàntìrè dò ndòmmè, Mòyiisi nè Anṣṣ kè bè mbè ni kè bèè kété kèyè yèè bòrè. ² Kè Ti Yiè nKuyie nnáké Mòyiisi kòo nwāũ bè kàtì dè ke sṣṣati, nte ò do dè wāũ mèè botí:

³ Dibenni tǎnkù ketiwè do nwe diyìè teríítè nè dinummurì bè baámmè diyentébbanni, kè dèè wenté kè Isidayeeriibe ité Dammusesi èi kénkérì ke yetì kè Esibiti tenkè kòbe bè wùó nkè bè kéri. ⁴ Dè mǎnnì kè Esibiti kòbe kūrì becíribè, bèè tu Mpo ti Yiè nKuyie ndo poté bè ke bo benke Esibiti kòbe kù kpehínìnèmmè be kó yebòkè. ⁵ Kè Isidayeeriibe ité Dammusesi kékòte kébáté Sukoti, ⁶ kèíté Sukoti kékòte kébáté Etammu èi tedòntè kó dikpáà mǎnku. ⁷ Bè ité Etammu èi ndi tedòntè kó dikpáà mǎnku kékónté kéwēténì Pi-Aidoti, Baadi-Sefṣṣ ùkè, kébáté kénwetì Mikidodi. ⁸ Bè ité Mikidodi nwe késénté dàmmèrì tipèntì kou, kéta dikpáà tedòntè kperi, kèmmòke mucèmmu yewe yètāāti Etammu kó dikpáà tedòntè

kperi miεke, kékote kébáté bè tu dè Mada. ⁹ Bè ité Maara nwe kétuεke Edimmu sibií do borè tepíítè nè sidsèsi nè depuonne sipísìyiekè, kébáté dεborè. ¹⁰ Bè ité deñde kébáté tipèntì kóo dàméèrì pεémme, ¹¹ kéíté tipèntì kóo dàméèrì pεémme kébáté Sinni kpàà miεke, ¹² kéíté Sinni kpàà tedòntè kperi kébáté Dofikaa, ¹³ kéíté Dofikaa kébáté Aduusi, ¹⁴ kéíté Aduusi kébáté Defidimmu ke í mpètè dεborè menie nke yà.

¹⁵ Bè ité Defidimmu nwe kébáté Sinaii kó dikpàà tedòntè kperi miεke. ¹⁶ Bè ité deñde kébáté Kibodoti-Ataafa ¹⁷ kéíté Kibodoti-Ataafa kébáté Asedoti, ¹⁸ kéíté Asedoti kébáté Ditima, ¹⁹ kéíté Ditima kébáté Dimoo Pεδesi, ²⁰ kéíté Dimoo Pεδesi kébáté Dibuna, ²¹ kéíté Dibuna kébáté Disaa, ²² kéíté Disaa kébáté Keedata. ²³ Bè ité Keedata nwe kébáté Sefεedi tārì. ²⁴ Sefεedi tārì ndi bè itémè kébáté Adada, ²⁵ kéíté Adada kébáté Makidoti, ²⁶ kéíté Makidoti kékote kébáté Taati, ²⁷ kéíté Taati kébáté Tedaa, ²⁸ kéíté Tedaa kébáté Mitika, ²⁹ kéíté Mitika kékote kébáté Asimona, ³⁰ kéíté dεnde kékote kébáté Masedoti, ³¹ kéíté Masedoti kébáté Bendee-Yakanni, ³² kéíté Bendee-Yakanni kébáté Odi-Kidikaadi, ³³ kéíté Odi-Kidikaadi kébáté Yotibata, ³⁴ kéíté Yotibata kébáté Abudonna, ³⁵ Bè ité deñde kébáté Esiyonni-Kebee, ³⁶ kéíté Esiyonni-Kebee kébáté Sinni kpàà tedòntè kperi bè tu dè Kadεesi. ³⁷ Bè ité Kadεesi nwe kékote kébáté Odi tārì Edammu tenkè mànkù.

³⁸ Deñde ti Yiè nKuyie nduómme kè ikuó niùti Anoo deke Odi tārì ñnkè, ò de nku, ke só ndè mōke yebie nsipísìnàà nè bè yèmè Esibiti, dibenni tãnkù nummuwè do nwe diyìè ketirì. ³⁹ Dεnde Odi tārì ñnkè ò kumè, ke nyóó kú ke mōke yebie

ntekùtè nè sipìsidé nè yètããti. ⁴⁰ De kó difõnkùò ndi Kannahãã kãbe kóo kpààti Adadi Nèkefu eì kou kèèmè Isidayeeribe kéroómè.

⁴¹ Kè Isidayeeribe ité Ɔdi tãri ñnkè kékote kébáté Sadimõna, ⁴² kèité Sadimõna kékote kébáté Punõõ, ⁴³ kèité Punõõ kékote kébáté Obõdi, ⁴⁴ kèité Obõdi kébáté Iyee-Abadimmu, Mõabu tenkè mànkù, ⁴⁵ kèité Iye-Abadimmu kébáté Dibonni-Kadi, ⁴⁶ kèité Dibonni-Kadi kébáté Adimõnni-Dibadataimmu, ⁴⁷ kèité Adimõnni-Dibadataimmu kébáté Abadimmu tãri ñnkè kénwetí Nèbo eì. ⁴⁸ Bè ité Abadimmu tãrè nye kébáté Mõabu tenkè kó kubiriku, kukó nSuditẽẽ také, kénwetí Sedikoo. ⁴⁹ Bè do bàté kénhérinè kukó nSuditẽẽ nwe kétúóté Bèti-Yesimõti kéntõ kétuõkenè Abèedi-Sitimmu eì Mõabu biriku.

Isidayeeribe dò nkétotí mèè botí ketenkè

⁵⁰ Dende Mõabu biriku Suditẽẽ kó ntake Sedikoo ñkè ti Yiè nKuyie mbéinnèmè Mõyiisi ke dò: ⁵¹ Náké Isidayeeribe ke tú n yè nkè di sènté Suditẽẽ ke ta Kannahãã tenkè, ⁵² dí bèti de kó ketenkè kãbe bẽmõu, kẽmpuò mbe tenkaanì yetãrè kpesi kébóké timátì kpesi, kẽpuò mbe wũõtòrè kécake be tòrè, ⁵³ kètieke dihèi kẽmbo. N di ndi duõmmu kè di dò nké ndi te. ⁵⁴ Di yóó tãũ tété nwe kètotí di tenkè di naàmuntì dò ndõmmè, kè kùù naàmunkù sũ ku kó ketenkè ndeu, kè kùù kèñni ku kãke nkèñni, kè di tãũ tété kè kùù naàmunkù do dè, ku kó ketenkè ke ntú. Di yó ntũ ndi wuõ ndõmmè mme kètotí di tenkè. ⁵⁵ Kè di me nyí bèti Kannahãã kãbe bẽmõu, kè di yóu bèmabè beè yó ndo ntipotí kénkũũ di nuõ, kèndò nyinaacẽmpààti ìì cùóké sikãũ ke kũũ di pũti

ke di éüté dihei di bo dii miéke. ⁵⁶ De mǎnni n do na mbè dǎòmè kè n né mè dǎò dí mbe.

34

Kannahā tenkè mǎnke

¹ Kè ti Yiè nKuyie nnáké Mǎyiisi ke dà: ² Náké Isidayeεribe ke tú n yē nkè di tǔðke dii mǎnni Kannahā tenkè n di duó nkè kè di bo tieke, nte di tenkè mǎnke yóó díte dè.

³ Kubakù cǎnku bíékè di tenkè kó kumǎnku yóó díte tedǎntè kó dikpáa Sinni nwe kémpékénè Edǎmmu kó kutempē. Kè diyie yìenì kèè bíékè kó kumǎnkúu díte mukókúú nkóo dǎmèèrì. ⁴ Kù yóó fité kubakù cǎnku bíékè nke kékónté kédeke ináá nkó ditenni kényènnè Sinni, Kadεesi-Bannea kubakù cǎnku kétuoke Asaa-Adaa nè Asimǎo, ⁵ kékote kédíté Esibiti kó kukó kǎntǎ kétuokenè dǎmèèrì Meditedandee.

⁶ Kè diyie taà kèè bíékè kó kumǎnku ntú Meditedandee kóo dǎmèèrì.

⁷ Kè kubakù yóu bíékè kó kumǎnkúu díte Meditedandee kóo dǎmèèrì kǎntǎ kétuokenè Ǔdi kó ditāri, ⁸ kǎíté Ǔdi kó ditāri kényè Debo-Amati kǎntǎ kétuokenè Sedati, ⁹ kǎpǎēté kétuokenè Sifunǎo, kǎpǎēté kékote Asaa-Ananni di kó kutemmǎnku kubakù yóu kǎku yó nde kǎáké.

¹⁰ Diyie yìenì kèè bíékè kó kumǎnku kunku di kù yènnè Asaa-Enanni kǎntǎ kétuokenè Sefammu.

¹¹ Kè kùu íte Sefammu kényènnè Dibuda Ainni diyie yìenì kèè bíékè kǎntǎ kétuokenè ditenni yúnímè Sennesadeti kóo dǎmèèrì diyie yìenì kèè bíékè.

¹² De kó kumǎnku yó mme ndò kétuokenè Suditéē, kécáátínè mukókúú nkóo dǎmèèrì. Di kó ketenkè kó kumǎnku yó nde nkǎáké.

13 Mènme kè Mòyiisi náké Isidayeribe ti Yiè nKuyie nhò nàké ti ke dò: Nte ti Yiè nKuyie ndi duó nkèè tenkè díndi iwuò nyìwei nè dikèè kè di tǎá tété ké kè totí. 14-15 Kè Dubenni kó kuwuò nkòbe nè be cǐl nè Kadi kó kuwuò nkòbe nè be cǐl kényínè Manansee kó kuwuò ndikèè, bembè cǔtému be kó ketenkè kukó nSuditǐ yáá diyìè yìení kèè bíékè Sedikoo ìkè.

Bèè totí ketenkè be yètè

16 Kè ti Yiè nKuyie nnáké Mòyiisi ke dò: 17 Nte benitibè bèè yóó di totí di tenkè be yètè: Edeasaa ikuó niùti kényínè Nunni birè Sosuwee. 18 Dí deíte bá kùù wuò mmieke wèè tu okóti kòo di teennè ketenkè kó mutotímù. 19 Nte de kó benitibè yètè:

Sudaa kó kuwuò Yefundee birè Kadebu,

20 Simmeǎǎ kó kuwuò, Ammiudi birè Semmuyeedi.

21 Bensamee kó kuwuò, Kisinòò birè Edidadi.

22 Danni bí kó kuwuò, Yokidi birè Bukii.

23 Sosefu birè Manansee kó kuwuò, Efodi birè An-nyeedi.

24 Sosefu birè terè Efadaimmu kó kuwuò, Sifutǎa birè Kemmuyeedi.

25 Sabunòò kó kuwuò, Padunaki birè Edisafǎa.

26 Isakaa kó kuwuò Asǎa birè Pedayeedi,

27 Asee kó kuwuò Sodomii birè Aiudi.

28 Nefutadii kó kuwuò, Ammiudi birè Pedayeedi.

29 Bembe ti Yiè nKuyie ntǎátémè kè bè bo totí Kannahǎa kó ketenkè.

35

Defi bí kó yehékè

1 Kè ti Yiè nKuyie nnáké Mòyiisi Mòabu kó ku-
biriku mieke Suditǐ také, Sedikoo ìkè ke dò: 2 Náké
Isidayeribe kè bèè duó nDefiibe ketenkè be kòke

miεke nè bè yó ncēm̀m̀m̀ dè be wũṣ. ³ Kè bè mbo de kó yehεkè miεke ke cēm̀m̀m̀ be wũṣ ye tenkè. ⁴ Ketenkè kèè fité de kó yehεkè bè yó ncēm̀m̀m̀ kenke be wũṣ, kétúóté dihei kó kuduotí borè, di kè benné kè kè m̀bo métiri sikəusiǹmm̀ (500). ⁵ Kè dí túóté kuduotí borè dikpáà diyiè yiení kèè bíékè kè kè m̀bo métiri tekəupíítè (1000), kébenné kubakù yóu bíékè kè kè m̀bo métiri tekəupíítè (1000), kébenné diyiè taà kèè bíékè kè kè m̀bo métiri tekəupíítè (1000), kébenné kubakù yóu bíékè kè kè m̀bo métiri tekəupíítè (1000). Kè dihei nsoké de cuokè. Bè yó mm̀ake kèè tenkè nke be eì fitimè. ⁶ Dí duó nDefiibe yehεkè yèkuà disàri kpeye, kè dè kpeténè òm̀ou kòò kùò onitì wèe coké kəsəri de kó yehεkè miεke, káyienè yehεkè teyè sipísìnàà nè yèdéè. ⁷ Yem̀ou kè yèe wənné kəm̀bo yehεkè sipísìnàà nè yèni ke né yienè ketenkè bè yó ncēm̀m̀m̀ dè be wũṣ. ⁸ Isidayεeribe wuə mmiεke bá kù kùu yaate ku ekè bè kù duó nyè miεke kéduó nDefiibe, kè kùu m̀ake kè yè sũ ku kpeye nsũ, kè kùu m̀ake kè yè kēñni ku kpeye nkēñni. Bá kùu wuə nkùu yaate ku tenkè kéduó nDefiibe bè kù duó nkè kè m̀am̀è.

Disàri kó yehεkè yó ntú yè

⁹ Kè Ti Yiè nKuyie nnáké Məyiisi ke d̀: ¹⁰ Náké Isidayεeribe ke tú n yè nkè di sènté dii m̀onnì kukó nSuditēē ke bo ta Kannahā tenkè, ¹¹ di tāāté yehεkè yèè yó ntú di kó disàri, kè dè kpeténè òm̀ou kòò kùò onitì wèe coké ké di ta kəsəri. ¹² De kó yehεkè yó ntú di kó disàri ndi kè dèe yie nkè dè kpeténè òm̀ou kòò kùò onitì, wèe coké kéta káyenténè wèe d̀ó képeite. Kè dè kpeténè òm̀ou kòò kùò onitì bè báá ò kùò ke mu nyí ò tənì ditñni iikè kè di ò bekénè.

13 Di yóò bè duó nyèè ekè miéke disòrì kpeye yó mbo yèkuò ndi. 14 Di tãáté yètãáti Suditèè kó nyáà, yètãáti Kannahãã kó dihei. 15 De kó yehékè yekuò yenyé yó ntú Isidayeribe kó disòrì ndi, nè bepòòbè bèè bo di cuokè. Kè dè kpeténè òmòu kòò kùò onitì, de yiè mbo na kécoké késòri ye miéke òmarì.

16 Kòò mòu poté otòu nè kunenkù makù timáti kòku, kòò kù, de yiè nhonitikòùtì nwe, bèè ò kùò.

17 Kòò me nhò bàté ditári ndi kòò kù dè yiè nhonitikòùtì nwe, bèè ò kùò. 18 Kè dè me ndò nhò ò poténè kudú nku kòò kù, de yiè nhonitikòùtì nwe, bèè ò kùò. 19 Wèè dò nképeite kòò ò màánè dè wèè ò kùò. 20 Kòò mòu ní nhotòu kòò tènté kòò do yoo ò dí nkòò bàté òmarè kòò ku, 21 yoo kòò miéke kèè me nhò péi kòò ò poté dinacekutiri kòò ku, onitikòùtì nwe, wèè dò nképeite kòò ò màánè dè wèè ò kùò.

22 Kè dè me ndò ndè kpeténè òmòu kòò tènté òmòu kòò do ke ku, kè menímmè í bo be cuokè, ò me nyí ò dí nkòò bàté òmarè, 23 kòò me ndooté ditári ndi kè dì ò màánè kòò ku, ke do í tú o dootitòu, kòò do í ò dónè meyei, 24 kè dè dò mmemme ditínni tünne ikuó ò tukúnè wèè kùò nè wèè dó képeite kè bèè bekénè de yiè. 25 Kè ditínni deeté wèè kùò wèè dò nképeite kòò báá ò kùò. Ditínni ò ténne dihei ò do sòri dì, kòò nkè bo ke baanè ikuó niùtì diwè bè còú nwe mekùò nhò bo kúmè. 26 Kè dè me ndò nwèè kùò ò yènni dihei ò do sòri dì kó mutentáá. 27 Kè wèè dò nképeite kòò ò yà kòò í bo dihei ò do sòri dì kó mutentáá nkòò ò kùò ò í cààrè. 28 Kè dè me nkpeténè òmòu kòò kùò onitì ò dò nkémbo disòrì kó dihei ndi ke baanè ikuó niùtì diwè bè cou nwè mekùò nhò bo kúmè kòò né wèè o èi.

29 Di yó ntũ nyii kuó nè di yaábíó bá kè di borè.

30 Kè dè tùòkení ke dò mmemme wèè kùò onìti bè dò nké nyóó ò kùò kè benìtibè péu beè yé mùù te, bè báá kuò òmòu kòò nìti òmàà weè tu ò yé mùù te.

31 Òmòu báá kuò onìti kéndò ndi ò kùò kè dí còuté ticuuti kóò yóu, ò dò nkékuomu. 32 Di báá yie nkòò mòu dí yietí ticuuti kényènní disòrì kó dihei kékonní o èi, kè ikuó nìtùti diewè mu nyí ku.

33 Di yóó kari dìi èi di báá cóú mmenitiyĩ, menitiyĩ nsĩnkũnko dihei ndi, dèmarè í bo di bo dòò dè kè dèe wénkũnne dihei menitiyĩ nsĩnkũnne di, kè dè í tú di bo kuòmè wèè kùò. 34 Di báá sĩnkũnne dihei di yóó kari di, n yó mbo di, mí ndi Yiè nKuyie n yó mbomu díndi Isidayeeriibe di cuokè.

36

Benitipòbè bèè tieke be yembè tenkè bè dò nkényenkú mèt botí

1 Kè Sosèfu birè Manansee birè Makiidi kó debire Kadaadi naàmũnkù kòbe nè Isidayeeriibe kó bekotibaabè nè be cẽĩ kó bekótíbèe kote káyà Mòyiisi kóò nàké ke dò: 2 Ti Yiè nKuyie nda nàkému ke tú di tǎá tété kètòti ketenkè Isidayeeriibe kó iwuò ke da nàké ke tú: Á duó nti tebite Sedofadi kó ketenkè o sapàmbè. 3 Kè bè me nyenke Isidayeeriibe wuò mmieke kutekù makù, ti kéété de kó ketenkè ke yíé bè yenke kùù wuò nkòke, de mònni ti kó ketenkè yóó yaatemu. 4 Kè meténnímè kó dibenni tùòke Kuyie nkó dibanni dieri, be kó ketenkèe naá mbè yenke kùù wuò nkòke ke ténke bá ntú be yembè kòke.

⁵ Mèmmè kè Mòyiisii náké Isidayeeribe ti Yìè nKuyie nhò nàké tì ke dà: Sosefu yaàbí b́í nke naatimu. ⁶ Nte Ti Yìè nKuyie nnàké tì tì tukúnè Sedofadi kó besapàmbè bèè yenke bè d́ó wè, kè de yìè ncénke tú be kó kuwuò nkou. ⁷ Kè dèe yie nkè Isidayeeribe kó ketenkè bá ntaà iwuò nteì kàke mièke, Isidayeeribe bá kùù wuò kè kù nkari ku yembè tenkè. ⁸ Isidayeeribe wuò mmieke benitipòbè bèè yóó tieke be yembè tenkè bè nyenkú be kó tinaàmùntì mièke nke, kè dèe yie mbá wèè Isidayeeri kòo nte o yembè tenkè. ⁹ Mèè botí nku bá kùù naàmùnkù bo ntemè ku yembè tenkè.

¹⁰⁻¹¹ Mèmmè kè Tisododi kó besapàmbè Mada nè Tidisaa nè Okuda nè Midika nè Nòà kè bèe tūnne ti Yìè nKuyie ndo nàké tì Mòyiisi kéyenke be cice tebí kó bedapàmbè. ¹² Sosefu bire Manansee kó ibí nyi bè do yenkemè kè be cicebè tenkè nkpaá ke tú be naàmùnkù kàke.

¹³ Isidayeeribe bo d̀̀ m̀̀nnì M̀̀abu biriku mièke kukó nSuditèè pèèmmè ke wetí Sedikoo, dènde ti Yìè nKuyie nduómmè Mòyiisi i nkuó nè ye ntannè kòo dè mbè t̀̀o.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 21 Apr 2023 from source files dated 1 Jun 2022

5e2d0f12-f1d8-567b-bf98-cf1de4599d16